

贛州府志卷二十四

經政志

學校

興國縣

興國縣學初在南門外宋太平興國七年建治平元年縣

令柯述遷縣城北郭知章記紹興十三年縣令韓暉遷

西隅尋又遷北隅即今址乾道間縣令徐桐穆淮淳熙

間縣令雷豐紹熙間縣令蔡世美通志嘉泰中縣令莊夏

志相繼修端平二年縣令趙時重新蕭巖記元至正末

縣尹陳文彬修劉崧記明吳元年知縣賈思復清復學



贛州府志卷二十四 學校

基重修陳謨記宣德七年知縣伍善建尊經閣胡儼記

景泰四年巡撫韓雍徵訓導陳鶚重修廖莊記成化九

年知縣章廷珪撤而新之張元禎記通志十八年復作興

賢堂射圃亭正德元年知縣曾選重修大成殿明倫堂

進德修業二齋改集鳳坊舊志十三年知縣黃泗重修自

為記嘉靖四年副使林大輅檄修陳昌積記三十一年

推官許鑰從諸生請徙治平觀以舊址易之縣志張烜鄭

廷鵠李丕顯各有記四十年寇燬四十一年知縣陳簡

復移建故址隆慶二年知縣盧晉拓而新之萬曆三十

九年知縣吳宗周重修立敬一亭謝詔記天啟三年知

縣劉清遷城內大乘寺崇禎十三年移復故址舊志後燬

國朝順治十三年知縣黃之麟重修康熙十三年復燬二

十年知縣黃惟桂重建通志楊旭齡王思斌俱有記縣志四

十三年知縣張尙瑗倡建明倫堂尊經閣楊顯魯瑗皆

有記舊志五十七年知縣沈維烈倡修乾隆三年知縣徐

大坤以城隍廟基改建文廟趙大鯨梁機並有記右前

稍平為澱江書院三十八年知縣陳椿年復以學與書

院互易至今仍之四十八年知縣衛時敏倡修明倫堂

五十六年知縣程玉樹信修明倫堂頭門嘉慶九年知

縣謝袞勸修大成殿及宮牆泮池縣志道光七年知縣程

儒林倡修明倫堂有記二十六年邑民歐陽席聘捐修

大成殿廡庫門牆欄楯新增

崇聖祠在先師廟左乾隆三年知縣徐大坤建三十八年

改建學宮移今繳江書院之後嘉慶九年復移今所在

文昌廟之右鍾廣京捐建二十三年子登士重修

名宦祠祀二十二人

宋縣令程珣雷正雷豐何時莊夏主簿蔡志學明知縣

唐子儀陳連達泰章廷珪曾選盧宁海瑞何應彪王芮

吳宗周蔡鍾有王簿于旺教諭林鈍

國朝知縣柴震龍王璋黃惟桂

本仁按雷正柴震龍二人據縣志補

鄉賢祠祀十一人

唐鍾紹京謝肇宋李潛李朴蕭行可鍾紹安李謙王質

明呂復胡濟

國朝王鼎相

興國本大學順治初降小學入學八名康熙五十八年

復中學入學十二名如今額縣志

學田租額三百八十七石三斗七升額征糧銀十四兩

一錢縣志

宋郭知章改遷儒學記國家承平日久鼓道德以覆被天下之俗將使混然一之而純

粹矣然其郡邑之壤密相環其習尚往往稍異者何也
說者以爲生質有厚薄與夫風氣有燉惡不可得而遷
徙誠如是教之無益也詩書仁義殆爲人之駢枝尚何
爲耶夫不知人之才固非自異患乎長之者未能固其
教也朝廷詔郡邑立學意亦至矣而不可繩以法非若
刀布簿書抵其職之稱否而黜陟之苟知自畏者莫不
認認焉砥礪以赴功而懼才力不足以勝彼學校者獨
存乎法之外誰自刻意而勉爲之幸而有勉焉不幸而
非其所好幸而有好焉不幸而非其所樂是以民之材
可以適善而與之適善者難能也興國爲邑雅號劇盛
民往往挾氣尙剛幸其富益而安閒亦有學者百餘年
因循持入尙未有以學校開牖之良可歎也治平元年
夏殿中丞柯公莅邑越三日齋戒謁聖廟見其卑陋殊
甚而二時薦祭盞籩豆之器皆壞腐僅存名數公憮
然曰夫學孔子之道非政私焉必將廣其教今所謂廟
與器尙不能嚴而飭之教將焉在余甚爲學孔子者愧
然民訟紛積而吏弊深以宰方銳意壅遏攘拂之學校
以此未暇及未幾政皆有條理而人莫敢違令公曰可
以教之矣其年冬議遷舊學於縣門之北規度墀地廣
袤適相宜又得民之尤喜事者願致私緡以助凡工費

皆資焉明年冬學成有殿斯巍有堂斯煥至於東西兩
廡齋庖之所無一不稱何其盛哉非公自然而樂之能
及此耶愚嘗聞有而不能充之者君子之性充而能廣之
者君子之教子思曰率性之謂道修道之謂教是也然
性所以成己教所以成人性所樂也教亦所樂也况得
一邑粗可以教其樂則詩書仁義之道何憚而不昇斯
人耶宜乎公之立學獨得道意於法之外也將見與國
之士被服儒術者相與翱翔游於其間治心養氣正
其所習期純固而閎肆一旦聯裾而起皆所謂傑然之
才上可以宜朝廷之器使夫然後之學之效如此王公
之樂又如此其遠矣經始而成之者邑尉張王旬瞻學
喬卿也論撰而刻諸石者門生郭知章也
鈔記地之美者善養禾君之仁者善養士推廣君心之
仁而惠及都邑者賢守令責也我宋重儒尊道學
以居之廩以育之君心一脈之仁如水行地中無往而
不在者皆守令推廣力也興國自建邑以來學舍備而
稍食闕紹興中蔡侯世美請於朝欲於人戶入納二稅
每鈔官收內撥出足錢一十文載之赤歷儲之縣帑爲
養士費士有俸自茲始也歲既久黠吏因緣復於瞻學
錢外陰取一十文足紹定己丑寧石草竊殘燬我郭郭

連歲假擾錢鈔附於縣帑縣多以綱解有虧於是乎有
支移借用之弊士所得日以慳而阜隸陰取之錢毫末
無損士不能平訴於上臺願以吏之所取與贍學之費
俱寢部使者從其請士失養者今五載矣吏姦莫遏舊
貫尚仍今年春番陽趙侯來首重人才愛護善類每入
學顧翼宇欷頌青衿寂寞喟然歎曰何吾道之若是既
審其所以乃呼吏而鞠之具得其情謂士且無養而吏
得自豐遂取魁黠者力懲之衆皆悅服於是人戶入納
大鈔所收二十八文足小鈔收八文足皆縣用合得以
支遣者悉捐此錢以十文足今爲養士費補前日所住
之錢委主簿王甸掌之餘以修學修城委尉項公演掌
之以文報於學士皆額手曰昔蔡侯之意固美而取之
於民所以末流不能無弊今尹不加賦於民而士得其
養吏革其姦意美於蔡侯多矣南山可移此判不可動
第歲月遷易案牘湮沒又安保吏之不復侵漁乎學職
乃相率告曰願勒堅珉以詒不朽予曰侯所以養士者
至矣而士之所以自養者當何如大學曰未有上好仁
而下不好義者也儒行曰儒有見利不虧其義是以教
學相長禮樂相規如是之謂義朋友有信進修有常如
是之謂義苟知此道然後無媿於自養侯以仁養士士

以義自養仁義之風蕩然交暢興邑自此殆將化爲
鄉魯之鄉矣然則多士德侯之賜豈止今日而已哉

元劉崧修儒學記 清江陳侯某爲興國之三年既廢賦
均役繕城籍兵保完邑民拒逐鄰寇

矣乃大修孔子廟學將無紀於後有加於昔關沮夷隘
增崇拓深以仰稱聖人尊嚴之居以申崇諸夏文明之
教以無負方伯擢任之意以無隳邦人彝性之常侯爲
政誠知所本哉按縣學在縣北隅負山而城外門俯迫
民舍紆道旁出前未有闢之者其正殿門廡中更修葺
僅完獨講堂嘗以他材改爲之傾壓將弗支而曩時所
謂尊經閣在講堂後高阜者已蕪沒不可考矣侯惻然
曰是不可以譏邦人也卽考圖營基度材庀役首撤大
成殿簷阿之撓腐高揭而重覆之比爲尊經閣以度羣
書下爲講堂凡十有幾楹高廣若干尺南爲櫺星門又
南創爲泮宮亭亭之前鑿地爲池規其半倣古泮宮之
制正途中闢直臨城陰庭陞之高蓋可仰而歷也戟門
左爲廳事五楹以若春秋朔望之有事者又有廡屋若
干楹兩廡之比爲齋居東曰某西曰某閣右偏爲二程
先生祠左爲先賢祠又左爲學官廳爲庖福之舍東廡
之前隅則靈官祠在焉其他朽腐者易之漫漶者飾之

傾偃者葺之而規制極宏備矣禮名儒以爲之師立學
規暇卽躬造講庭引羣弟子考程詰義至懇懇不倦他
日察其勤者則加燕勞給筆札以優異之由是遠鄉僻
壤不遠數十里咸造子弟來學既又懼學賦之玩弊
也乃遣士屬視田之隸各鄉者圖其廣狹方圓之形編
以爲籍使不得欺又勸增新入之田若丁石又築學東
之隙地爲僦屋凡十有八間間爲僦錢歲率五緡通計
之得九十緡收其入爲養士之助其立心遠且厚類如
此夫嚴聖人之廟祀者尊其道也尊其道所以崇其教
也其道君臣父子夫婦昆弟朋友而敦者所以使之循
其常也自兵變以來紀綱或淪於殘暴而仁義未泯於
天性非賢守令有以尊崇而作興之吾未見其爲善化
也方侯下車之初四郊警告適聞曰慄慄焉幸其民以
從事於樓櫓矢石之間瀕萬死而守益固故寇再至而
再拜之旣而極更張條理以還定其民而日不暇給矣
此廟學之修所以見於三年之後計侯之心曷嘗一日
而忘斯舉哉今瞻顧新庭翼翼巍巍聖神赫臨邇者起
敬而况儒其冠裳出入是門由是路者亦曰孝於家忠
於國敬於己信於友而已斯聖人之道也令尹之所以
教也斯邦人父兄子弟之責也寧徒誇輪奐之美餘廩

之豈而已哉是役也經始於某日月告成於某月日董其役者邑儒士某某也

明陳謨重修

廟學碑

洛陽賈侯思復由明恕康勳程知興國縣視篆既月爲吳元年永惟將隆化本必厚教基惟是

茲上信下悅近來遠形之而動神之而宜惟聖訓爲依乃相廟學有其廢莫或舉者有其敝莫或改者有其違莫或正者大懼無以尊明祀示永久舊制櫺星門孔道抵城濠端直平豁宋元間民侵沒且百年望宮牆者窘仄由徑不良於履視前尹屢規屢沮侯力復之會部使者至民復有渎者指陳益力使者周觀大是之肆得以闢乃加焚焉夾樹似牆雜植佳木參差蔽虧外仇總門丹碧葺窰內浚泮池芙蓉槐柳停蔭清漪見者改觀兩廡崇祀棟宇震凌者易粉墨蕭瑟者免禮典舊有三程祠伯子叔子立侍做先師位改侍坐焉舊闕文昌祠規講堂左築高閣像設焉勒曲阜司寇像於貞石復兵毀伯文像於廡東邊筐俎豆尊壘坵爵百爾器備肄業有齋燕坐有席庖饌有舍祭器有所垣墉者崇慶歷者植樊闕者補梁壑者通自一瓦一桷罔或疏圯是役也洵盛舉哉贊曰即門之役羣歡葺趨材良工哲巧殫力輸巍巍煌煌素王之居泮水樂只奚斯頌諸袞袞劍履瑤

珺玉藻不愆以式其風肆好八埏流虹垂光講堂孝友
張仲來降文昌文翁漢代栖筠唐室邁勳旂常興學殊
蹟有美平川章甫深衣時節春秋蚤夜兢持
聖訓丕融侯德不替刻石廟庭欽於世世
胡儼尊經

閣記 韜之興國縣重建尊經閣教諭鄭永義寓書來告

田里慨念其志之不就而獲教育於學宮者有年縣欲
報之心無以致力乃捐已貲即禮殿之後講堂之前因
舊址重建尊經閣三間閣之左右又爲屋二間以輔翼
之高廣稱焉加之雕斲飾以藻繪下俯清溪前列遠岫
巋然聳一邑之壯觀匠石之工以目計者七百有餘興
作於宣德壬子冬十月落成於甲寅春三月願公記之
以表斯人之志以風勵世俗垂光於無窮夫經者常行
之典所以載道也堯舜禹湯文武周公孔子之法言大
訓存焉曰易詩書禮樂五經之見於白虎通者曰易詩
書禮春秋此五經之見於藝文者也其見於經解者曰
詩書樂易禮春秋爲六經曰七經者於易詩書春秋而
益以三禮曰九經者於七經而益以孝經論語至於十
三經則又於七經而加以六緯也夫經之名與數雖不
一所以載道則一也君子窮理以達道力學以致知必

以讀書爲本讀書者於經史子集以及乎百家之言無
不討論而覽觀焉亦以經爲之本閣之藏書以待學者
經史子集百家之書無不在也而必曰尊經者所以示
崇重而使學者知務本焉此永義之用心誠有望於諸
君子而斯閣之建豈獨爲溪山之觀美也哉且明厚志
不忘乎舊學惟斯閣之是崇其與世之微禱於異端者
可同年而語
謝詔重修縣學記 平川之有邑也自宋太

學也自置學始也距今五百六十餘年創徙廢興之故
載在邑志諸記班班可僕指數矣嘉隆之際兩盧侯嘗
一再修之歲久而圯迄今朽蠹弗支風雨所侵而榛莽
所翳瞻此賢聖之宇譽髦之林豈宜屑越若是蒞茲土
者顧瞻低回寧詎無意或以時誦而難舉羸或以遠巡
而重改作惟其身之得代而以遺後之人因而循之後
且復然卒之敝益日甚費益不資所稱謹庠序之教者
當如是耶溫陵嶼梅吳侯自順德而移興國也歲在萬
曆辛亥侯風負才名以文飾吏下車之始卽祗事廟學
覩茲廢壞有慨於中進多士語之曰某也不力辱在師
帥惟是儲才養賢之所翦焉弗葺師帥之謂何撤其舊
而新是圖是誠在我已又曰惟茲大役用徒實繁民信

未施胡可使也蓋少須焉踰年政通人和四境阜序侯
曰可矣持前議就學博王君與之謀謀既協迺畧基址
迺程子物迺具畚築量功命日以授掌役自禮殿兩廡
戟門櫺星門以及堂齋祠舍暨於庖湑以莫不飭拓湫
隘於爽塏易摧剝以堅完加漫漶以丹堊廓卑陋爲闕
麗周垣環繞棹楔高張巍然煥然咸備罔缺已又採形
家言謂中衢稍欹水弗聚也地俯而下勢未昂也則改
路於東用迎生氣建敬一亭於高阜以象華蓋增卑益
下攬秀嶺奇地靈邑而人文開煌煌大觀於斯爲盛矣
經始於王子冬十月明年冬初遂告成事然其費出諸
俸廩不以煩民力取諸僱置不以私役勿亟而成衆不
知擾蓋侯之才精敏強幹區畫周詳以故不疾而速如
此今此多士嘉賴賢侯鼓篋絃歌樂有寧宇先是侯嘗
從閩中購集經史百家善本度學舍以資諸生誦讀諸
生每月朔望肄瞻麾蓋蒞止泮宮啟函展卷北面而質
疑問難厭飫於仁義道德之林沈酣於禮樂詩書之府
幸藉般僊引之繩墨其所造就殆與廟學而俱新乎多
士深德於侯聚族而謀所爲報其道無由則請於其師
王君偕其僚謁余爲記以示來茲余嘗考覽史乘檢閱
處州人物所列典國爲多佗無論卽鍾太傅李祕書兩

家父子兄弟文雅忠孝繩繩競爽逮於雲初累葉猶然

不墜門風在昔有聞聲光至今赫奕矣我太祖高皇帝
開天定鼎首以文學徵呂太常復入國子已而受詔乘
傳採勝國遺事於燕趙齊魯之間開局故都繕帙進御
敘勞受上賞超拜列卿何其盛也鍾聘君磐當元泰定
間教授成都士民尸祝國初臺省交薦高皇嘉其行業
特遣行人捧勅齎幣徵於家敦趣就道名動天下若而
人者夫非鄉校之所自出者哉列聖相承文教熙洽今
上壽考作人霑溉尤渥凡在山陬海澨靡不沐浴道化
以待撫薪而况與國爲濂洛大儒開先之地乎多士仰
止高山景行有在頃得吳侯倡導鼓舞加惠而作新之
千載一時信非偶值闡山川之靈闕闕賢儔之亨衢要
亦天啟其機而人成其能耳多士旣了久鬱而通之會
又因感激思奮之時宜必有跨前修而名當世者出焉
翊贊昌明之祚載錫邦家之光寧俾昔人專美於前庶
幾哉無負侯今日之盛舉已多士其勗之哉余贛人也
先世居衣錦鄉實隸興國水木本源寧忘所自喜吳侯
之大造於此邦人士也故不辭而勉爲之記侯名宗
周宇熙偉別號嶼梅福建南安人甲午鄉進士董是役
者判簿義烏丁君一槐贊是役者學諭吉水王君鉉若

陳丞鴻濟蕭司訓賡王司訓三接則樂觀厥成者云 國朝王思軾重建儒學記

鄉學之設三代有異名而無異實自漢唐宋迄今悉崇其制皆所以明人倫也人倫明斯父子親君臣義夫婦別長幼序朋友信齊治平之效胥繫乎此故曰學校者王政之本也世有代謝而學無興替誠得主持風教者使興而勿替替而復興庶無負 朝廷廣厲之意而躋斯民於三代之風焉吾興儒學之建也宋始設於南門外後遷縣北復遷西隅後再徙北卽爲今址已數百年矣 國朝定鼎之初逆寇陷城學宮蕩爲邱墟然而瓦椽猶存甲午黃侯之麟欲修之未果而罷嗣是蒞止者不日時訕難以舉羸則曰軍興未可動衆至甲寅數載之變遂使棟宇以供薪桂鐘簋銷爲兵戈而瓦椽無餘矣天歟人歟誰職其咎歟康熙丁巳恒山黃侯膺 簡命來宰興邑當金戈鐵馬中首以造士爲惓惓矜佩之掃地也而禮貌崇覩鶉結之堪悲也而優復厚慮絃誦之多荒也而課藝勤坊表飭數十載披靡草萎之士氣已蒸蒸色起矣越歲庚申冬復毅然興建學之舉方斯時問梓材童山莫採焉問磚甃陶復未開焉問工師與僱役操郢斤者在鄰封荷畚築者供飛輓焉議者憂

其不克侯曰難易時也振興人也予其敢以名教重地聽之氣運委之草莽乎遂捐貲爲經費絲毫不與民間凡木石工傭悉厚其值勿靳由是具物材赴力役者咸感其誠不憚越境而鱗集焉公虛懷讓善復協亭正楊公審規易向培陷補倫事事斟酌盡善且昕夕請工所簡閱監視雖寒暑弗辭蓋其才幹優敏治事每極精詳而於學政尤謹嚴若此以故攻成不日而辛酉孟冬遂告竣事自殿廡戟門暨啟聖名宦鄉賢諸祠莫不美輪美奐歸然稱一邑大觀矣猶謂二程文成爲興開理學之宗者曩有別祠久廢因並建於啟聖兩旁諸生之學舌附之使仰止道範者進而升堂釋奠退而執經講貫涵泳乎詩書禮樂之文研究夫君臣父子之義造就尚有旣哉賦惟興學重典稍修葺猶不可忘矧今者鼎建於荒煙蔓草之中舉事於兵賦繁劇之際不煩 國家金錢不費里民財力而能措置周詳且夕觀成非愷悌作人之思纏綿篤摯曷克至此耶且侯不第爲造士計也每月朔望率諸生講學畢卽宣讀 欽頒聖諭撰爲註解集通邑父老子弟圍橋而觀聽焉書云君子學道則愛人小人學道則易使侯蓋欲合君子小人共偕大道於建學明倫之旨不更有推暨無窮者哉軾故謹

記之以告入斯門者當仰體教思競自奮勉而更願後
 之為師帥者踵事而增華焉侯名惟桂字木庵北直真
 定人順治辛卯進士協贊者學正楊公旭齡豐城人部
 聞余公祥濠州人監督者縣尉陳君振祖浙江人巡檢
 孫君士明江南人姜君允泰紹興人例得並書 趙大鯨重建縣學記 乾隆二年
 徐君初攝篆邑之士請新文廟徐令具狀聞於督撫學
 使者檄下捐俸錢為倡縉紳皆爭輸恐後其得千餘緡
 絲戊午冬季度地鳩工迄庚申六月告竣量移吉水去
 于君來知縣事治事一如徐令爰備飾石誌新廟事計
 自殿庭及廡及屏其外雙闕倚天半池湧地翼翼延延
 規模整瞻其左右為三程祠暨文信國王文成鄉賢名
 宦諸祠其後為省牲迎牲庖漏諸區又其後為祭器樂
 器庫又開其西為書院鱗次櫛比風雨攸除諸生遠負
 篋筒來遊時聞絃誦聲洵皇哉闔邑之具瞻也先是學
 址屢遷俱未獲善地徐令周視陰陽謂城隍與勾龍等
 祀巋然居文廟上非制也因移置縣廨後而即其處為
 妥聖靈地齋序由是改觀蓋即其建學者而賢宰之善
 治邑見矣徐令備述頗末偕于令來請記予惟風俗隆
 替端由司牧興邑庠自吳江張太史尚瑗修葺後久無

問版築者徐君獨以興學立教自任為官是士者倡盛
 舉今于令和鸞戾止載色笑與多士考德問業匪前事
 之美亦足信去思之莫能忘而議善之不可已也考志
 宋程大中以大理丞出宰識周元公論者謂濂洛授受
 之懋自興國始多士幸沐 聖朝雅化溯前哲遺徽含
 醇味道當無負賢有司後先推挽之力他日人文蔚起
 激水與有光榮 楊顥初建明倫堂記 學以明倫為本所
 其在是也夫 於邪非僅講章句課文字已也漢唯京師有太學郡縣

無之宋慶厯間廟祀孔子如唐乃詔郡縣各立學而士
 不滿二百者不與焉是以有無學之縣自紫陽特揭明
 倫二字以額於堂之中而入咸曉然於建學之意明與
 以立文廟為首務故通都大邑以逮山陬僻壤方百里
 之地莫不有學即莫不有明倫堂夫明倫堂者當求致
 知力行之實為無負命堂之意與國固小邑耳宋始建
 學於南門外其後遷徙不一紹興中再遷而建於北隅
 即今址也明嘉靖王子遷於治平觀十年而復天啟癸
 亥遷於大乘寺十有七年而復然唯先師廟落成順治
 戊子羅兵燹康熙甲寅羅於寇廟貌有存者幸酉壬戌
 前令黃君惟桂乃建先師廟兩廡戟門暨啟聖祠規模

畧備獨明倫堂尚缺有待吳江張君尚瑗以翰苑出宰斯邑始至謁先師廟見諸生無講肄之地慨然倡鼎新之議適歲荒未果迨期月政洽民和乃於廟右隙地荆榛瓦礫之場建明倫堂計工論費邑諸紳士皆蒸蒸樂輸君捐俸強半設冊以稽數選匠以任土工值視民間稍厚以鼓舞其用力召諸生之有行誼與吏之能者董其役朝夕親往督之堂東西各兩楹堂之後爲尊經閣前爲儀門各五楹始於康熙乙酉之九月成於丙戌之三月帥縣之耆老子弟共登斯堂每朔望親講 聖諭誦訓飭士子文敦勵品行又以二程及朱子遺書性理大全上邇漢唐宋儒經學註疏村塾俗師茫然未曉者大聲而提命之定爲規制月必有課閱文定其甲乙君甲申履任他科試童子就縣試者不滿三百人今丙戌予奉 命督學檄至興國是秋之試於縣者四百人矣夫學以明倫爲本君之設教也講章句課文字民之應也如響是將由文學以進求夫致知力行之實乎嗚呼教亦多術矣君之才爲不可及也興國之爲縣七百餘年其學屢遷自崇禎庚辰建學北隅暨黃令再構以後其有明倫堂也實自今始夫興雖小邑昔程大中過化之地二程趨庭定省於茲得周元公不傳之秘爲道

學淵源所自始張君之爲令也以化民爲先以造士爲急急其所先務而以道學昌明爲己任以追大中之遺蹟則茲堂也其用意詎可量哉余叨膺 簡命視學江右惟恐負 聖天子重學之意故於張君有厚望焉夫往者張君之在翰苑學問文章爲一時領袖顧猶蓄其所所有而未及有爲其出而爲令也予與同官者多惜之今觀其所爲若此是豈以昔之所不及爲者將始於一邑而推之天下而大行焉適知向之惜之者所見之小而不足以知張君 魯瑗明倫堂記 興國山邑又數破也遂援筆而爲之記 兵其學宮在城外北隅僅存殿廡几制所宜有者皆無有前之尹是邦者以其地之僻且荒常蹙蹙若不能以終日今錦文張損持先生獨怡愉而殫厥心吏治之暇卽與學校諸生講德論業輒慨然曰明倫堂制之鉅者而此已鞠爲茂草蓋七十年矣於是捐俸爲之數月工竣在大成殿右規模壯闊邑人爭往觀焉莫不鼓舞有喜色予聞而歎曰有是哉先生爲治可謂能探其本矣予與氏云人倫明於上小民親於下恭逢 聖天子頒訓宣諭以興士勸民惓惓至意與放勳命契之辭百代如一在司牧者體而行之奚所不勉或且以爲迂遠而闕於事情此何

說也夫古人建學將惟是釋奠釋菜俾有司率學官生徒無失禮於先師而已乎抑以君臣父子夫婦兄弟朋友之倫無所逃於天地不可不明而厚風俗育人材皆在乎是爲國家培太平長治之道於無窮耶然漢隋以後天下皆知尊事夫子而學乃有時而廢然後有別爲夫子廟者又其後卽廟以爲學反於設教明倫之意置若不問至宋李寬治吉州學舍自奉祀外始有堂筵齋講藏書之設來學者三百餘人歐陽永叔遂後爲道德禮節孝慈代扶負荷之說以期之庶幾明倫之效歟自是凡學必有明倫之堂而學之制始備茲堂之建先生不惟備之而又親與諸生講而習之吾聞興之爲縣嘗割吉土之半俗固宜同又其地爲程氏父子過化已久特以日遠日流瘡痍之餘得先生起而維挽所云一變至道者非乎異時永叔所期不難再覩爲治之本孰大於是先生視民事如家事諸所興作彰彰耳目予不概記而獨記此堂以其爲治能探本也先生名尙瑗江南吳江人以庶常

出知興國縣 裘吉光升中學記

世不進於唐虞不可謂之時雍土不齒於成周不可謂之教澤故菁莪棫樸雅化興思而選上俊土造上之典載在王制詩云思皇多士生此王國不其

明驗歟自秦火以後士盡伏處漢興敦說詩書大儒如董仲舒輩漸次以出至唐太宗增廣生員而天下之士莫不奮然興起宋慶厯三年始命州縣立學青衿之子咸沐浴有於膠庠其最著者莫如蘇湖然則興道致治培養元氣豈不賴乎人才之興而人才之興其權固操之自上也興國自宋建邑以來首得河南程大中爲之宰命二子明道伊川師事濂溪於南安理椽千年理學實基於此風聲所樹遂開有宋一代人文之盛李司空父子文章事業聚於一門邑之科名亦甲一郡迄乎前明聲華未替自 國初屢遭兵燹民不得歸農士不得歸學而子衿寥落不能無廢簡之歎學政樊按臨虔郡以興國童子應試寥寥遂降爲小學與石定等後值昇平日外士皆知學應童子科者增數百人至於千人雖有離奇俊逸之才每限於額不得伸夫興本大邑也其田賦與贛寧埒等會瑞安皆不及而大興之數乃不得與中縣比中阿之意安在前令張欲詳請升復而未逮茲值吾侯陳公來蒞事修舉廢墜毅然以振興爲己任而邑之縉紳髦士乃相與謀所以升學之事請於侯侯曰未可城池未修倉庾未實諸積滯未舉何暇遂及於學越明年諸務畢興紳士復以爲請侯曰可矣是予之

責也乃詳請於各憲殫心日月幾費周旋始得准行學
 政滇南王公咨移督撫會稿同題下部議得蒙
 允復為中學而邑之童試者始有起色噫士不遇作人
 之宰雖展卷興歌烏能賦薪醴於茂草將鞠之後哉侯
 之有功於興大矣予乃進諸生而謂之曰凡事之鬱久
 未宣者其勃發之機駸駸不可遏與之抑塞於童子額
 將數十年一旦遇賢侯而振興之則由此而興文教樹
 科名巍然煥然知必有過乎前之所期者矧風會所漸
 鍾越國謝會稽元勳偉烈早開司空父子之先呂太常
 採史之學又承諸賢之後孟子曰奮乎百世之上百世
 之下聞者莫不興起也而况伊洛之傳在茲學者尤得
 所宗乎諸生曰唯唯侯之德不可以不記因不辭弁鄙
 而誌其事云侯諱三元
 字子洲山東涿州人 徐大坤魁星閣記 予視事激江
 先師廟廟之左為啟聖祠而虛其右以有待相傳邑故
 有魁星閣今其址已湮沒無考迺即文廟右脊之弗土
 視其廣深度其几楹壁高閣以輔翼之肖魁星於其上
 令學者有所瞻仰而學宮之規制亦因之宏敞矣然予
 嘗疑之今人所奉魁星不知始自何年以奎為文章之
 府故立廟以祀之夫奎為北方元武七宿之一魁為北

斗之第一星所主不同今以文而祀乃不於奎而於魁
 其故何歟稽之天文北斗魁為首末為杓淮南子註斗
 第一星至第四為魁第五星至第七為杓趙宦光曰斗
 首曰魁因借凡首皆謂之魁漢書酷吏傳所置皆其魁
 宿游俠傳閭里之俠原涉為魁呂氏春秋傳有魁士名
 人楊子甘泉賦冠倫魁能後世後名榜首遂曰魁魁之
 為佳名也審矣今之祀之者其不於奎而於魁又奚大
 戾乎哉余之營是閣而頌以魁之名豈無謂乎蓋有厚
 望也方今 聖天子文明敷治上燭璇宮此邦人士
 沐浴於詩書禮樂之澤美秀而文從茲景運聿新光映
 東壁烏知其不冠郡國甲天下而卓然稱雄哉則斯
 閣之建亦庶幾勵士氣之一端云爾興士其益勉旃汪
 執桓興復學校公產記 古先王造士有教有養有勸茂
 性勵其志而新其氣三者缺一不可余蒞任與邑政服
 接邑之人士類多儒雅而能文舊有田數百畝以贍歲
 利試花紅今廢墜矣蕭生鍾生等願各捐貲費共得百
 餘金請於原學泮池舊址構屋屋十五間以居賈人學
 宮外障地鋪戶自造五間皆歲賦其所居之稅為歲科
 試高等者優獎之需至三載賓興赴省試者則取其除

以爲卷費中有登賢書者公車北上費畧取給於是每歲約徵租銀四十餘金官應期催收時庫以俟時出納也逐年會算登之印册防侵漁也量其所入給其所出無濫費也蓋在垂之永久夫人才之盛以教而成以養而贍以勸而興教養之權操於國之大樂正大司徒與夫鄉學之長而善勸之方則守土者實有責焉諸生捐貲復古猶洪鐘之咽而復鳴趨者之蹶而復起則斯舉也有裨於國家獎勵人材之至意不且與教養之政並行不悖也哉興之人士可以興矣

會昌縣

會昌縣學舊在縣治西北元至正間知州常金剛奴修通志

明洪武元年知縣張桂遷建縣治東北二十五年災永

樂元年知縣王文孜重建知縣許庸胡澄相繼修通志

化十八年知縣梁潛購千戶白瓊故宅易城隍廟地廟

新之張元貞記嘉靖元年邑人賴元捐資遷建嶺北道

行署後東向萬曆四十三年知縣昌夢齡改建南向郭

子章記天啓四年知縣梁宏建復改建仍東向舊志後燬

國朝順治七年知縣王洵重建復改南向易學實記康熙

八年知縣王凝命改乾巽向建啓聖祠於後明倫堂於

左前列屏牆張貞生記舊志二十三年知縣陳應銓修殿

宇棟柱減三尺三十年邑人李堯常劉萬祺三十四年

邑人曾得宗等相繼修葺縣志四十五年督學劉玟檄修

通志知縣董霍教諭洪正新之五十四年知縣黃鶴重修

蕭師諤記又建魁星閣雍正八年邑人復升高明倫堂

三尺吳啓昆記乾隆十六年知縣戴體仁胡廷槐相繼勸捐修葺二十一年知縣陳士銑依前故址倡建教諭汪仕任其役二十五年署知縣張若翼教諭姚芹訓導宋秉忠董修四十年教諭畢銓福訓導李步鄒重修殿廡舊志五十九年知縣曾一貫重修嘉慶三年訓導王章志修建諸生肄業所志道光二十五年署知縣袁翼倡勸重修知縣叢占鼇志新增

崇聖祠在先師廟右明萬厯間知縣冒夢齡建後燬

國朝康熙八年知縣王凝命重建於廟後

名宦祠祀七人

宋丞相文天祥元判官楊景行明知縣王文孜冒夢齡

許庸

國朝巡撫白潢學政高瑣

鄉賢祠祀七人

宋尹天民唐稷賴克紹明賴士奇鄭永恭胡彝簡文伯
達

賴克紹賴士奇文伯達據縣志補

學額詳郡學

學田額租一百五十八石九斗一升五合完征銀一兩

二錢二分三釐漕四斗五升二合舊志

明張元貞重建廟學記

會昌縣廟學初甚隘番禹梁侯

重新之廟殿五楹東西廡十又八楹前戟門七楹泮池具如制明倫堂五楹東西齋洎諸生肄業舍二十又二楹前門三楹櫺星門外護以石闕左宰牲房射圃右學門通明倫堂堂右廡三楹後教諭宅訓導宅其地拓城隍廟舊址縱橫六十八丈經畫周而規制宏殿庭肅肅儼乎聖哲之臨堂堂言言宜於講誦之樂會昌賴之僻地廟學一旦聿新如此士有不感奮而興者哉役肇於壬寅歲十月落成於癸卯歲十二月糜白金一千八百兩有奇義官劉忠司出納是醫官蕭庸程象工是侯媿家甲科飭文學治聲藉藉茲舉不惟驗其學道之誠抑亦見天下事興廢舉墜無難也金教諭魚方訓導瑞走書南昌語余子太史宜紀賢令功詔來者謹琢石以待余敬諾曰然侯梁姓

郭子章重建儒學記

王石梁曰六

潛名孔昭其字云於說命說命曰念終始典於學夫說命商書也古之教者家有塾黨有庠術有序國有學學則三代共之自百已然微獨商也小學大學其來久矣顧造士之區名學士之所自造亦名學學記七年論學取友孔子十五

學則士所以學也大學之道在明明德在親民三代之學皆在明倫人倫明於上小民視於下明德明倫異其明一也親民民親異其親一也上舍是無以造士士舍是無以自造其學一也我明建置郡縣縣名縣學郡名府學兩京設國子監名國學兩京設提學御史省設提學憲使降勅諭勵功令所以訓士者摯矣贛川會昌縣置於宋太平興國中建儒學於縣西北隅元至正中火知州常方壺修建明洪武戊申知縣張桂徙建壬申火永樂癸未知縣王文孜重建成化壬辰知縣梁潛購千戶白瓊故宅易城隍廟地拓之嘉靖癸未邑人國子生賴元改建至於今櫺液袖解轄傾城夷矣萬曆癸丑如泉冒侯來蒞任乙卯始議重建而時訓舉贏計無復之乃清白雲寺田千把嚴驅奸佃獨僧用什之三存善果於緇流用什之七廓鼎新於巽序經營於乙卯陽月訖工於丙辰至月中廟先師前門櫺星左祠名宦右祠鄉賢特祀啓聖廟後為敬一亭尊經閣左進德齋右修業齋公廡講堂饌館號房肄業有舍習射有圃費金錢九百貲楹構萬餘植像藁千餘石上不請公帑下不煩里閭數十載荒屋冷室一新而落之堂下不嫌繫馬海中即竹掣鯨喚起偷惰梳迴淳雅冒侯之功於是為巨矣

工訖侯乃介余門人曾廣文希范暨劉廣文國檄廩生歐可範李益佳等謁余請記侯以考績道白下躬詣山中趣之余惟季子觀樂於周言子尋師於魯然後南方之學得其精華唐建中初常袞入闕設鄉校親教導而後闕之人才與中州比故師友者學之模範士之砥礪冒侯以文章飾吏治昌之常業業已在吾境中惟之周之魯以觀上國之光親洙泗之教是在諸生宋得甞得甞而昌之名立明得圭璋而昌之士顯庶幾不負冒侯重建學之意若明德親民明倫民親之說諸生童而聞之自首而習之余無容諄諄矣 國朝易

學實重建廟學記

大清撫有方夏海內維新一年而行鄉舉里選之法士之造於庠序者不

易其業然兵革未銷征伐四出盜名宇而毒多方者有之於是雖通都大邑城郭居廬離離茂草後半天下郡邑守令握符而至者營心於征輸捍禦勞來安集之不暇何暇興起文教乎賴在江右爲徽郡賴入版圖乃在順治之三年而會昌又爲賴之徽邑歲庚寅北海王侯以名進士出幸會昌至之日空城赤磔荒谷無聲侯以蓬蔽繩樞爲聽政之堂招徠遺孑撫以勸之民之秀而文者顰面結衣無復筆墨簡編之氣候乃定其驚魂俟

其瘡質生其壯采期年而士在四民中爲有厭之保矣於是卽邑之東南隅學宮故址考卜維吉進諸生而告曰此釋菜先聖先賢之地而諸生鼓篋詩書之所是不可委草莽乃經營度材鳩工於辛卯冬之臘月告竣於癸巳冬之十月聖殿巋然橋池門廡一如昔制左爲明倫堂後爲尊經閣鄉賢名宦齋祠庖庫次第興創先是學宮東向侯以孔子之道臨蒞萬世爲帝王師是宜南面乃於櫺星門外擴地數十丈開直道以通南嚮宏敞整豁與宮牆之峻麗相稱方落成而歲甲午之秋舉於鄉者一人嗚呼盛矣於是屬實以紀其事實惟自古開創之始或因天時之不卽順人心之不卽應未免日尋干戈其式廓而受一方一州之任者亦惟以築垣積粟期會征發爲能至語及興學校育人材率以此爲治定功成之事而非開紉之始務是故考自漢唐以來或有舉其事於十餘年之後者或有舉而遂廢廢而復舉者治術之純駁國祚之延促莫不與學校兩相爲因惟唐虞當洪水方割之時而卽命契爲司徒成湯當南巢放伐之日而卽任尹爲先覺武王當會朝清明之後而卽作辟雍訪箕子以陳洪範是古之聖帝明王蓋有見於父子兄弟朋友之道如日月在天不可一息不著其明

豈得以天時人事之不備至而必俟治定功成之日而後舉哉此侯之所以蒞任期年而卽建學以作人之意也夫文章爛然與夫科名勲伐照耀當時皆聖賢餘緒也侯之可爲多士師者正身率物蓋有其本焉張

貞生重建廟學記

會昌之學始自宋太平興國間建於縣西北隅至明萬曆末凡七建人

國朝熾歲庚寅北海王公重建於縣治之左王山兩向廟祠廡堂齋舍庖廡之屬莫不森肅還舊觀矣己酉衛水王公來蒞任屬意作人於是形家者言乾山巽向宜王公與邑人士謀卽故址而易置焉會昌爲贛上游地予嘗過之俗敦樸而好禮士力學蒸蒸知所嚮往殆先王之教澤未衰及披往牒其由制科升仕版者自宋迄今數百年來不踰十人或者風氣使然耶夫風氣之說中於人心也久矣高者在事功品行之間卑者則在於富貴利祿之際彼他郡之所稱得全於風氣者謂科目藉藉耳似造物鍾靈備有所靳而會人之力學者輒委於無可如何其父子兄弟之所願望與他人之願望於會人者亦曰科目仕籍將來得與他郡比形家者流遂得操其說屢變曲中以迎冀幸於一旦之合夫學以求至於聖人之迫也聖人之道則智仁聖義中和孝友睦

嫻任卹是也物物皆學人人皆學先王懼其習而不察也故爲之庠序以養之爲之師儒以董之爲之提記以敝之爲之漸漬以俟之其功極於性命淵微之旨而推之水火兵農禮樂之大明體以致用視夫學之成者進之於公卿大夫之列以發其蘊奧而廣其利濟若此則公卿大夫者學之所藉以爲完饒者也迨乎既衰世之所謂公卿大夫者有不盡由乎學而學之成者不盡出於公卿大夫此在孔子之時卽有栖栖行路陋巷緼袍仕與學始分途矣由周公而上千有餘歲學而爲君由孔子而下千有餘歲學而爲儒故誦堯之行行堯之行是堯而已矣誦夫子之言行夫子之行是亦夫子而已矣嗚呼士亦顧所立何如耳所立是學寧有遇不遇地寧有宜不宜哉代之所絕續存亡民之所休戚死生係乎理之是非說者僞謂學之隆替在乎人之用舍詎不悖哉董子曰明其道不計其功抑抑乎大儒之言也記曰能爲師而後能爲長能爲長而後能爲君夫子教爲君者也無窮通一也使皆君而臣臣臣父而子子推人極之所以立民物之所以奠斯卽終古汶汶猶不失遯世無悶之家法顛雖僻處一隅扼形勝之地奇蹟偉功代有傳人值天下潰亂之際必嬰城效命已數見

矣會之先有尹天民者以不肯謁王黼恐為顏閔所笑此豈不學而能之耶尚得以他郡藻繪之美科目之多傲之耶雖然夏之忠商之質至周不得不交當時猶病其靡靡而不可知會昌之人敦樸好禮士力學則忠質具矣安知不日趨於文以赴風氣之會如世俗之所願望者然吾終不以彼易此也吉贛接壤予有姍姍於會

年來請文以紀其成功吾

李益侃會昌明倫堂記畧

學宮廢置變遷不知凡幾始則建於邑之西北隅繼徙之東北皆南向迨明天啓甲子邑革梁公宏建易以東向而明倫堂在先師廟後遭鼎革悉燬於火順治壬辰冬邑侯王公洵毅然以興復為己任因舊址而經營之仍改南向但兵燹之餘民力維艱僅建聖殿兩廡棗戟橋星鬚門而已明倫堂未之暇及也歲戊申我衡水王侯來蒞茲土敦為治之本亟亟以興學造士為念越明年己酉以形家者言遷學宮作乾巽向乃即聖殿東建明倫堂焉高二十有七尺深廣倍之規制宏敞燦然改觀而又遷魁星閣於堂之右為啓聖祠建講院於堂之左為多士校藝之所至是而學宮

蕭師諤重建學記

邑

學宮建於縣治東北隅屢遷頻復康熙二十三年誤聽形家言截減聖殿楹柱重加修葺三十三年又修兩廡屏牆暨橋星門泮池適奉學使劉公棖檄修學宮乃相攸望景面勢得宜特先師廟宜家崇隆布置尚多未洽於是培基增土三尺益柱礎一尺有奇兩廡橋星門擎天柱俱以次增聳泮水濬深且廣移明倫堂於異方建啓聖祠於殿後其上為尊經閣又復審形面勢綴所未賅締樓於明倫堂之前曰魁星樓棟樑門牆鼓篋之室可鐸之署罔不完具其巍然翼然丹雘一新是役也倡修者前邑侯徐公嵩今邑侯黃公鶴董事則紳士司出納不憚煩勩纖悉不苟而籍記其出納之數以朝夕從事於其間予亦有微勞焉俶工於乙酉之冬說者謂文運振興士之鼓篋肄業者奮然而起予曰是固宜然矣謂必歸靈於修學以冀倖乎科名則聖賢之所重與吾儒之所學者果安在耶予雖去諸生而回思修學以弋科名是處庠序而有市心余滋愧矣士之有志者深維乎建學之義上之務求乎聖賢之道次亦積學力行敦乎實以致乎名古之人修其天爵而人爵從之今猶古也是在勉之而已予竄

吳湘臯廟學遷建記畧

廟學遷

前荒畧難稽矣我朝邑侯王公洵蒞任於順治七年
值搶攘之餘不遑逐於簿書期會而建學爲先實大有
造於我會邑也康熙八年邑侯王公凝命改而修之二
十三年知縣陳應銓借遷回丙向爲名斷毀柱數尺使
不壓縣署四十四年奉督學劉公揆檄修學宮於是相
其陰陽培基增高以次而升雖作新廟實還舊觀事詳
蕭進士師諤記其間屢建屢修遷而復者三修者五蒞
斯士與生斯土者皆欲科第多獲雋蟬聯珪組故汲汲
是圖雖然得之不得曰有命我孔子固嘗言之矣孔子
大一匡九合之功復小管仲之器用是知智名勇功不
根極於性命學問雖聲施爛然亦皆緒餘糟粕耳况區
區科名哉今之廟崇祀孔子之地者也今之學則居孔
子之徒以學夫孔子之學者也使任其腐陋朽蠹漠然
不關於其心則不可固宜時加整理使釋菜釋奠鄉社
養老得以展其行事而平時弦歌肄習揖讓登降又各
有其所斯足矣若乃以科第之不得無故遷徙而更新
震動之是以廟與學爲弋獲科名之餌不與古人設
設學之意大相左乎如作記者又以是爲說是滋之惑
也嘗考先儒作學記有二一贊聖人之道一勉諸生以
學而聖人之道如天極贊之不能盡故孫明復云我孔

子道被乎萬世非假腐筆儒詞稱述之爲大也然則他
諸生以學爲不容緩矣且夫庠序之士不務乎學則他
務乎學而不軌於正則堅僻淫諛又足以惑亂天下而
爲人心風俗之蠹賊維堯舜三王之道集於孔子而贊
修刪定之功散見五經凡天命人以仁義禮智之性君
臣父子夫婦長幼朋友之倫與夫天地事物之理古今
治亂之變經世宰物之方井田學校兵戎祭祀禮樂之
大經大法極於日用飲食之主纖至悉無不具而其說
則以宋儒爲宗其廟學之記則以曾文定公宜黃縣王
荆公虔州學朱子尤溪靜江鉛山瓊州學諸記爲最其
所稱述則先王所以爲教士人所以爲學之法使人穆
然見堯舜三代之隆而非後世可及庠序之士循其說
而習之復溯源於五經以求合之其上焉者可以致於
命卽其次亦學焉得其性之所近有以各成其材而皆
適於用惜乎宋以上漢唐諸儒其學旣駁雜少醇而宋
之奸邪又大興僞學之禁士習日因以敗壞而不可救
挽故三代以下卽有出類拔萃之士不得媲美於三代
庶司百執事之中材嗚呼其亦可慨也已士子旣生逢
盛世特不能通經爲耻耳苟能通之皆可以置身朝
廷之上以行生平之學然後知通經之士果足用也詩

曰鼓鐘於宮聲聞於外又曰鶴鳴於九皋聲聞於天蓋
言人止患實之不大而不患聲之不宏患在己之學無
以助鳴之聲不患在天之聽不能下究草野之遠詩人
反復吟咏唱歎流連實有以見其必然者矣豈欺我哉
豈欺我哉乾隆庚午濫竽志館纂輯廟學遷建之事既
志其歲月矣而復綴古今設學之義於後使世之君子
可共參觀 汪仙興賢學田志記 國家建立學校獎育人
其得失焉 租以給諸生歲科優獎之費會昌學租三百餘石康熙
二十年間邑士藉公斥賣銷毀在學印册案據以故廢
絕至今考古學制諸生給復廩餼之外又有飲食饗會
金帛賞賜之文今之優獎意固類此嗟乎 朝廷待士
與賢士所以自待者豈欲以緇銖浼俊彥溫飽累平生
哉夫士苟有超然拔俗之規則雖窮約困頓舉千駟萬
鐘不爲之動而學立名成即鼎養大烹皆所自致區區
田租之優獎有與無亦安足論哉雖然余承乏司鐸於
茲八年矣當院試時見各學優獎之例猶存而會昌獨
缺則心爲之不釋又念邑之貧士躡屨擔簦而從試幸
邀一日知遇僦居待命動輒日時而朝餐夕饗或以不

給使當日田租尙在應亦不無小補蓋尺布斗粟有餘
之所輕而不足之所待以自給固人情也昔范文正公
置負郭義田千畝以贍給親族而疏遠賢士之貧乏者
亦與焉晏平仲相齊國士之待以舉火者數百人余仰
慕二賢高風未嘗不慙焉內疚也然彼以居大位厚祿
祿致力無難而余苴蒞微員寒窶冷落烏能辦此則以
今之無思昔之有能不爲之輾轉太息耶夫難足者力
也欲盡者心也程子云一命之士苟存心愛物於人必
有所濟余雖祿薄秩卑幸非以官爲家者比三復斯言
敢自外乎今 上臨御之二十年因俸餘與諸生謀規
復始置買田租四拾五角而在衿士者民先後捐送者
得二百四十六角共計官斛一百零四石有奇噫嘻昔
也有而無今也無而有矣而惜乎其未足也且又懼今
日之所有安知不爲後日之藉公斥賣者無之也乃因
聖宮後隙地創立興賢學倉以便在官者稽其出入防
其朽壞擇邑公正士某等任其經理立規條以杜侵漁
并申詳各憲請批勒石造入交代清册使不至終廢以
俟後有力之君子如文正平仲其人者擴而充之至於
士者安在士之自待不薄而仰副我 皇上興賢育

材之至意者又安在 鍾儼祖重建廟學記 凡郡縣必設
邑人士其共勵也夫 宋制也吾邑建于宋初而廟學則元至正以上無闕焉
有明二百年餘屢遷屢燬面東南而南前人之述備矣今
之廟學蓋仍順治七年故址邑侯王公洵之所卜也而
改乾位爲王山實自康熙二十三年始繼此間有修葺
大抵材仍其舊歷久而蠹懼將壓焉乾隆癸酉邑侯仁
和胡公庭槐議加修舉旋以憂去又二年北平陳侯王
銑蒞任偕廣文樂平汪公仙召諸生而議于堂咸以改
建浩繁靡弗勝也有以補葺之說進者汪公曰不然其
敝已甚縱小補苟完費逾千計且不可以永久不如撤
而新之而更恢廓其規制亦大有造于茲土也因與陳
侯酌定章程舉諸生謹飭諳練者十有六人按月視事
而自董其至復親歷諸鄉勸諭士民急公扶義方匝月
而輸貲者數已六千有奇矣于是庀材定景首建大成
殿殿之高四十有一尺視舊址更進後九尺深廣亦倍
之材皆合抱覆以黃瓦澤以丹雘金碧輝煌稱鉅觀矣
由殿而廡而門而池而講堂齋署與夫崇聖文昌魁星
名宦鄉賢忠義節孝福德之祠廡庫庖湔垣堵之屬次
第具舉民之儆居學地者悉令他徙並其地以益學舍

之所不足故廣豁觀深視昔有加焉丙子仲春經始落
成于辛巳之冬值余歸自都門諸君子以廟學方新而
余釋褐南宮爲多士導先路因屬余記其巔末夫宮室
落成古有頌禱闕宮斯干之詩是已魯新廡廡作南門
雉門兩觀春秋具書况學校大典於法宜記然余問學
校之設所以化民成俗俾學者藏焉修焉以迪德砥行
馴至于聖賢之域也區區科第云乎哉古之記學者如
歐陽曾王朱子李泰伯諸作悉稱引古先明聖人之道
以詔茲來學羅一峯則慨乎世之學聖人者如優孟衣
冠其詞侃侃然每一展卷未嘗不毛髮竦也顧自有科
目以來士之進取祇此一途勢不能舍文章而專言躬
行第其間本末之數不可以不辨會雖下邑士之秀者
率甘白可受之基或置其本而未是務雖有才智僅溺
于詞章記誦又或不克遐觀博覽親師取友以擴大其
識力故文風日替記有之官先事士先志事未克舉官
之咎也事舉而志弗立士之咎也今與諸君子登堂瞻
仰中峙正寢光大高明旁拓修廊崢嶸鞏密可不謂事
備而意至乎厚自策勵責在吾黨古之人有志其本而
不遺其末者矣未有志其末而本克立者讀廬陵南豐
荆園新安盱江諸篇以端其趨向而取鑒于文毅之所

譏著道德能文章大儒名臣之聲望且百倍于科名其
光于桑梓者豈不多哉

安遠縣

安遠縣學初在縣治東宋慶曆四年建紹興三年縣令王

澹遷於興慈寺嘉定間縣令陳璞重修

通志

元大德中縣

尹趙敏復遷今所元末兵燬

舊志

明洪武二十九年知縣

周泰重建永樂間知縣林性修正統間知縣黃振重修

宏治間知縣甘文紹加葺正德五年通判徐珪教諭林

克立撤新之嘉靖十三年巡撫陳察檄知縣周鉞改建

通志

二十二年知縣張憲修櫺星門柱易以石隆慶間知

縣周景樹坊表有記

縣志

萬曆二十二年知縣朱之楨捐

買隙地開泮池三十五年知縣區大樞改向重修鄒元

標記

通志 後燬

國朝順治十五年訓導洪國昇捐修櫺星門

縣志

十六年教

諭萬封祝蕭韶相繼募修康熙二十二年教諭劉為先

修葺有記

通志

又建談經樓于崇聖祠右

縣志

四十六年知

縣羅萬象五十三年訓導賀俊相繼修雍正三年知縣

閻紱璽修乾隆二年知縣戴彬暢修立青雲門自為記

三年建魁星閣十五年又建尊經閣俱唐光文記

舊志

嘉

慶四年修櫺星門易木以石改屏牆十六年櫺星門石

梁圯復修

縣志

道光十六年署知縣陳雋朱錫均同勸重

修移建崇聖祠于廟後之明倫堂移魁星閣在文昌宮

內改建明倫堂于魁星閣新

崇聖祠明嘉靖間建于先師廟左

國朝乾隆十年知縣何蘭訓導劉世萃改建唐相記縣志

名宦祠祀十五人

宋縣令陳剛中明知縣宋濂甘文紹蔡夔張憲陳行可

朱之楨寶志教諭唐均弼訓導歐陽懋輔縣志云鄉賢典後移祀名宦

史楊霄遠教諭朱奎張裕寶志

國朝教諭劉為先舊志學政高瓊巡撫白潢

鄉賢祠祀四人又續增一人

明邱紳孝子胡麟

國朝杜欽駕孝子李標英寶志鍾元鉉縣志

學額詳郡學

學田額租五十八石四斗完征銀四錢一分五釐舊志

明鄒元標改修儒學記廉江在章貢雖僻遠然自宋陳公剛申明宋公濂過化之後稱

名邑也先大人傳經茲地最久常語予曰是那峯舉霞

標澤流清曠詩禮雲仍故家濟濟青衿濡毫砥筆豪於

文者不少諸瑰奇慕古名儒可肩鴻劇者亦不少顧其

典有日小子識之己又曰學校之設厥古黨庠術序微

意而重在明倫今以科名詞章為軒輊古稱三德六德

九德者非歟予習與諸士人遊博迪典常追古名德比

抱丁諸士屢請而委興廢於不知者眾幸天以區侯至
敦崇聖緒力從新請堂廟齋閣門廬庖湑之屬盡更舊
向計費金錢數百緡侯捐俸與諸義助者各半役不煩
民營不經時言言翼翼江山為麗惟先生一言以詔來
茲予觀今世列聖涵育蒸陶文教宣壘上以經術陶埴
海宇雖遐遐取僻壤罔不以造士為名高也然有勤有意
難以強同在昔蜀本樸陋文翁以刀錢布帛遺子弟授
學京師故蜀為名邦文翁之化至今不衰倘在齊魯何
以稱焉子產一霸國之臣與人誦曰我有子弟子產教
之夫不以士視士而以子弟視士振彼頽業還之視聽
故曰子產古之遺愛者也侯庶幾與古人比烈昔歐文
忠記吉州學喜李侯學之立惜其不久任未睹學之成
予竊謂植材者猶種樹然手而種之且且撫之非不勤
劬顧茹其實者又未必其手植之人勢則然也今吉州
人文甲于海內李侯之休螺鷺增崇今侯治邑且四年
所持簡伊邇無論今師友鼓唱咏歌憲矩即他日雲蒸
鴻漸踵吉州鵲起孰能忘侯之澤哉諸士勉之學者植
也植世而植人也上焉者心通性命直紹聖傳其次為
國植駿流鴻又其次側身修行化覃鄉邦斯於侯志不
負夫元氣旁礴天壤間停蓄既久一發也橫而不可禦

先大人之言久而必驗予雖老欲扁舟聽侯絃誦并
諸士歌薪標閣官章答侯明德侯名大樞宇用環號漆
園廣東高明人世以名進士起家督理諸生郭口章杜
宏遇杜漸杜宏祐謝梁賴孔教謝寵賴孔傳何得并書
區大樞新修儒學告成恭紀 大鈞播物民生伊始惟聖
統天設教彰軌陶治萬邦

建學興士凌夷周季世衰道否 尼山誕聖時惟素王
天縱儒宗斯文未喪麟獲西狩木鐸斯揚講業杏壇經
掖趨踰 紹天闢繹六經垂世道兼帝王德律天地漢
唐歷宋 崇代至雖則尊崇文教未備 皇明受命重
道右文列聖重熙醴醲氤氳海邦漸被山藪蒸薰詩書
填肆絃誦戶問 郡縣有學校樸作人薪之樞之髦士
誦誦動錦鍾鼎畫繡麒麟克養克教是在守臣 維此
安邑眾山之奏風氣蘊淳士習龐茂隕矣學官墮堦傾
踏壘而不飭誰為之後 維予小子寶慙寡昧來牧茲
土適于其會匪敢改作鞠草攸畏詢茲黃髮暨于英慧
龜筮其從謀議僉同庀物飭材各鳩爾工不懼于陋
不淫于豐帑不告索役不傷農 奕奕泮宮先師是處
孔曼且碩維堂及廡釋奠釋菜飲射斯舉春秋仲禮有
光豆俎 奕奕泮宮學者之域師徒講肄古訓是式德

行道藝三物雜則有彥如林以其王國 听山業業廉
泉湜湜保固新宮永作爾極新宮既崇萬福來同作為
此詩以告成功

國朝唐相崇聖祠記

乙丑秋余自豫章肄業旋謁兩學師同登崇聖祠見其棟宇頽圯堂

庶敝漶不勝咨嗟師曰祠建於明嘉靖辛卯迄今二
餘年日久就傾宜也且東北山高祠逼處其下體勢卑
隘不能受其環障此時亟宜更新子其有意乎余承劉
師命懼弗克勝任固辭弗獲爰謀之明經何先生咸薦
家先生虞來併咨之合邑紳士幸協志樂輸者衆遂於
次年初夏鳩工撤其舊而經始至丁卯秋告竣因嘆舉
事合乎人心之公好雖艱大之圖自有不難於觀成者
祠闊二丈五尺七寸深三丈六尺五寸其高亦如深之
數規制宏敞軒豁越前模遠矣入其門廊平有容升其
堂巍然在望詩人所謂寢成孔安者真有以仰副
聖天子加封五代易啓為崇之鉅典而居歆者於斯昭
文明者於斯也乃若魁閣聳峙鎮山盤護經樓弼其右
齋署輔其左以至龍峯疊拱於南郊廉泉蜿蜒於東閣
縱橫位置互相輝映如天劃削成實與文廟相稱足安

聖靈而與文運雖曰地勝豈非人事哉是役也余藉諸
君子之力得不負劉師命而倡捐以勸盛舉者則劉師
之力居多也後之君子勤加修葺使無頽圯之憂尤余
之厚望云

贛州府志卷二十五

經政志

學校

龍南縣

龍南縣學舊在縣城內東南集賢坊宋元祐三年縣令許

彥光修嘉泰間郡守陳謙通守王煥重修嘉定間知縣

鄭翰復修

縣志

明初燬洪武三年知縣莘持敬重建十九

年寇燬二十三年教諭陳九思議併入郡學縣學遂廢

縣志正統五年知縣唐瑜請復建學設官成化三年復燬

於寇通志七年遷建城北入官隙地宏治四年知縣張文

卷二十四

加葺縣志十一年知縣胡宏仁教諭甘應奎繼修甘應奎

記舊志正德九年東廡火署縣推官危壽修葺十四年知

縣盧鳳蔣焯教諭繆銘奉檄重修崇土三尺以防水患

繆銘記縣志隆慶五年知縣文程遷建於城南隅知縣王

繼孝相繼畢工有記萬曆二十三年知縣高期修建文

昌閣崇禎九年擴城閣廢十二年知縣周繩武築屏牆

於櫺星門外十四年知縣卓震遷建明倫堂於廟左以

舊堂為啟聖祠舊志

國朝順治五年火十二年知縣賈程誼修復李際期記賈

又倡建文昌閣興賢育才二坊自為記康熙十六年知

縣馬鎮倡修殿廡自為記十九年知縣白賁教諭廖國

璜訓導鮑一箕倡建尊經閣徐士孜記又改建兩儒學

署於啟聖祠後雍正元年知縣徐上倡議修葺未竣知

縣劉德成繼成之乾隆三年知縣方求義建崇聖祠明

倫堂舊志四十六年知縣冷泮林重修改移舊址新建之

嘉慶十七年知縣宋庚重修縣志

崇聖祠在先師廟左乾隆間知縣方求義改建

名宦祠祀十九人

宋縣令曾以篚段秀實鄭輪縣丞繆觀國縣志作明知

縣莘持敬寇淮楊有諒縣志作唐瑜項德輝蕭經張文

胡宏仁教諭陳九思王寬甘應奎訓導瞿顯寶訓導鄧

霽學政高璜巡撫白潢縣志

鄉賢祠祀二十人

宋唐國忠鍾佳鍾恕繆瑜舊志鍾克俊縣志元鍾柔縣志明趙

志剛賴福清舊志鍾崇凌吉蒙遜賴瓊陳琮蕭祺賴時雍

王挺廖睿曾乾曾維勤鍾應問

學額詳郡學

學田額租一百二十五石漕一石入斗三升五合舊志嘉

慶二十一年徐名均捐田租二十四擔道光六年彭必運

捐市房一間歸學收租縣志

明繆銘重修縣學記

學校之三代至 尚矣助於唐虞而盛於

基之我太祖高皇帝建國之初首詔天下郡邑申明學制立廟以祀先師孔子配以門弟子暨後儒有功斯道者咸秩從祀其一切僭經叛道者黜之崇正學也是以百五十餘年貞儒效用倚軼休哉龍南廟學建自宋元祐間但近迫城南兼以湫隘成化辛卯始徙於縣治之西為左廟右學之制歲久湮汨棟宇不支正德丙子銘由宜春承乏掌教事大懼無以妥聖賢而風士習亟會諸生議請允執政越二年戊寅正月都憲王公守仁憲副楊公璋郡守邢公瑀提兵征濶至邑三月奏凱獻俘於廟既而都憲王公顧瞻慨歎曰廟祀弗虔教基弗妥羣有司之咎典教者之責也咨汝邢惟財用是資逾日果罰于紀者金幾百鏹貯縣治曰木石工需坐是以給諭繆銘總其事稽其盈縮以告命邑士李淳月華曰汝夙夜勞王事主廩餼務稱功能周或不經不經有罰銘等受命惟謹而司訓彭君智續至亦協勤止乃崇築厥基撤舊更新相宜樹表唯是為大成殿為廡為戟門其後也為明倫堂為齋其前也為櫺星門為儒學門又唯是為藏書庫為饌堂為生徒舍宇仍其右為學職之廡

三區仍其左爲觀德亭垣墉關健式考其制經始於己卯正月越八月而功就緒會縣尹蔣侯璋來任首塑聖像並四配十哲餘皆以次卒工判府文公運至簿方君侃蘇君珪典史沈君旋皆相繼贊理與有力焉敬卜日告成已而諸生謁曰廟堂之新先生作之諸君子成之提督學政周公廣聞而喜之是役也不可無紀先生爲邑太史無多讓因敢僭言曰二子其知廟學之所以新乎羣材傑工以斲以削大之爲棟梁下之爲榱桷塗而爲質繪而爲文積之累之工用乃成夫學亦猶是也孔子之道載諸六經仁義禮知其性惻隱羞惡辭讓是非其情君臣父子夫婦長幼朋友其倫交行忠信其教炳如也雖先王之世師之所以教弟之所以學以是固無甚異於人而古今迥不相類者豈道遠乎哉人自離之耳今之學者誠能由其教以盡其倫驗其情以率其性則孔子之道將不在六經而在吾之一心由是而質之以古今人物之賢以按其行事存之而爲德行發之而爲文章舉而措之天下則爲正大光明之業固無施而不準不猶所謂羣材斲削棟梁榱桷之謂乎諸生適際新廟學之會而皆有自新新民之志故敢以孔子之道進之用風汝邑之來者使徒侈廟堂之言言衣冠之

濟濟趨末學以邀功利則非銘之所知 王繼孝重修縣

亦非國家建學之初意汝諸生其圖之 學記 龍南儒學舊在縣之西北湫隘塵囂且就傾圮降

文君適至遂任之尋擢去萬歷二年八月余承乏來謁工半未訖而泮池垣牆尤甚余不遑他務亟圖營飾至三年春三月告成諸生幸其成也以記委余義不可辭因念余之始爲亟圖也或有誨余者曰學校固所以養士而取士也則以言今之制也今士之仕者果能顧其言而一皆出於學校之所養者乎令職固有在而急不在此余謝其意而心不然之今敢因諸生之委而發其不可緩之故以見余亟圖之由彼議者若以爲文詞不足取士矣而夫子曰不知言無以知人蓋惟言足以知人謂言不足以知人不知言者也古卿大夫既登賢能之書退而以鄉射之禮取其卓然者告之今之學校養士而以文詞進其卓然者何以異於射昔魯僖公能治其國魯人尊之請於周爲作頌四篇而泮水之詩特著鄭昭公之時衰劇矣之子之教意必有當急以振其衰者而但以青青子衿刺之說者曰刺廢學也夫淮夷服至難也而泮宮之成乃可使之獻琛而輸貢苟鄭人而

知此濟以圃澤之才豈不能息兵革平禍亂然此猶諸侯事也周祚中微宣王飭盡文武成康之風爲之再見當其時周雅所以頌之者不獨采芑之篇言士之衆多而蒸民章論中興之實者必以任賢使能爲政則知世雖在幽厲之後而周官賓興之法初未嘗廢也卽是究之言豈不足以盡士而學校謂非育才之地者非也諸生既立新學矣尙先資自拜以解或人之疑乎是役也首建大成殿翼以兩廡前爲戟門環以泮橋又前爲櫺星三門後爲明倫堂左右爲博文約禮二齋博文之左爲會饌堂約禮之右爲宿齋所又東爲二博士廡爲啟聖祠爲忠節祠又西爲鄉賢名宦二祠各若干楹凡諸工料及上下樂助數目別詳列於碑陰而文若諱程與余則皆先後承役者也

長寧縣

長寧縣學初在縣東門內明萬曆四年知縣沈文淵教諭

陳九韶始建知縣黃源繼竟厥功明末傾圮

通志

國朝康熙九年知縣井厥同訓導程良佐重修

通志

十八年

知縣余龍翔遷建縣治右東向二十六年知縣陳曰侶

教諭吳用今遷復故址南向知縣王人隆記四十四年

教諭賴士炳修明倫堂五十四年署縣同知高成齡增

修舊志創建文昌魁星二閣知縣宋儒任記成齡撰學宮

告成頌雍正九年邑人增高明倫堂置博學詳說二齋

乾隆九年知縣沈濤修飾龕室葺文昌魁星二閣今圮

二十七年知縣黨新綬修殿廡戟門築泮池橋改建屏

牆自爲記三十九年知縣竇鳳輝教諭魏正暄繼修嘉

慶八年知縣耿濬訓導葉光敏倡修凌人鳳記

劉纂縣志

崇聖祠舊在大成殿左明倫堂後康熙五十六年改建於

明倫堂右道光七年改明倫堂為崇聖祠

名宦祠祀十人

明典史楊霄遠都御史江一麟知府葉夢熊知縣沈文

淵黃源

國朝巡撫白潢提學道高璜知縣沈元箕井廡余龍邦

鄉賢祠祀一人

國朝羅肇楨

學額詳郡學

學田額折租銀二十五兩七錢四分完征銀三錢三分

學院衙門歲試解租銀二十六兩零六分科試解銀十

三兩零三分

縣志

國朝王人隆縣學記

長寧學宮舊在春旭門內康熙十

八年邑令余君龍翔遷於縣署之右地湫隘僅成聖殿二十二年癸亥仲秋九江吳子用今掌教於此集邑紳士共商重修之議司訓阻之謂此守土事也吳子曰天下事患不為耳不患為之而不成也未幾而阻之者以老罷時康熙二十六年丁卯爰有遷復舊學之舉前令陳君曰倡捐俸以為多士倡諸紳士量力以襄之於重九日起工至戊辰上巳日落成共費銀三百五十兩有奇而聖殿兩廡大成門櫺星門禮門義路工俱告竣三十一年八月郡守任發修學銀九十二兩塗墍丹雘而泮池虹橋名宦鄉賢二祠啟聖祠明倫堂扉楹戶牖煥然一新陳君亦既歸田矣余承乏是邑謁文廟兩廡大成門外尚未完以磚石乃捐奉二十兩命陶人巧人交任其事而階地悉坦落成之日乃得與諸生言曰天下無不可為之事亦無為而不成之理今已成矣砥行潛修務為古聖賢之學諸生勉乎哉

宋儒任縣學記

長寧縣學自有明開縣時建於東門內

十八年遷建於縣治右地湫隘僅成聖殿後二十餘年
九江用今吳子署教諭事觀茲荒蕪心竊憂之惟時施
令以望誤去次年甲子冬陳君莅任始與用今復遷舊
址迄乙未秋郡司馬高公來攝縣篆爰竭力捐貲重建
與諸生構材經始余自去年以譟材承乏茲邑敢不竭
駭圖謀為九仞一簣之助越今年丁酉春落成計土木
工料共費銀二千有奇凡啟聖宮兩廡泮池紅牆大成
櫺星禮義諸門及文昌閣魁星樓皆煥然一新而三峰
卓筆愈顯秀麗客有為之說者曰學宮所以尊聖賢育
士子士子學業之得失亦係乎此歟余曰然余將勗諸
生而進於學也夫學者所以學聖賢也士而圭璋特達
也者即以預棟梁士而文采風流也者即以資丹雘士
而澡身浴德廉隅整飭也者即以瞻廟貌之聿新堂廉
之峻起其以禮自閑者則如門其以義自範者則如路
以此驗士奚為而不可如謂今之商皇壯麗不過為瞻
拜文具設而諸生肄業其中者祇視為襲取功名之徑
是豈高公創始於前與余
落成於後之心哉是為記
高成瀚學宮告成頌
斗牛之野離明

之宮天門三闕拱衛辟靡苦契我龜兆應文風既遷仍
貫詢謀僉同邇矣芳躅窄嗣厥蹤我來暫攝肅拜動容
自堂徂基怒言蒿蓬迺稽舊制式廓式崇勤劬夙夜懼
鮮克終縮版削屢磬鼓逢逢尅期朞月幸奏成功松栢
有鳥百堵咸攻鼗鼓虞業維鏞維樅奕奕新廟俎豆式
恭虔水粵水環萃玉虹歲蕤雲蓋卓爾筆峰扶輿磅礪
地靈斯鍾育我髦士德造滋豐桑雖可懷憾撲芄芄無
黍厥職實藉寵榮敢言于邁大小從公律彼羣萃玉繩
崇墉昌明黼黻 帝澤雁鴻孔曼 明黃源瞻學田
孔碩慶際時雍嗣古有述泮水闕宮
記 長寧初為葉賊所據假息遊魂迄於數紀時士未知
有學也大中丞江公赫然震怒命大府葉公經理其
事一鼓擒之請於朝為立縣建學自萬歷四年始學既
成教諭陳君九韶以草昧初宜大作士類議以所設官
田助士前令沈君然之申請府道中丞江公俞其議由
是揚才亮等田歲租金一十九兩有奇皆入學宮而士
始彬彬化矣大府戴公繼至雅意文學又以所斷爭田
益之士愈有藉余承乏茲邑既幸寧人知有生民之樂
又幸其樂有為善之資也乃刻諸石永為不朽愚嘗謂
國家養士之意可以垂諸久而不替者莫善於此然則

此田也其可謂惠而不費而士永有賴矣昔朱晦庵知南康軍開白鹿洞書院置田贍士而後之頌文公者不衰范文正公有園一區術者謂地合堪輿公曰與其私於一家孰若公諸人人乃以其地為郡黌蘇之人至今德之諸公此舉其繼朱范二公而興乎雖然土之獲於上者甚厚不宜自菲薄也其必因之感發修禮以耕之陳義以種之講學以耨之播泉以安之培吾心之穀種去他道之美稗攻異端之毒以歸於聖賢之中正則上人所望於爾多士庶其不召哉敢僭書之以勵多士

定南廳 舊為縣

定南縣學在縣治左明隆慶四年巡撫張紳知府黃辰建

嘉靖間巡撫殷從儉檄知縣陳時範重修 通志 萬曆十一

年知縣章瑩重修郭子章記又倡修明倫堂張尙大記

舊志 後燬

國朝順治十四年知縣祝天壽重建嚴正矩記康熙十五

年復燬於寇十七年知縣林堪重修三十二年知縣吳

邇立再修 通志 五十五年知縣陸逢寵重修明倫堂有記

雍正元年改啟聖祠為崇聖燬乾隆元年知縣徐大坤

清釐學地開二門左曰禮門右曰義路移鑿泮沼環以

宮牆李貴記二十三年知縣胡澤洪重修自為記 舊志 五

十九年邑士捐修道光四年訓導董金銘照磨蔣元斌

捐葺 廳志 十六年署同知殷思濂勸修 新志 增

崇聖祠舊在先師廟左學廡後乾隆二十五年知縣胡澤

洪改明倫堂為崇聖祠而以舊祠為明倫堂今在先師

廟後

名宦祠祀九人

明知縣陳瀾劉世懋章瑩知府葉夢熊張以誠

國朝知縣曹邦偉典史蔡國相學使高璜巡撫白潢

鄉賢祠祀四人

明胡璉楊霖鍾澄繆正仕

學額詳郡學

學田三十二畝額征租銀二十一兩七錢又五十四畝

額征租四十五石

舊志

歲試批解學院銀二十一兩五錢

六分四厘科試解銀十兩七錢八分二厘

廳志

明郭子章縣學記

定南新創邑據虔上游故為益區嘉靖丙寅間虔劉孔亟越二年始置民

之脅從而更新之其流移而復業者卜蓮塘之地而城之儒學因以建是時甫去兵燹孳畫大都而材用苟簡不數歲因以頽圯萬曆癸未春東海章君聯洲拜定南令甫下車謁廟瞻額咨嘆曰化本在是豈可緩乎既而稽之公帑財用甚詘先命工修明倫堂而文廟廊廡費頗浩繁姑仍反之比期年政通人和迺謀諸邑博楚南李君遂庀材鳩工刮摩漫漶鼎新敗折自文廟以及廊廡悉改舊觀由是邑之官師人士歲時春秋行禮廟庭對越有嚴肅雍將事用稱我朝廷崇祀先師至意而諸生即退於齋序敬修所業亦彬彬然興矣是役也所存豈細故哉邑弟子員盧生燦等遠謁余治所索記余進之曰居吾語爾二三子知國家建學育士之意乎夫道在天下如布帛菽粟然夫人一日不可無者然非設學以教之則道術弗明人心弗正賢才何自而輩出治道何由而郵隆自昔帝王建學立師用賢輔治皆本於此迨我朝開創混一六合偃武修文崇儒重道學宮徧於宇內羣士之秀者周旋於絃歌俎豆之間而漸摩乎詩書仁義之澤道術明人心正賢才奮治效臻蓋倣古

辟雍闕宮意也諸士邁此新造之邑乘勢并力加勉俾德業聞望頡頏而起蔚然為邦家光斯於建學之意為不負而有司亦與有榮焉諸生作而言曰大夫命之矣得毋侈望諸生乎竊恐泰山巖巖空懷仰止滄海溟溟徒切望洋諸生為茲邑士緬惟曩昔奸宄構亂兵旅震驚弗遑鉛槧縣治甫定作新伊始聖道蘊奧孰窺涯涘驚駭下品惴惴焉以辱大夫之明教是懼余曰不然十室必有忠信豪傑無待而興矧定南自建學以來諸生我領而斐綦耳目不聞見干戈者十餘年所闕閭黔首橫枕而寢亦惟無事是賴祇今學宮新煥諸生遊宮牆而誦法孔子可不以道自勗乎必也奮其精神畢力邁往思其身稍涉於不肖則不違自安而刮垢剔蠹之功緝績於罔間俾勿壞其常性且喘噴涵泳以俟其自得而凡秦燕人心者不使其潛伏暗長於中其與學宮之易朽為新者相視不殊由是知明德日新駸駸然入以澤於道而出以濟於時也不難且余治郡之屬邑大浦澄海皆新創也人才已連茹而拔茅足為世用潮與虔故同督撫而定邑近潮寧不略鄰壤而思比肩耶苟徒溺於積習而卑卑以新邑自安是僻雍闕宮之所不能鼎而進也修學云乎哉諸生愕然曰謹奉大夫之教以

求無負於良有司請

授簡以歸是為記 張尙大重修明倫堂記

維歲癸未 聖天子即

位十有一年四明章君聯洲奉命來尹定南首謁文廟登明倫堂進諸弟子員講畢環視堂奧棟宇朽壞椽桷頽塌諸生潤卒業乃詢之曰茲堂也建造十有餘年而改修者僅五年何若是之速杓哉諸弟子員進而言曰邑之材木乏杉其為棟宇椽桷皆松而蟲易蝕且右畔為曠地無以蔽風雨夫是以朽之速也時維暮春農事方殷君且初任弗遑修舉甚有憂焉迨冬月慨然捐貲以倡邑募楊君璽相與協讚之遂消吉命工人山採楓柯等樹高大而堅好者撤其朽壞傾頽者構而新之堂右增置祭器庫一間以為護衛經營一月工務告成輸焉與焉秩秩乎明倫堂矣弟子員賴意盧燦鍾大遠廖仕謙等喜堂之更新而嘉章君之有成績也造謁屬余以記洪惟我國家稽古定制建學明倫自國都以及郡邑雖荒邊側境莫不有之蓋欲使君臣父子兄弟夫婦朋友之道由之以明而遠近一以化爾治邑者不知政之所重在此往往視以為不足務絃誦之聲寂然不聞而猶莫之省憂此教之所以不明化之所以不成而人材之所以不廣也章君之治定南草昧新邑百廢具興

加意學校首以育賢材為務今也堂既成矣羣弟子員
 藏修於其中而君以訟簡政樸時登斯堂與之講明乎
 人倫日用之理則一邑之教化與風俗盛人才出而章
 君之治成矣或者曰禮樂百年而後興定南新造之邑
 不可以若是其幾也曾不知人倫切於吾身本天下之
 達道特患在上者無以風之耳余聞定庠官師久已缺
 員而章君兼攝學務當教事簪池之後力起而振作之
 嚴條約以督其怠時激勸以勵其氣屢考課以要其成
 士之服其教者爭先濯磨舉積習而一新之荒邊側境
 有不進而為禮樂文物之邦者鮮矣然則斯堂也治化
 之所繇以隆也豈直為觀美已哉余特為之
 記授賴生憲等以歸俾勒諸貞珉以告來者
 國朝嚴

正矩重建縣學記

定南隸虔郡居豫章之西鄙肇建於

宮之設則自營邑之日始歷數十祀未之有改洎自鼎
 革之交兵燹相尋類水一宮鞠為茂草有司過焉而不
 遑恤也三韓祝君以英齡妙才撫茲凋敝勞心整施百
 廢聿興慨然起而修復之捐俸斥羨花材鳩工不請官
 帑不勞民力期年而廟貌峩峩堂廡秩秩集邑人士而
 講肄其中共觀宮牆州豆之盛也倚與休哉工既竣而

告成於余且乞為記余嘉乃役義不容已於言顧惟治
 天下之道無過教與養二者而已矣養立而教乃興而
 先王於教之之具為獨詳者蓋以人不衣食則飢寒之
 患祇於一身人無禮義則民彝戕斲而患乃在於綱常
 名教之間聖人有憂之爰為之廣厲學宮蓋無地而不
 建之學焉其自辟雍以至於黨庠術序皆是也抑無人
 而不教之學焉其自俊髦以暨於工史師胥皆是也師
 儒以董幸之詩書以訓迪之十拜磬筦以陶淑之簡厥
 良以率其或不良俾之漸摩於仁義道德之中而潛移
 其剛柔偏駁之習以歸於正直相觀而化者曉然於君
 臣父子五倫之重而共敦於親遜之風夫然後秀者士
 而樸者農上之可備公卿大夫之選次亦不失為謹身
 寡過之民焉若是者胥於學乎哉之維蓋定邑僻處萬
 山民安樸遊士尚質魯樸者易以從令魯者可以近道
 繫惟教之學其可以已哉故觀於學而知侯之大有造
 於定也予聞諸夫子曰君子學道則愛人小人學道則
 易使也由是以往觀風而至定者城闕不聞佻達之譏
 里黨無復相鼠之刺訟獄哀息民用和睦於以幾刑措
 而臻上理定治矣寧於侯乎忘諸夫古今學記之文於
 尊崇聖道而闡揚理學者不啻詳且盡矣予固弗言但

言侯所以興學之意以期定人之化成者如此是役也
經始於丁酉年九月九日落成於戊戌年之孟春計費
資二百金侯名陸逢寵重修明倫堂記蓋聞翻羽奔霄

天壽襄平人
以馴之則詭銜竊轡反不如款段之安駟抱奇負異天

民之秀也無以範之則蕩檢踰閑反不如樸愚之順則
先王知其然也故散樸於農歸秀於學因而司徒有命

岸序有設禮樂詩書無所不備要歸於明倫而止凡以
胥天下俊民納之天經地義之內使循循修弟子之職

化囂凌之氣成藹吉之風亦猶逸足之駿服以緩環鉅
之軌輻斯逐日追風不失鳴鸞之度斯稱良驥也定南

僻處度南離明炳照士多聰明偉岸顧其地萬山環錯
伏莽頻驚士生其間弱者心驚風鶴強者目玩干戈雖

有奇材異質幾何不濡染而誤用也粵自有明隆慶之
三年建縣設學士子沐浴文教數十年來英材蔚起作

育之效頗有可觀惟是黌序規制多所未備地僻堅村
垣楹易敗自建學至今不十數稔而修毀數矣客春予

來尹斯土於任事明日視學畢環覽傷之大有鞠為茂
草之懼未幾仲秋上丁諸生感集予揖而告曰講學明

倫我輩事也顧茲何地而荒落至此諸生獨無意乎諸
生雖然起曰小子輩念此久矣第無以倡之遂因循至

是今公雅意作新曷敢不勉是用選日揆址鳩工庀材
自明倫堂而啟聖祠而櫛星門次第修舉廣狹各循其

舊而堅好維新不數月而工告竣予復進諸生而告曰
聖天子廣厲學宮所以作興文教者甚重予懼無以仰

副朝廷作育今爾多士共勦此舉俾有成功從茲履
聖人之域登叨倫之堂尚當顧名思義修乃業善乃材

毋情而嬉毋傲而肆擬之于里神駿有鳴鸞之度無銜
轍之傷則所以報稱朝廷者正未有艾是役也經始

於康熙五十四年十月落成於五十五年九月計費金
三百五十兩在官及紳士各捐助有差胡澤洪重修學

而總司措畫則黃生允位厥功信焉
宮記 山川之發洩有時人才之振興有會學校之隆人

才之會也定邑豫章貢上游山清水秀地僻民淳
士產斯土者多聰明倜儻之姿固山川靈秀所鍾抑亦

學宮陶淑使然也予於乙亥冬承乏是邦見學宮頽落
思葺而新之乃謀諸多士屢議屢廢三年於茲矣頃郡

憲按臨下車禮拜先聖瞻几盥櫛惓惓以修葺為諭
於是定首事勸捐以妥聖靈卽以卜人文之所由興夫
為人子者奉父母之歡致愛致敬惟恐不竭其力家之

興也勃焉士之奉先師也尊其教如見美牆飾其行如
臨對越有不蒸蒸日起者乎獨余待罪茲土不能先事
圖謀致先聖賢以禦搖於風雨之中是則余之所撫躬自咎而無可解免者耳李貴重修廟學
記學校者所以育英才廣教化也詩之頌武者曰鎬京
辟雍美僖者曰思樂泮水學之爲典鉅矣漢興舉行
大學禮冠帶緇紳之族環橋門而觀聽者蓋億萬衆猗
歟盛哉定南之學建自有明殿廡櫺戟亦皆壯具獨其
制有未備而其式亦有不盡合也丙辰冬鄧都徐侯順
庵來尹茲邑下車之明日謁聖祝學迴環諦審牆雖設
而未崇池就涸而不盈勺兩門一啟一塞嘆曰觀化地
也而可使闕閉不通乎或曰市民鱗集地不屬公或曰
始區開通兵燹之變夫之也召諸民而詢之又各有所
執侯於是憂色隨考邑乘從容商度以形勢較量實
屬在公始焉以理繩之而向義者樂從矣既焉以情諭
之而中梗者皆唯唯無拂何風流而令行歟凡以處置
得宜而人心悅也由是捐清俸委羣材集衆工攻之營
之不數月而厥工告成侯乘公暇厭止縱觀見夫牆之
脊而峙也門之翼而張也池之徙而深以廣也欣欣色
喜都人士之相與助其成者向謂侯之能成其事也不

病民也英才以育而教化以宏也詩曰愷悌君子民之
攸暨又曰周王壽考遐不作人我侯之謂歟侯武昌人
名大坤字望南先世實南昌高士後裔元至正間遷武
昌大冶遂世其家焉

贛州府志卷二十六

經政志

書院

贛州府

濂溪書院在府城宋周濂溪先生通判虔州與二程先生

講學處後人建祠於貢水東玉虛觀左通志距府城三里

元末兵燬舊志明洪武四年知縣崔天錫重建知縣陳益

民繼修通志宏治十三年知府何珖始改建於鬱孤臺下

立光風霽月亭鑿池種蓮羅璟記舊志正德時知府邢珣

改建謝志贛府王文成匾曰濂溪祠堂通志嘉靖十年贛撫

陶諧率屬重修羅欽順記據羅祠後有太極亭萬曆時

顧撫張岳建參實志崇禎十三年因遷縣學知縣陳履中

改於光孝寺建廉泉書院通志自為引舊志

本仁案謝志邢岫改建不詳何地通志云王守仁遷布政分司又公署門云布政分司舊在城西南久廢亦不及遷祠事張志概刪并不載陶諧重修今據羅記補之

國朝順治十年顧撫劉武元復改為濂溪書院東西兩廡

池上置橋跨橋為亭額曰愛蓮前為大門二門右廊通

廉泉覆以亭後為守兵所據知府郎永清清復之康熙

三十三年巡道白啟明知府任進爵重修四十八年知

府朱光圉修葺增東西兩講堂宋犖記雍正元年巡道

王世繩重修自為記舊有廉泉亭王世繩撤去之建坊

泉北錢唐汪宏禧題曰章貢第一泉仁和周世燾書蘇

詩於坊楣參舊志乾隆八年巡道朱陵知府汪宏禧倡修

拓右偏光孝寺圍地南為太極閣蓮池北為靜觀堂又

北為朱光圉講院九年山長吳湘舉請改建夜話亭繪

刻蘇陽像於石白為跋十七年巡道方浩修葺二十四

年巡道董榕購筆峯山菴基並其餘址入書院建濂溪

祠移諸賢木主於其內宋華國記又建後堂又移太極

閣於祠右為梯雲閣三十六年知縣衛謀修葺劉謙記

舊志四十二年知府竇忻改修夜話亭易坊為亭額曰光

風霽月仍縣章貢第一泉額於此自爲記嘉慶八年巡道蔣攸銛捐資重修講堂建修淑堂十年巡道廖寅建仰止亭於筆峯山右十八年巡道查清阿捐資重修私淑堂辛啟泰記道光三年巡撫程含章捐葺縣志十三年知府汪云任倡捐重建圍牆易土以磚增建麗澤山齋五楹及左右廂自爲記又置鐵鐘一鼓一列講堂左右時夜話亭久圯蘇陽像碑仆損其半旣而得之并側復於舊址建亭邑人李資達捐石重摹寘焉監修程景暉有跋二十二年巡道陳士枚摹刻周元公像及朱子贊於仰止亭刊周子拙賦愛蓮說於講堂二十七年巡道

李本仁作士箴勒石講堂東壁

新志

書院崇祀

明末知縣陳履忠建廉泉書院祀周子濂溪蘇公東坡

舊志

國朝順治十年賴撫劉武元改爲濂溪書院推官周令樹

知縣楊文正設濂溪二程文信國木主於大堂春秋同

丁日祭

通志

康熙四十八年巡道白啟明知府任進爵祀

濂溪二程子蘇文忠王文成附焉又益以劉武元湯文

正據宋記

雍正元年巡道王世繩增祀楊文靖時別祀

蘇文忠於魁星閣又祀有功書院者王之良陳履忠劉武元蘇宏祖郎永清白啟明任進爵朱光圉于西講堂

乾隆八年巡道朱陵增祀趙抃孫復而移祀有功書院者于右之報功祠祀歷代鄉先生陳炳等九十五人於左之正學祠二十四年巡道董榕建祠筆峯山祀周程三子配以楊孫文蘇王湯諸公後堂祀周諫議公程大中公梯雲閣祀文昌魁星

書院額

明陳履忠請於學使錄科外額設十名今廢即永清核請復之增額二十名今亦廢舊志嘉慶十八年巡道查清阿因舊額正課二十名增廣二十名道光元年巡道汪全德復廣生童額四十名共八十人四年知府李光先復

廣生童額四十名共一百二十人

縣志

書院田租

原額田租二百二十三石又公捐銀一千九百二十八兩八錢零乾隆二十九年知縣沈均安以銀買田租六百五十六石零舊志又邑人陽高儀捐田租十五石五斗縣志雩都歲解官山租銀一百五十九兩七錢零俱存贛

縣每年完糧銀四十兩五錢漕米九石零水腳銀五錢零餘作師生脩饌膏火之需舊志乾隆四十年縣科火舊冊無存嘉慶十八年巡道查清阿檄委教諭陶琳清查實有田租八百四十五石九斗四升四合每石折錢七

百五十文計共錢七百六十一千四百五十八文又捐
廉增置田租一百六十六石五斗合舊額共計錢九百

零三千五百十五文自爲記縣志道光三年雩都原任賓

州知州譚金誥同姪候補訓導錦監生培元布理問職

仁慎共捐田租四百零二石八斗零知府李光先有記

縣志十六年巡道李象鵬捐銀四百兩歲收息銀四十兩

爲脩葺費新

明羅璟遷建濂溪書院記天生聖人扶持人極在上則

明其道以傳示無窮此堯舜禹湯文武周公孔子所以

繼天立極而非偶然也自孟子沒聖學不傳千數百年

而濂溪周子始出稟清明純粹之資當五星聚奎之運

作太極圖易通諸書言簡而道宏文質而意密明天理

之根深究萬物之終始精微廣大本末兼該誠可以輔

翼六經配學庸語蓋而並行也周子具王佐之才宋慶

恩熙盜間歷任州縣所至一意愛民洗冤澤物其所設

施鑿鑿乎皆聖賢之學而從容措諸行事者爲頓俸也

清獻公適爲守察其所爲久而執其手曰今日乃知周

茂叔豈可以淺近窺者故舊有濂溪書院蓋郡人建之

以寓甘棠之思去邪治三里藁久淪廢莫知其所廢德

何君琬以御史出守於贛政治廉明令行禁止數載之

間百廢俱興欲復書院而不得故地乃謀於同寅白於

當道時部憲會稽韓公奉命巡撫江西駐節於贛百吏

効職盜息民安兵備憲副山東馮君分守少參金陵蔣

君俱在贛僉喜曰修廢舉陞郡守職也唯其宜遂擇府

治前隙地徙郵舍而充拓之復建書院前堂後室翼以

兩廡總一百五十餘楹宏敞軒豁足以安神靈而聚來

學外爲大門樹高坊以表著之又別築光風齊月亭於

其左鑿池植蓮落成之日二守馬君鉉曰此不可無文

以傳乃專使馳書詣余請記夫續洙泗之絕學啟河洛

之正傳周子於斯道萬世之功也然而追復百年之廢

墜興起一郡之士風則何守之治有功於贛又豈止一

世哉唯賴之賢秀尙念諸公作興之意升堂啟敬玩其

圖熟其書夙與夜寐身體力行積以歲月將不有濂溪其人者出乎於是虔州可以繼洙泗而接濂洛斯則何守之功者矣雖然此豈可陳履忠建廉泉書院記事引以口耳得也姑記之以俟

虔鎮四事修舉之餘有兩大役一建縣學一建書院遷學之役人心翕然樂從故一舉事而要其成書院之役則自履忠受命責在履忠先是同邑紳盧子占詣光孝寺視藏經完闕出垣左得泉一圭寒微鑑鬚髮頽亭覆之榜曰廉泉泉三方穢雜不可近有豕負塗者三泉西三尺許短垣橫踞敗屋鱗鱗突烟噴薄毒於瘴霧子占謂余曰若能耐養濟諸癘人之通處此乎而蘇子瞻夜話亭址在焉余思夫天地間山川城郭陰陽穴宅之屬凡我形局莫不如人之一身夜話亭址譬之其胸腹也址下環繞之水其榮衛也廉泉一泓寒碧其目也人有蒙西子以不潔者吾無恚焉為其可擱而去也如有霍西子之目者則吾攘臂起矣今夫泉三方之穢雜也顏垣之見逼也豕之負塗而二也種種皆霍目之漸也泉危矣吾豈無策以處此會直指徐公按部檄郡縣興革事余輒上議亟撤養濟建書院亟修復廉泉亭皆報曰可適公令嚴四事繕牌築臺建倉庖器小民甫釋

鍾以就田功而遷學建書院之兩大役作幕府少司馬王公慨然曰民將無勞矣乎履忠對曰以佚道使雖勞焉不厲也於是以前學宮鳩僦一聽諸子占及二三有敏士余則攜簿書泉上昕夕抱籌鼓持鑄鑄與司訓陳君從事馬幕府首倡捐資巡守學三臺府館董率決贊疎俸各有差薦紳先生廣文孝廉宏詞文學暨秀良輩輸助輻輳共如干金子占杖履日至泉上規畫余亦日至學宮省工勤勤竄其經費出納兩人各專司之神各有所殷注若有競榮其私而不相顧者也而不日之役遂用以竣書院經始於辛巳之孟春凡四閱月日長至而堂館門廡成幕府飲而落之又曰今年七月而後堂與覆泉之亭成學憲郭公益科舉十名著為例而今幕府林公秉鉞方新輒廣購贖產聚十三庠髦士鼓篋其中道館更有所增益與前幕府所置田芄咳相望稱斯文百世利書院規模於是始備而磨礪之意則加廣焉履忠蓋不禁愾乎有感矣方其入光孝掬廉泉悵然於一泓之欲塞而毅然於不潔之是遷當是時也滿目榛荆事事創闢安知版築丹堊陬翼翼畢舉於朞月之內也哉亦惟是愛泉一念竊有合於與起斯文之旨仰荷列臺提倡及紳士拮据以至於如此也天下事成於難

鉅起於銖黍縣巨貫串精神實司命焉豈獨一書院然哉詩曰何有何亡黽勉求之瘳而恤其緯者履忠是也曰肆成人有德小子有造增其式廓化一郡以化成天下者諸上臺是也夫分量小大之際固不可比倫也然刻以紀之均國朝宋肇重建濂溪書院記古者務修不可以已也實行不立

理學之名迨宋儒用理學相倡導各有師承而書院乃立顧書院之盛惟西江最而親泄其地以率先斯道者要以濂溪周子爲首自周子出始有程朱之徒遞相授受而教行天下後世是故孔門四氏而外從祀孔廟者必首周以次及諸儒所謂理學統宗者斷歸乎此我皇駕幸闕里復頒匾榜於四大書

院而又追溯程朱之學原本周子詔求其後人增置博士又數年贛南副使白君啟明與虔州守任君進爵有興復濂溪書院之舉而請余文記諸石余聞楚蜀江粵所在崇祀稱濂溪書院而西江爲尤甚者蓋周子嘗官分寧簿繼理南安既又倅虔州改令南昌遷南康守是西江實周子過化存神地而皮州又與國令程公始命二子從遊以開伊洛之先者也故書院之在西江較他省爲盛其在虔州較他郡邑尤甚矣怪焉周子出處本

未不外一誠後之論學者日出而卒無以尙其著爲太極圖說以謂聖人定之以中正仁義而主靜立人極易通又曰誠者聖人之本夫主靜立極太極之所以全也太極者誠也後人疑無極之說近於虛寂豈知無極而太極蓋言無形之中而有至理固合動靜而貫之者哉予不敏開府是邦嘗慨西江理學自宋至明極盛之餘今稍稍靡矣非奉周子遺書爲統宗則正學日日隳壞而不可收拾竊聞二程子初謁周子於虔州謂吟風弄月得吾與點也之趣然則周子之立誠徹乎性命廓夫天地萬物而直接古聖賢於春風沂水間不惟盡釋俗儒之疑而西江學者亦可自此而興矣書院舊建水東旋遷鬱孤臺側今在光孝寺左順治癸巳虔撫劉公改濂溪書院以舉其廢者康熙丁巳蹂躪於降寇地經三遷今白君任君割俸而更新之堂廡庖湍井井有序闈三月告成前堂將爲士子講學課文地其後附祀二程子及蘇文忠王文成二公文忠公嘗來遊題廉泉詩而文成公撫南贛論學於此益以劉公武元湯公斌皆有功德於民者例得並祀余嘉二君之意而望西江學者自治治民必識所歸而後可尋王世繩重修濂溪書院味春風沂水之趣也於是乎書

記 濂溪書院由來舊矣自宋迄今數百年俎豆歌絃不絕蓋先生之學上接洙泗千載之秘下開河洛百世之傳朱子謂不有先覺誰開後人宜祀之久而弗替也康熙壬寅余奉命分巡贛南祇謁先生祠祠始於貢水東尋遷鬱孤臺明崇禎庚辰移於光孝寺左廉泉側名廉泉書院 國朝順治癸巳改廉泉為濂溪其詳俱載濂溪紀事及郡志碑記中惟東西兩講堂創於己丑庚寅前此未之有也地既宏敞泉復清冽不亞鹿洞鷺湖諸勝惜風雨飄搖日久漸圯因慨然念前人締造之艱一旦鞠為茂草其何以妥先賢而育多士亟謀葺之命經歷魯承化董其事缺者補圯者修一切工料諸費共若干悉捐清俸不勞民力不傷民財至臺下之池週以欄而橋弗架閣前之泉護以石而亭弗建非憚煩惜費從輿論也經始於壬寅八月以癸卯五月落成中祀濂溪先生二程子文信國公王文成公湯荆峴公益以楊文靖公以其立雪程門又嘗歷仕虔州者仍別祀蘇文忠公於廉泉魁星閣他如有功書院若王公之良陳君履忠劉公武元蘇公宏祖郎公永清宋公犖白公啟明在君進爵朱公光圉悉移祀於西講堂示不敢與先賢並也每歲春秋祭濂溪祠畢另祭之更拔十二邑生童

有志者肄業其中以府學教授趙君與鴻司講習書院故有學田濠院舊府縣兩學司之舊撥歸贛令收其稅供祭祀外為師生束脩膏火資不足佐以余俸每季親往督課另加獎勸自癸卯迄今丁未五年矣夫崇祀先賢古制也振興文教官斯土者之責也况有書院以來或創或修碑志可考余仍舊貫非有所加也何必記第恐代遠年湮久而失實因詳其原委 剏謙重修濂溪書院記 濂溪書院之建初在貢水之東後遷鬱孤臺側景

院記 後遷小南門內今之書院是也面北東連光孝禪

寺西接三潮井與贛縣學宮對前觀察董公銳志復興購院後高地廣之是為筆峯山遷立濂溪祠其上右起梯雲閣從閣上望贛州數十萬戶皆在窗牖下由閣而下五六十石級有亭可小憩亭西則來章閣也當高下之半私淑堂承其中前為講堂肄業舍在左右西曰正學祠至西廊屋止舊所謂文舫者也皆在私淑堂左曰報功祠曰清風閣祀從前有功書院者達夜話亭宋時蘇文忠公訪陽公孝本夜話處有石刻蘇楊二公像亭之下曰廉泉方廣尋文深五尺周以石欄欄刻廉泉字右牆大書東壁字依希見其影跡泉之北高處以木為

坊書蘇公廉泉詩句坊外短墻橫域之復有池曰芙蓉
鏡池如鏡上多芙蓉故名池旁木石交積可坐蔭池上
有堂曰靜觀壁間摹忠孝廉節四大字南向堂後則朱
公紫岡講院公守賴厚於士爲立此院由講院南至夜
話亭因地勢高下迤邐緣以曲欄通以月門皆在講堂
右講堂中踞下月臺石欄護之又下爲池寬廣丈有奇
四面皆石砌其泉旁出至子午卯酉時則潺湲有聲餘
時亦微流不絕橋於池上曰清雲欄夾而朱之與池兩
廂朱廊映池外爲儀門額山靜泉清字西有大榕樹又
爲頭門額濂溪書院字而屏其外周以垣墉規制宏肅
舊時屋宇敗壞牆漫漶聖黑橋欄榻陷室內無牀几無
門自衛侯松崖令賴次第修之書院後振余以謂天下
事或與或廢在人心之公與私而已矣苟
非廓然無我曷克興茲盛舉也哉是爲記 辛啟泰修濂

溪書院記

賴州濂溪書院舊制宏大閱年既久中多朽

蔣勵堂先生建也先生去任時出所餘廉俸二千五百
餘金屬參軍李君爲之距今凡十餘年知其事者尙樂
道之弗衰余自去春忝爲山長於茲居主靜堂之東每
朔望躬拜濂溪祠祠寬僅半於主靜堂而地勢尤處其

偏故余嘗覺有大不安於心者諸生亦時以爲言曾書
院池橋板朽斷不可行今觀察查芸圃先生捐廉倡修
爲經久計易板以石橋修四丈有奇闕凡一丈池四圍
周以欄杆及小石牆又修葺學舍之坍塌漫漶者計大
小四十餘間次第工竣乃告於郡伯王公雲台與賴縣
劉公厚菴以所餘四百二十金別建一堂如講堂而兩
其室以居山長而敬移周子二程子及楊文靖六賢木
主於主靜堂中某月日觀察率屬寮學官弟子虔祭成
禮於是邦人士大悅相率請於余曰願因先生之文台
前蒞觀察廖觀察備誌之以不忘廖觀察於書院建御
止亭自爲八分書其額亦風流宏獎者予嘗讀蔣勵堂
先生示士詩云猶有玉巖翁在否于旌我欲貢茅茨其
重賢禮士之意真令人千載興感矣芸圃先生恭儉誠
一興利釐弊內斷於心不移於人則夫三先生之所以
使人不忘者固不徒以此而予竊以爲禮先賢所以示
敬也啟後秀所以勸俗也諸生於此可以得爲學爲治
之本焉爰不 汪宏禧重修濂溪書院記 江右書院森然
辭而爲之記 林立而處中之
濂溪書院並著豈非以其人哉柳子厚云地雖勝得人
焉而居之則山若增而高水若闕而廣堂不待飾而已

矣此濂溪書院之所以遷遷建而歷久彌新也書
 院地凡三遷始建於水東繼移於繁孤臺側今在光孝
 寺左學士大夫遊其宇者想見周子以至靜為宗以一
 為要暨二程子之涵養則曰主敬進學則曰致知明通
 公溥大公順應寬和嚴毅殊途同歸庶恍然於理學之
 名肇於周程實為千古身心性命之準至於蘇文忠之
 文章王文成之功烈前後輝映亦且維持而不墜焉書
 院之建顧不重歟乾隆七年壬戌秋予恭膺簡命來
 守茲土瞻謁先賢之廟貌周視生徒之講堂目擊棟楹
 腐黑撓折牆宇漫漶不鮮慨然於賢者之興愚者之廢
 修而復之為是循而習之為非柳子厚又有以教我
 也上質之觀察朱公下詢之僚佐紳士首倡捐修廣為勸
 輸爰興是役次第開工朽壤者利用更新淤塞者利用
 疏濬湫隘者利用展拓就新建者而統數之有亭有堂
 有室有池有廊有閣俾春溫秋肅陽開陰閉咸集於庭
 戶沼沚之間而趣自領於江山千里之外一切經理則
 院長會呂吳子湘臯董其事焉正苦告竣為難適今觀
 察陳公比來是邦陳公固夙推服膺前賢崇獎後學者
 顧而樂之相與經畫區處遂慶落成於是遊十二邑髦
 士而濯磨砥礪之濂溪先生亦樂與為徒也余故記其

書院之所由設與其作人之本意師表在望者周子也
 尊所聞行所知者二程子也前為之推後為之挽者蘇
 文忠王文成也諸生鼓篋其中行宜日高文宜日茂
 茂庶幾觀察陳公與余且樂觀其成幸甚是為記
 李光

先濂溪書院加增膏火田租記
癸亥之秋奉簡命來守是邦恭謁濂溪先生

祠顧瞻書院其山筆峯聳然而特立其水廉泉湛然而
 常清其間堂室整齊亭榭曲折洵名賢過化之區作養
 人才之地也按郡志此地經前明崇禎突未顛縣令陳
 名履中者創建閱二百年於茲矣後履經修葺不過稍
 為補苴越嘉慶壬戌觀察嶺南蔣礪堂先生捐廉修造
 極費經營規模閎闊歷久亦少陵夷幸直查芸圃先生
 來為觀察釐正經費增修棟宇設立規條悉臻完善捐
 廉置田租一百六十五石五斗合舊經費計一歲所入
 共得租制錢九百零三千五百一十五文永遠加增膏
 火二十名振頹起敝嘉惠士林迄今都人士猶頌兩觀
 察之功德不衰今觀察汪小竹先生翰苑名流雅以作
 人為念蒞任之初捐廉增正副課膏火四十名每歲約
 費數百金於今五載誠堪與礪堂芸圃兩先生後先收
 實效焉夫振興文教官斯士者之責亦生斯土者之責

也余觀茲佳地益思鼓舞不倦况又有成法之當遵前賢之可學竊不自量亦增正副課膏火四十名且其中有實在任院攻苦者每人每月助米三斗稟明上憲願捐廉而與之初不計廉之足與否也適遇前任雲南賓川州牧零都譚君紫庭興言及此譚君慨然曰公之謙俸幾何除幕友束脩及酬應外所存幾何且捐廉亦難為久遠計家有薄田數頃職已分田租計一百三十一石九合胞姪監生譚培元田租計五十七石三斗三升三合嫡堂姪布理問職譚仁慎田租計一百零五石五斗八升候補訓導譚錦田租計一百零八石八斗八升八合共四百零二石八斗一升三勺每石制錢七百五十八文除納糧及水脚費用可實得制錢若干文願獻於書院以為加增膏火之需請許具呈存案可乎嗚呼如譚君叔姪真可謂賢矣余嘉其意又喜其好善之誠之堪垂諸久遠也管子曰十年之計莫如樹木百年之計莫如樹人今譚君之為此固非邀譽士林而實樹人之助也因給匾額並據實詳明撫憲賜額以旌獎紳士助官為善且以勗後來之賢者於是乎記 蕭朗

峯修濂溪書院記

聚天下之人才而教之太學聚一方之人才而教之郡邑之學 國家所

以造士者制綦詳矣賢有司承流宣化又往往即其所以治擇名勝之區而為書院延山長以專董訓其肄業諸生則月給以楮墨膏火之資益推廣建學育才之意俾益相觀而善且以教兼養單寒之士亦得有憑依以求進於學也故必公產饒足而後書院之所及者廣且遠吾郡舊有濂溪書院其由來詳見志乘今觀察使查公既蒞任凡所為察吏安民者必本忠厚仁愛之心以行之而於書院尤加意焉修廢剔弊廣額達材清理田租規畫久遠郡人士咸鼓舞而歌頌之矣復捐廉俸七百一十餘金增置田租一百六十五石五斗俾儒學積其出內由是歲入益饒而山長之脯餼諸生之獎資悉得加厚公之為此豈以恩澤邀美名哉亦豈徒望多士工祠章以徼利達己哉蓋曰吾重愛吾士則士之絃誦於茲必能自重自愛朝夕漸摩相與講求乎進德修業之大孝弟忠信禮義廉恥之詳處則向其志出則達其道學正品醇如濂溪夫子所謂士希賢賢希聖所謂道義由師友有之而得貴且尊者可於書院實收其效教化之隆人才之盛與學效共維持於不敝也余以夙疾請告常謁公於郡城得聞其事既深感公之德意而為吾郡之士幸猶甚願吾郡之士相觀而善烝烝日進無

負公教養之澤以上答朝廷作人之雅化也於是平南顧宜兵備道為政皆有實惠仁聲之入人最深此特其一云

記濂溪書院建於國朝順治十年癸巳凡閱一百八十年中間雖有修者而廢已甚予守虔郡召九屬紳民捐資重建道光十三年癸巳三月興工甲午落成堂與改觀鼓鐘燦燦備將見生徒于于從容鼓篋是所望於此邦人士者前後興建之年支干恰合殆有數存乎其間倡事者何與焉以捐生必應表著監修教官程景暉督工首事李資達勞均不可沒故誌於石并梓是書

李本仁士箴 院奉元公名教之宗江邦過化被德允同

道先人紀大本斯立由士希賢保茲美德曰正與誠理通家國法守聖經用脩厥職為弟子者謹以範之為人師者尊以持之同游集益正士與之和而不流匪人遠之動必履忠無渝其儀言貴崇實無支其辭見異思遷為學之累順時知命行吾素位道著光明德成純粹我思先賢條教載中孰為楷式士首四民士行既端民氣

由清有體有用正己正人處為善士進為賢臣 李本仁濂溪書院留別諸生

氣雄厚發源自崑崙先賢妙過化川嶽餘清芬一官此承乏五易秋與春讀書本夙好所願共討論案牘累寤寐門訟苦紛紜景行志前軌跬步未克逾自慚德教淺敢謂民不馴民風基士習其勢常相因每望二三子補救使之醇絃誦靖意氣太和入陶甄非惟化悍俗實此主璋身轉核有微權風會當一新今與諸子別夙懷鬱未伸無由致拳拳畱資二千緡聊左匡衡讀無補原憲貧努力事精進上灘戒因循我行日以遠我夢猶江濱回首玉巖山此中應有人

陽明書院在府城濂溪書院後明顧撫王守仁講學處

久廢道光二十二年知府王藩倡捐重建自為記並遷

陽明像贊碑於祠中郁鼎鍾跋二十三年復重建望關

臺於西隅郁鼎鐘記 詳名蹟 新增

國朝王藩重建陽明書院記

頤州江右巖疆也山川險

尚氣厚重而少文唐以前風氣未開文教闕如也宋儒
周子倅虔州二程子皆從之游始以理學化一邦人知
嚮學而頤之風氣一變越六百餘年而餘姚王陽明先
生繼之先生甫撫頤卽修濂溪書院以居學者而自真
講堂於後闢良知之說與周子至誠無偽之旨相發明
學者翁然師尊之零都何氏廷仁黃氏宏綱其尤著也
而頤之風氣又一變流風餘韻沒世不衰頤人至今猶
知溯源濂溪者皆先生表章力也道光己亥藩由禮垣
奉命出守是邦藩於先生爲同郡後學且由明而土
溯之實同族而是邦又先生駐節建功之地私心竊自
喜謂儒風宦蹟之必有可循也比至始知濂溪書院久
已移建城南蘇陽夜話亭左巡道課三郡一州之士於
此而非頤郡所專設也及訪陽明講堂舊址於鬱孤臺
下則破瓦頽垣無復存者亟謀復之衆議僉同尋以支
應粵東軍務未遑也越三年廼命頤縣教諭程景暉董
其事並諭九屬士民捐資助役不踰年而次第告成向
非先生教澤入人之深士大夫聞風響應顧有如是之
易且速乎頤以陽明書院仍舊名且從衆志也或曰古

之書院以講學今之書院以論文道不同矣殆非陽明
忘也奚以舊名爲曰不然不同者時也無不同者道也
道之顯者謂之文文卽所以載道自孔子任斯文之統
而孟子衍其傳兩漢之儒咸以著述爲源流越六朝以
及唐不絕如綫至宋而絕學復明於是道學之名立而
當時諸儒率集書院以互相講論其所講者理也卽道
也卽文所載之道也苟無文又奚從而講之夫今之文
非猶漢魏六朝唐宋之文也以孔孟之言爲言其託體
也尊而其致功也密合祠堂訓誥之才同鑑而其治之
一衷於聖賢之道而無所雜假令周程復生必不能舍
今日之文而獨由古之道以自講其學况先生以科目
顯亦嘗從事於斯乎且以先生之事功彪炳史冊卓然
爲一代名臣而要其見諸政事者悉本其講論之功積
於中而發於外則明體達用之學豈徒托諸空言哉誠
使肄業之士朝濂溪而夕陽明旣以聖賢之理植其基
復以聖賢之業充其量而卽於文會之日講明而切究
之將聚於野而人文彰升於朝而人才盛此固先生所
以表章濂溪之志而有待於後之學者乎然則會而通
之神而明之文藝卽理學也論文卽講學也而從政之
才亦基乎此頤之風氣之變不能無望於斯矣書院以

陽明名復何疑乎既落成未知視舊制何如而規模則已具矣由頭門而二門而桃李門進為傳習堂堂下左右廂及西偏隙地為肄業齋舍堂後循級而上為先生祠祠之東為郁齋以居山長其西則望闕臺臺下為官廡總凡若干楹功始於道光壬寅五月歲於是年冬月費若干金具別碑紳士蕭應淡李資達陳璘等或倡獨率眾或分任督工而總其成於程教諭是皆有力於書院者例得備書以示來者夫興墜舉廢郡守責也樂事勸功賢士大夫之願也從容肄業於其中日習先儒緒論體行而擴充焉以期無負盛世作人之化則在諸生之立志也至於循名責實激厲而增益之尤有望於後之守斯土者是為記

李本仁陽明書院示諸生詩

撤亂昔駐此而作百世師
極民出水火大懼人性漓

休暇輒闡教所至惟良知陳張既排擊湯陸同誹訾高遠舍卑邇學者無由窺矧復近憚悟流弊多支離我慕公之功謀略何神奇又聞公之學海內皆宗之經濟有原本名教資維持公生具異稟竄瀕艱危進取乃益力見道無費辭渾然絕偏倚常如赤子時斯理自真實豈其涉冥思諸生志嚮往擇術毋分馳何黃此邦土前事良可追孰是聞知者勉哉作聖基

先賢書院在府城阜城坊東宋寓賢楊方故宅其門人陳

韡請於朝賜額以祠淳熙元年提刑趙希龍建立書院

於此元大德間山長王天與重修歲久傾廢明正統間

通判鄭暹復建後為居民所占知府邢岫清出改為義

泉書院即今東坊社學通今廢

正蒙書院在金魚坊

鎮寧書院在察院前

富安書院在祥符宮

夜光澄清書院在青龍井

見山書院惟使顧大申建以上書院今俱廢舊志

贛縣

愛蓮書院在城北督學試院後

國朝道光二十八年巡道李本仁捐廉購寧都公廨改置

并捐貲以倡廉為通判舊署今仍奉元公栗主於堂新

國朝李本仁新置愛蓮書院畱示諸生詩并引元公通判舊署

近為寧都公廨贛邑人士呈請購作書院余既嘆先賢

遺澤之厚而又嘉多士嚮往之誠因輸白金四百兩贖

諸州守顏以愛蓮書院復捐錢五百緡以為倡時束裝

待發僅植始基尚望後之踵成其事焉數椽老屋祀

先賢千載猶能越壁全敢謂秋風畱廣廈好畱霽月在

中天江干楊柳將離曲池上蓮花未了緣別後弦歌勞

夢想清芬世界化蠻煙

章貢鄉社學在高樓

長興鄉社學在梅林

大由鄉社學在文潭

愛敬鄉社學在蘭塘

雩都縣

龍溪書院在縣南二十五里即今龍口菴明正德間詔毀

天下寺觀邑僉事袁慶祥讀書於此白郡守邢珣扁為

龍溪書院遂得全縣志

思皇書院在生佛寺東明萬歷間知縣竇啟臯建後燬於

寇通志

龍門書院在小西門外舊志

濂溪書院在羅田巖為明儒何廷仁黃宏綱羅洪先講學

所通志

雩陽書院在邑西門外乾隆十四年知縣左修品倡建自

為記縣志嘉慶五年大水盡圯道光三年巡撫程含章檄

署縣向應桂修移於試院隙地為舍二十四間知縣黃

濬張溥相繼理其事縣志

義學順治十六年知縣李祐之建於縣東分司舊址後廢

康熙三十二年知縣趙懷重建四十一年知縣盧振先

修葺雍正二年知縣方景翊捐屋租銀二十四兩為脩

資志今廢嘉慶二十一年知縣張湄捐廉建義學二一

在勘頭腦東北隅之學者入此一在奎星閣西南隅之

學者入此宋維駒記縣志

社學二明洪武初詔天下五十家立社學一所知縣宋宏

賢建一在城隍廟左一在廟右今廢縣志

書院額

書院額取二十名

書院田租

書院田租四百二十四石六斗五升油租四百四十七觔

有奇山租銀三兩五錢七分錢一千七百五十文以給

脩膳膏火之費田塘稅二千四百文給門役工食

縣志

國朝左修品零陽書院記

余治零之明年集都人士議

邑之西郊有陽明先生祠因其址而改爲之既成規模壯麗有巖有翼自西成門出至龍神廟北望書院軒然前臨衢直如矢可百三十步至書院門內地二十步兩旁用石爲牆踈櫺洞達稍進爲小池屬邱氏業余假之作橋其上長視地三之二線以磚欄設門於橋之端顏其前曰瀛州初步後曰覽秀一以兆多士之奮興一以誌其前景物之秀美眺覽焉可以開拓心靈蕩滌文思度橋而上屢事一制方而扁左右室三間又進則講堂棟宇高大階除軒敞西牆外邱氏之竹樹青葱茂密風雨自西而來翠滴講堂之前即陽明先生祠後而爲之者於是祀先生於東南隅體勢比講堂稍狹而方向如之前牆洞達接福田寺亦空曠有致堂之後舊有屋正九間側二間重加丹堊奉先師位於其中俾掌教率諸生朔望敬禮焉最後地益深遂有池有蔬圃池比前池縱倍之橫亦如其半由蔬圃緣池而南計六十步東偏殺其六分之一皆邱氏私地余以他地易之給其圃

與池之利與管門人池南地築室七間與先師宇相接增學舍兩行於東偏行各十一間庭二間居學舍之北漏二間若學舍之南皆堅固完密凡爲工五千五百磚瓦樹木塗飾之費爲銀以兩計七百有三十經始於己巳孟冬越明年季春而書院成於是拔取英俊聘良師掌教其中明窗淨几燈火三更讀書聲琅琅出戶外雪之士自此其興矣夫天下事創始難而繼守者抑不易也既勤於始矣不能無望於其繼余欲此都人士爲子孫業思所以繼之而無忘於其始因取與築之歲月費用之數合同事諸紳而書焉贊議者時則有教諭孔君傳柱訓導戴君如蓮戴君熙組歸南昌萬君重輝繼其事巡檢許恒年府照磨署理縣尉徐君浩縣尉李璠贊謀畫者選拔貢生李睿相陰陽度方位者生員曾躍龍募捐者城中生員曾賢宰易兆組邱昭鑰新授尤溪高才司巡檢李嚶經營版築督理不懈四人爲最易李二人尤勤劬孝廉段彩段廷達副貢宋啟傳選貢蕭憲貢生譚宗經溫詔生員張嘉謨彭昌元周佑寧其弟子德監生溫楊募捐北鄉武舉劉榮監生邱昭燾生員袁湯銘曾慈募捐南鄉貢生鄒思亮生員謝廷鳳募捐東鄉武舉曾世安生員陳天榮募捐西鄉催捐輸者又四

人生員管尙隆易方寧黎章燭孫人瑛其捐之多寡所
置田產之數秋糧若干另載碑於講堂之後與書院共
垂不朽焉乾隆十五年 宋惟駒雩陽書院記 亂恒視人
歲次庚午孟夏月記

材之盛衰人材之盛衰恆視教化之隆替書院者教化
所由施人材所從出也三代盛時家塾黨庠州序國學
燦然大備士咸沐浴於詩書禮樂之澤漸摩於仁義道
德之風其材之成體用兼該本末咸具皆足以備公卿
大夫百執事之選上有教導之方而下有措施之效此
三代之所以興隆也漢唐以來養士之典廢士多散處
家塾庠序徒爲虛名自宋設立書院給之以膏火董之
以師儒課之以文行俾之朝夕優游浸淫漸漬日新月
盛而不已猶有庠序之遺意焉是故三代而上人材出
於庠序三代而下人材出於書院吾雩書院舊在西郊
前令左公修品勸民捐建嘉慶庚申洪水驟漲牆屋盡
圯道光癸未中丞程公含章下檄州縣修葺書院捐俸
爲倡適向侯應桂攝篆茲土聞命卽集紳士謀之僉曰
西郊書院已廢非聚大眾興大役不能復也今試院尙
有餘地不如因而成之工約而費省且試院功未竣
此亦可告歲一舉兩善備焉侯曰然於是鳩工庀材左

右增修房屋爲諸生肄業所內外二堂如舊蕭君端劉
君鼎桂管君奔綱並爲經理水南孫春臺之妻李氏捐
銀一千兩費不數又將義倉息穀七百石爲之未幾向
侯去黃侯壺舟先生至復董其事明年仲冬落成時黃
侯殷勤課士延予主講席士皆爭自濯磨吾雩自漢嬰
建邑惟有明人材極多如何黃袁管郭李諸君子並以
理學功業著一時名賢輩出彪炳寰區嗚呼盛矣越至
於今非無英秀之士顧少偉人巨公如諸君子者出何
人材之不古若歟抑培養之未厚歟中丞公甫下車卽
以書院爲先務二侯屢勉從事無非欲培植人材爲
國家之用而不容旦夕緩耳今幸得觀厥成士於此敬
業樂羣講求乎格致誠正之要深明乎修齊治平之功
由小成而至大成處爲名儒出爲名臣將何黃諸先哲
之道德經濟復見於來茲以無負中丞與二侯造士之
至意且以冀上追三代 向應桂雩陽書院記 國家培養
之隆風也豈不盛哉 人材學校
而外尤在書院書院者所以輔學校之所不及而加意
俊髦者也我 朝御宇 聖祖 聖宗繼繼承承
涵育士類二百餘年作人雅化婉於棧樸菁莪其養之
厚則廩餼有資其功之嚴則師儒有課其材之成則三

公百官得其任爲教之法如是用以鼓舞天下而不知豈非盛典也哉道光三年秋予攝篆雩陽承中丞程公命修葺書院謀及紳士僉謂書院舊在西郊圯於嘉慶庚申洪水僅爾基址工費浩繁不能遽復惟試院餘地可以因而爲之予思善爲政者貴用因茲之役不甚勞民傷財是亦用因之一端也時有孀婦孫春臺之妻李氏輸金一千兩遂於十月興工左右增房屋二十餘間爲諸生肄業所堂廡一仍其舊費不敷僉議以義倉息穀七百二十石足之經理者劉君鼎桂蕭君端管君弈綱李氏而能急公如此固可嘉矣劉君三人復有以終始其事予固甚喜是舉之相與有成也夫興學崇儒恆視守土者爲振作文翁之治蜀常袞之治閩大都急急於此使未有絃誦之地以彙英才而宏造就中丞公所深慮也雩陽書院頽廢已久過其地者每不勝荒煙蔓草之感焉今承袞壞之後易地而爲之且易於爲力湖厥所由豈非中丞公之大有造於雩歟至書院田租爲師儒脩金生童膏火費向爲書吏侵漁後於有名無實予稟中丞公自後由紳士經理務革其弊中丞公體之惜予不能久令茲土黃君壺舟將至所幸者始基已立可復中丞公之命若夫勤垣墉塗甃葺茨則又在黃君經

營之力他日落成黃君與雩人士講學於此士皆敬業樂奉敦詩而說禮蹈德而詠仁相與淑其身心屬其才行郁郁彬彬翕然向風教化之興可立致矣予雖不得廁身其間與黃君共觀人材之有成亦未嘗不聞而欣然喜也因宋惟駒重建義學記

蓋大學不講無以明格誠正修齊治平之要小學不講無以習灑掃應對進退之節蒙養之未端而欲基作聖之功難矣然而蒙養所由端要在於義學義學者所以振貧之不能入小學者也自義學之制不行而子弟已不能入小學以培之於始又安望其由小成而躋於大成也哉予邑義學李侯祐之創建舊在分司舊址後廢趙侯懷重建虛侯振先修之又廢張侯澗治吾雩數年急思興賢育才慨然曰惟雩義學興廢無常邑子弟之貧而不能學者多矣此因父兄之過抑亦守土者之咎也乃捐廉二百金置義學二所一在勸頭腦東北隅學者入此一在奎星閣西南隅學者入此每歲擇有文行者爲之師先授以小學孝經後授以論語五經而又教之孝弟使之愛親敬長而不失其良知良能嗚呼侯之教小子者其亦得先王小學教人之遺意歟蓋人當總角之時天性未漓知識

未開為師者非有以啟其聰明養其氣質將跣地縱逆
勢不至流為小人之歸不止夫人而至流為小人之歸
無論其不足以備天下國家之用即倖而為天下國家
之用而學術壞裂其不至悞國而病民者鮮矣張侯有
鑒於此而設為義學立為規條果能遵而行之今日之
小子他日鼓歌弦誦彬彬然人於大學明體而達明德
成而名立棟梁之材柱石之器此其選也是舉也吾固
知侯之教化將行而人材之有成也

信豐縣

桐山書院在儒學戟門內通志康熙三十六年知縣方正下

建舊志

桃溪書院在桃江口邑人盧敏廷年月失攻通志

帝峯書院見游法珠記中縣志無攻新補

崇正書院在儒學右明正德間知縣沈充建祀虔撫王文

成志今改為訓導署舊志道光三年邑士移建書院於試

院內知縣袁職業記縣志

桃江書院在縣署西乾隆二十九年知縣程化鵬改建未

竣三十一年邑士公請擇基別建蓮山書院舊志嘉慶十

三年知縣陳源懋改廳事為文昌宮講堂為三代祠餘

如舊縣志

蓮山書院在水東九蓮山左麓乾隆三十二年知縣吳大

勳創造五十三年知縣吳士淳捐廉課士縣志

賓興義學在儒學前嘉慶二年教諭林大定倡議捐建題

曰攀桂軒有序縣志

國朝袁熾業移建崇正書院記

事有一舉而衆善聚焉者惟在人之轉移而已

國家文治光昭學校之外書院以育才考棚以試士僻邑莫不有之不必合而一之也合而一之則自余莅信豐與邑人士營建始邑舊有崇正書院在儒學右為前明邑令洗公充所建祀濂溪周子陽明王子及黃公洛村何公善山謝公元石邑令朱公璋我而考棚素屬缺典道光三年癸未邑紳士奮興度地於清平門內所坡上創建考棚基址廣袤門以內由東而升中為大堂兩翼分列東西坐號大堂後為講堂堂之東西餘地適廣狹以為書室或四或六共十四間可謂廓其有容極曠如奧如之觀矣未已也講堂之後為琴樓以祀文昌帝君樓下平行直方則以儒學右之崇正書院移建於此用奉周子王子及黃何謝朱諸前哲而創建書院之洗公亦於是附神主焉院後及左右餘基亦皆為書室又十二間凡室皆有樓樓之高上與下等肄業生童可坐四五十人前則高其兩閣周遭厚其墻垣以祀以學以試悉於是乎在蓋地利既得人和斯播辨方正位以類

惟從幾幾若有天然布置焉記曰大積而不鬱並行而不謬孔子序易曰物大然後可觀可觀然後有所合其吾與邑人士斯舉之謂矣夫學以應試試以策學思之思之帝君通之吾願自今伊始生童之講習其中者凜至靜之意以息浮華本致良知之說以省察擴充學求明體達用才務佩實銜華士習文風蒸蒸日上遠追崇正之名而近思合建之義有德有造悉邀佑啟於帝君游以為邦家光其益不亦大乎其聚不亦樂乎是為記游法珠書院文會碑記 信豐素稱望邑余初謁聖廟見門

正壺峯桃溪諸名歷歷可考而未嘗有執經問業於斯者以虛鑲不供而勢難久集也余雖不敏然誠不敢以是為緩圖蓋朝夕究心於斯而特未得其方也乾隆十五年歲庚午邑之水東蒼有文會公田歲入之粟以石計者三十或以擅斂而互爭陳祠於余田舊為有明袁氏業以義舉出為書院文會供給偃喪亂無王為嘉定橋掌事者所沒入後為袁李曹黃甘五舊姓士清出五姓之外不得與而五姓之內亦有不得與者數十年矣至是起而議之余謂袁氏茲舉本以為公夫楚弓楚得之為公固不如人引人得之為愈公也今於公中寓私之

之意則必爭爭之之久則斯田必廢曷如公之一邑以存前人作興人才至意於不朽乎多士乃洽然皆悅雖子本無幾而於歲事文會之貲則已給况由是而日益焉烏知不有好義之士更起而助之以成此書院錄廩者乎

興國縣

安湖書院在衣錦鄉宋咸淳八年縣令何時建文天祥方

逢辰皆有記中為三程祠祠與院久廢通志參縣志明洪武

間知縣唐子儀重建通志正德十四年知縣黃泗遷於城

內大乘寺中祀三程周元公東為李君行祠西為鍾令

公祠旁立主敬行恕修德凝道四齋更徙置文信國碑

記通志嘉靖二十五年推官林萬勳攝縣率教諭徐昇請

帑重修羅洪先記舊志萬曆三十一年知縣何應彪改為

名賢祠增祀王文成書院之名遂廢通志

鴻飛書院在西門外通志今普惠寺北縣志明萬曆三十一年

知縣何應彪建通志士民肖像合祀何應彪王芮久廢縣志

長春書院在南門外通志今普惠寺南縣志明萬曆四十三年

知縣吳宗周建通志規制如鴻飛士民塑像專祀吳宗周

今無考縣志

南山書院在南門外龍王潭東祀雷正莊夏今無考縣志

湫江書院舊在北門外瑤岡下乾隆三年知縣徐大坤因

文廟舊址建自為記縣志三十八年知縣陳椿年復建文

廟於舊址而書院在左為今制中祀周程三夫子旁列
學舍嘉慶十六年重修移頭門於左側良方縣志道光十

九年知縣張維模勸捐置買田租為每年書院山長東
脩之費二十六年知縣西金額捐廉置買田租四十石

零新增

義學舊在縣署右文昌祠康熙四十九年知縣張尙瑗建

冀霖王原皆有記後廢今其地為湫江書院縣志

社學二一在南隅孝行坊一在西隅新安坊久廢縣志

寶賢書院在寶城鄉神仙墩道光十八年邑人夏侯顯鄭

耀焜同捐創建前後三進周七十餘丈前為魁星樓後

為文昌宮中為講堂後之左右為尙義祠房舍凡六十

五間新增

宋文天祥安湖書院記頤興國縣夫子廟在治之北門

被服儒雅東一百里曰衣錦鄉其民生長隄絕壑塞或
為龍蛇漬於邦經有司常冠勉以惠文從事咸淳八年
宣教郎臨川何時來為宰憫然曰使人不可化則性之
道熄矣顧邑校曠越教不克施迺夏四月即其地得安
湖山水之勝議建書院以風來學召其豪長率屬執事
堂庭畢設講肆有位彙試館下錄為生員二十八人又
拔其望四人為之長冬十一月以牲幣薦於先聖先賢
尊俎其章等威孔嚴環觀愕始屏息胥忭黎老婦子轉
相傳呼而後翁然以儒者為重令曰吾教可行矣載命
胥正秩其比伍家使有塾人使有師如黨庠術序之意
置進學日記令躬課其業督以無怠以上諸府改其鄉
曰儒學植其風聲於是山長谷荒人是用勸成賴進嚮
文事率由訓程傳曰天地之道浸言化以漸也風俗之
積幾千百年而令一朝變之固若是速與恭惟國家五

星聚奎實開文明皇祖詔立學其後復創書院三代以下斯文彬彬焉先民有言地氣自北而南粵從衣冠正朔啟我吳會自江以南悉為鄒魯今也遐陬僻壤沐浴教思如狂得瘳如迷得呼王澤之滲灑日深地氣之推移日至此豈偶然之故哉予於今為同年進士適守是州今奉天子明訓以宇民為職能廣學宮宜德化是不為辱威命守將上其事於朝復諭之諸生曰昔有文翁興學於蜀受業博士時則張叔學官弟子吏民懷之彼何人哉叔兮叔兮又進諸生之長諭之曰昔有文公設教於潮潮人趙德以士見招繼文與行倡於齊民其則不遠德哉若人諸生拱而前曰某等幸生明世維師帥不鄙彝之俾獲有聞雖不敏敢不受教請列諸石以詔百世書院之制前為燕居直有杏壇傍為堂左先賢祠詞後為直舍繚齋以庶不後不隘臨溪為門堂名繫矩齋曰篤志求放明辨至善率性成德

其門總曰安湖書院予山中所題云 元吳澄題安湖書院始末後 漢循吏化潢池弄兵之赤子賣刀劍買牛科尉廬陵已著吏能署臨江錄曹仕彌進彌優及宰興國建安湖書院於邑之衣錦鄉敦以詩禮能化一鄉素

不可化之俗訖今不復弄兵雖漢之循吏何以尚茲於呼士君子有志斯世大而宰天下小而宰一邑皆可以行志顧其人何如耳斯高用而盜賊遍山東林甫國忠用而盜賊遍河北卒以亡秦而亂唐一郡縣之小用得其人則如此以天下之大用不得其人則如彼人才之有關於斯世豈小哉天下不難治也安得如侯者千百布滿郡縣哉侯諱時字了翁人稱見山先生宋李侯之同年進士安撫江南西僻侯至管機宜文字朝命提舉江南西治平茶鹽事不及上未幾銜石鎮海之志不遂匿姓名曰堅白道人而藥民間數年後還家以壽終

明羅洪先改建安湖書院記 禮為學者動必釋奠於先釋奠無合也所謂國故謂其國之昔人可以為師有是人不必遠取合祀矣古者仕不去國幼學壯行其政與教之所由來因國人聞見之所及也取其聞見者而為之師在上不特備物釋奠爾矣自邑宰下士以至方伯連率之尊其鄉射飲酒養老勸農獻賦訊囚之政必於學焉意曰此昔人政之所出吾得無有怠棄乎在下者不特奔走執事爾矣自校人進等以至後選學士之賢其絃誦詩書干戈羽籥德事曲藝之教必於學焉意曰

此昔人教之所出吾得無有汙壞乎本其所性而導之
八率其所知而程其功不強以難能古之聖人化易行
而久不廢用此道矣宋咸淳壬午何令時以前令程大
中識濂溪於南安司理遣二程師事之而聖人之學自
是復明於世是三程者興國之國故也於是爲書院安
湖祠祀之而侑以濂溪其廢與興往莫可考正德己卯
黃令泗慮安湖地遠改建邑東前爲堂以稱祀事其後
復以陽明王公弼冠之功多在諸邑而其學固周程之
遺也則必祀於尊經閣下然其物典不備久且就弛嘉
靖丙午冬林郡推萬潮攝邑事因教官徐昇與諸生之
議得請於巡撫傅公鳳翔參議方公任張公永明副使
高公世彥督學蔡公克廉咸樂其成林復躬計之於是
發帑飭材以儉爲功汎掃牲帛令載徭賦畫爲條式憲
諸來者春秋之吉諸生告期令率屬率牲於門奠於堂
閣左右名宦鄉賢兩祀以次徧舉畢事乃退非釋奠入
謁諸生聚講修省堂警對所疑議不及政期望入謁亦
如之其非人謁教官以五日卽祠前主靜定性持敬致
知四齋考業諸生祠二齋齋各四舍凡十有六舍諸生
餘三十人必其俊迺得選斥其不率與暴慢者率關之
令以上事事復得請盡列諸碑迺遣諸生王世昌呂雲

來徵文惟昔之創始今之舉廢皆與禮之國故甚靡而
導率勸戒視昔益密可謂有志於古之政教者興國之
風將駸駸日上可進於化矣雖然濂溪以無欲而學聖
二程自述所受謂天理實由於體貼而後得之陽明處
困之後慨然犯羣疑而爲良知之說蓋亦有見於吾心
是非之昭昭者未始有欲嗚呼是數先生所以出其政
與教者孰不各有所自得而其所以能自得者非知聖
人之所以聖而極力以求至乎知聖人之所以爲聖而
後知世俗敢教之所以儼而敢敢安於怠棄極力以求
其至然後推本於己言無所汙壞而未嘗假借剽飾於
一事爲故著之聞見自能信於其國之人也今比先生
於國故且師之矣將極力而求其所謂無欲以至之者
亦有不容已乎將惟免於物典之怠棄汙壞而已乎在
其位近其居不求斯人之所以出其政與教者而或假
借剽飾於傳記簿書之閒縱選舉而專用之寧不爲長
老婦孺輿臺商販之所訾歟嗚呼爲有司與諸生者其
無徒以籩豆事先生而自安於世俗之習哉洪先寡昧
竊嘗以無欲爲學而愧未有所至旣與林知厚逆其志
之必有成又幸興國之重
有遭也因爲記而僭論焉

國朝徐大坤新建激江書

院記 立教必有地設學固其所也而萃身心考德業俾
 之書院始於安湖宋咸淳八年何君時建於衣錦鄉明
 正德己卯黃君泗以其地避遠改建邑東後改爲名賢
 祠而安湖書院遂廢至萬曆癸卯何君應彪建鴻飛書
 院於城西己卯吳君宗周建長春書院於治南皆跡入
 而湮嗣是而書院不復興矣 國朝雅化作人詩書澤
 洽書院之設直省皆有海內之士經明行修仕爲良臣
 者大半出其中 世宗憲皇帝樂人才之成如意作
 興凡會省書院悉發重帑修葺由是士益感激奮勵爭
 自濯磨以期仰副 上意乾隆二年予自定南來宰
 興國數閱月而民之以事至者輒少因得於政治之暇
 校閱士風比見被服都雅彬彬郁郁知其沐浴於教澤
 者深矣而後生小子亦循循有法度予喜其教之可行
 也越明年春卽擇邑之才品兼優者課士於學選俊秀
 者與焉時書院未嘗有也予亟欲獲其地以建不可得
 會遷建學宮得右偏舊學基址勢極宏敞不勝額指舉
 向之所欲建而無其地者於遷學一舉而兩得之乃與
 襄事者謀所以建之咸踴躍樂從遂鳩工庀材未久而
 書院成然是役也豈徒修舉廢墜塗飾耳目已哉夫學

以求道也聖賢之道不外彝倫日用之間賢智有同趨
 愚不肖亦可共由要惟講學明理身體力行舉孝弟忠
 信禮義廉恥一一返己無虧由是發爲文章皆所以闡
 明聖道而非徒爲詞章之學也予性甚好文而於躬行
 未逮者終未之有取焉古女云窮經將以致用今與之
 士誠良也由此益勵所未及循鹿洞之條規耳新廟之
 鐘鼓致知力行明體達用將人才風俗駸駸日上聖賢
 之道明而聖賢之教行矣書院之制其向如學前有堂
 後爲講學之所旁環栖士舍額以激江書院雖不敢謂
 舉合邑之士而甄陶之亦將於此樂觀人才之成也興
 之人士於予謂任文水之將行也 冀森義學記 於有宋
 揖而言曰書院願有記并記之 若衡陽侯氏建昌侯氏婺源王氏莆田林氏則咸有之
 而范文正公特建於姑蘇之太平山立齋廟祀孔子由
 是聞風興起四方學者歸焉近世通都大邑冠蓋絡繹
 守令好賢育士者起而爲之鄉士大夫樂善者贊勳之
 建育嬰立義學比比皆然而循其名則是覈其實則
 非至荒陬僻壤卽循而行之者蓋亦鮮矣且爲政以敷
 教爲先而教必有其地義學之建學士之齋舍咸備廩
 給無乏缺擇邑之才德者以爲師歲課月試無有作止

長吏於政事之暇時加稽考誘掖獎勸以作其志氣士之學於是乎觀成焉苟師不得人令不殫厥心若父兄之於子弟望之切而責之深多方以俟其自化雖繩以功令具文而已與士何有哉吳江張君損持以儒臣出幸與國於茲七年予視學西江稔張君之政績以作人爲先而予所得興國士出義學者爲多夫文翁興教於蜀人材輩出程大中假倅南安識獄掾周茂叔舉爲二子師興國固大中過化之地章貢之濂溪書院所自來也而文正山齋之立即於君之鄉君必習聞其旨地豈不以人傳哉先是君旣興厥明倫堂學使楊公念亭記其事今諸生復以義學記來請於予且謂君之於吾興國廢無不修學宮義學固其大焉予嘉君之爲政克敦其本遂爲之記以告夫

謝天翼設立澱江書院膏火記
後之嗣張君而爲治者
先王作育人材必養之於學以收其有守有爲有猷之用故古之人自家至於天子之國皆有學士生其時處則明先王之道出則建伊呂之勳其不見異於他途者由教之有其地也後世學者各務專門人自爲師無一定館舍以至刑名法術莊老釋氏語言龐雜行多詭奇而不衷於道興蓋三程過化之區宋時邑令何公建安

湖書院於衣錦鄉奉祀大中公父子於講堂而以周元公伯之所以著道學之原實肇茲邑特錄生徒二十八人中救四人爲之長凡薦先聖先賢俎豆牲幣歲給有資後因地遠教疎而安湖書院遂廢我國家造士有方
理祖仁皇帝敕澤覃敷命直省各建書院嗣是府州縣皆立義學興之義學先在縣治身臨數椽不足以處來學之士乾隆庚申楚北徐公新遷學宮乃以舊址以建澱江書院生徒肄業始有常地先是平越金公詳請上官戶田內撥穀二十四石并地租銀若干兩作山長脩脯而諸生膏火尙缺庚午春錢唐孔公來攝興纂甫下車集諸生於明倫堂勉以實學躬造書院正典禮定規制以周元公爲二程之學所從出特崇祀事親書程子四箴授以貞珉俾濂洛淵源昭然若揭做朱子鹿洞之教立學規六條定以課期每十日備盤餐親臨校藝經畫既周爰爲善後之謀申請上憲每歲於上官國內撥入穀四十八石以贍諸生膏火仍立定條約垂諸从遠一時肄業諸生感公之德咸請於余以誌不忘余曰爾諸生亦知侯之所以惓惓於此者豈爲是丙夜青燈求爲科舉之學已哉蓋將以千古理學實開於此欲學者景企前修鐘斯弼斯夜以繼日講明先王仁義

之旨堯舜君民之道優而游之饜而飲之毋為俗學所
 壞則由是鼓程席之風弄周庭之月浸濡以受孔門之
 時雨發為文章徵為事業卓然不負鴻儒名世之望夫
 乃不負先王立教之意而可以為聖人之徒矣大中之
 化賢有司能繼之濂洛之傳諸生得毋勗乎余也有司
 訓之責庶其旦暮望諸公諱興浙字道南號晴江由副
 貢教習期滿以知縣用前 **王原義塾記** 吾友損持張先
 署宜黃東鄉瀘溪皆有聲 興國予時方被 召命入覲損持過予言別語以為政
 之要予舉治茂治銅之事告之損持聞言忻然若有合
 也顧朝紳相聚輒言損持以詞臣遷外必有夷然不屑
 者毋乃以怨尤不平之心行鹵莽滅裂之政愛之者憂
 形於色忌之者喜翔於言予竊笑之士人讀書慕古亦
 思行其所學耳縣令為 天子撫綏教育一邑之秀
 頑生民之命風化之原所由寄也損持學古有獲殆將
 籍是以有所表見豈如若者之言乎既別去凡七年所
 予被放家居損持以書來道其治興之政教救荒築城
 立社建門急病捍患興廢墜異時吾兩人對牀抵掌
 之語一一見諸行事惜予身離朝右不能舉是以塞羣
 公之口竊計損持同館諸君子紆佩垂紳雍容風議

徒託諸空言其於民俗利病雖蒿目疚心不能代庖人
 割也今之為縣令者簿書筐篋之為務教養之政廢而
 不舉即有之亦虛文塗飾耳目之為非有實心以圖其
 效也損持之為政先拯其饑次安其居而後勸於學於
 是就縣廡之左文昌神祠增建學舍設為義塾以來學
 者立之課程規加督訓如是者有年士風蒸蒸晉向於
 學矣損持書又云義塾之設未有記願書之以勸塾士
 予惟古先哲王立學施教之本旨非以為功名之路譽
 聞之招也蓋必本之以忠信先之以孝弟仁義義芽措
 施具宜而後可以當士之目顧其道寓於經而其事備
 於史非誦習講貫不能知而至之也由於斯義而為言
 言之必有物也而為行行之必有恒也修於家則為端
 士用於國則為良臣舍是而言學則非學舍是而言文
 則非文此心術之所由以正而風俗之所由以成也上
 之人率是為教下之人率是為學將見一邑化之遠近
 則之西江朱陸兩夫子講學之地也景先喆而作後生
 豈異人任損持其然吾言乎哉 **沈衍慶寶賢書院記** 風
 持是以為塾士勗其亦可矣 俗
 之盛衰教化之得失視乎學校之廢興古者國有學州
 有序黨有序家有塾制不厭煩而工不嫌費非徒資其

記詞篇章已也必將於是討論乎詩書禮樂之原循習乎揖讓進退之節以進求乎修齊均平之要雖有一二縱恣之氓使之耳濡目染其中亦皆潛孚默感於不自知在國則化行一國在鄉則化行一鄉其功效豈淺鮮哉我聖朝振興文教養士尊賢四海之外六合之內犁然從風傾心向化既拔其秀列之學宮而自省會以至郡縣復設立書院俾樂羣敬業焉養正之功其在斯乎興邑城北向有激江書院歲延師主講生童者僅數十人其僻處鄉陬數十百里外者輒以不便阻寶城鄉據邑北上游與盧永二邑接壤鄉人士以距城遠來游維艱爰於鄉之神仙墩建造書院峯巒秀美清流映帶遊其地者有人文蔚起之思一時士民踴躍從事院之制坐西面東中講堂前魁星閣後文昌宮尙義祠列左右學舍鱗次不華麗而宏敞繚以垣墉內有隙地可花可木可井可池院之左隔溪相望有龍頭山前明建庵其下各姓厯施田貳百餘畝以禪林無主併歸書院充膏火之費經始於道光十六年七月望五迄十八年秋凡三載而工竣額曰寶賢取尙書語寓鄉名且兆賓興也嗚呼興以蕞爾邑界萬山中民習強悍挾氣尙鬪閭巷之間酒食游戲相徵逐穢竊姦宄往往競起風俗之不正教化之不行匪獨守土者之責亦士大夫之憂也而茲鄉人士乃克得風慕我慨然與敬教勸學之規蓋三程過化之澤猶有未盡泯者由是家絃戶誦推一鄉以暨四隅六鄉莫不變化氣質薰德善良育人材以供朝廷之用教化於焉廣風俗於焉美記云觀於鄉而知王道之易易不尚然與余攝篆斯土甫八閱月凡所爲風移俗易承宣教化者未能稍有成效心竊滋愧茲當瓜代行有日矣倦念士民每低徊不能自釋鄉之人以書院實錄請曰願有記余嘉其志之善而功之遠也因援筆而爲之記

會昌縣

湘江書院在射圃後明嘉靖四十年知縣沈桂同邑人賴

貞捐建羅洪先題額曰仰高堂旁列齋舍三十餘間以

居學者

通志今廢

舊志道光元年知縣方楷捐銀爲建造費

未興工

縣志

本仁按縣志湘江書院有二一在射圃後嘉靖辛酉邑人賴貞兄弟捐建一在都察院後縣治左舊爲官塘地嘉靖甲子知縣沈桂擴地填塘再建書院羅洪先題曰仰高後有高閣沈桂記後傾圮改建學宮云云通志似誤合爲一張志止列賴貞不及沈桂舊府志仍通志今據縣志考正於此

新湘江書院在南門外登雲坊道光十一年邑人歐陽俊

勸捐新建文昌名賢尚義二祠及魁星樓王淮記縣志

因費匱停課道光二十年署知縣趙麟書清釐舊弊復

行開課新

小學在舊學宮文昌閣後今廢舊志

興賢學乾隆二十年教諭汪仙捐俸倡設爲文武優等生

員獎勵及舟賞卷費嘉慶道光間遞捐田租增益縣志

紫雲書院在周田北岡乾隆五年邑人建新增

國朝吳湘泉紫雲書院記紫雲書院昔未嘗建也建之始於乾隆五年庚申令湘鄉

之人共建以爲子弟會文之所蓋特舉也址在周田之北岡居一鄉之中升其上而望凡村莊之大小林木之疎密牛羊之下來田疇阡陌之橫斜耕耘負戴之熙攘舟楫風帆之開泊歷歷在眼目中而四山若屏湘水如帶吾復爲之覘其襟抱相其風氣不虧疎而完密先蘊蓄而後宣洩自建縣以來經營第宅者踵相接也而闢不直其地殆所謂天作地藏以遺其人者乎鄉與崗塲接壤自前明中葉寇盜充斥其人欲保禦鄉土多習劍戟之技以武健是尚趨悍善鬪流行傳述以至我聖清之初猶然今則仁義之正育已久鬪爭金革之聲不聞凡鄉之人安樂富完於是各姓父兄議集各姓子弟爲文會父兄各輪值其役值者先行戒期屆來會文者不下五六百人何其盛哉值者奔走執事恭敬飲食毋敢慢但集於墟肆茅茨中遇風雨寒暑無所爲避來者苦之於是小田劉姓將祖銓所遺岡地捐爲書院銓孫斯柱又倡捐建院費於是各姓踴躍凡棟樑梁榑

板檻瓦甍灰石皆不期而集始事於庚申某月而成於越歲辛酉堂中祀關帝像以地近墟市士農商賈駢臻雜集惟帝足以動其忠義之心而震懾其邪軼之志又爲僧室於堂後使僧司洒掃啟閉適余歸自東吳鄉人士具書請名且屬作記余曰書院面紫雲山何不以是名之衆曰善於是紫雲書院之名特聞愚按方輿會昌昔所轄鄉有五勸淨化承湘鄉其一也明洪武二十四年辛未始併爲兩鄉曰承曰湘凡邑中所稱洞天石室如盤古紫雲蕭帝漢仙諸勝皆在湘鄉記其地得邑與承鄉之半語曰深山大澤必產龍蛇蓋言扶輿清淑其氣蜿蜒磅礴而鬱積鍾於物必爲蛟爲龍鍾於人必爲聖爲賢奇傑魁梧材德出類拔萃之士吾族世家湘鄉族中之人吾得而悉也族以外各姓之子弟吾又得而悉也皆相若也豈奇傑魁梧材德出類拔萃者比肩林立熟視之而忽若無觀耶抑或善自韜晦深藏不市有其人吾未之遇過其人吾未之能識耶否則扶輿清淑之氣尙磅礴鬱積而有待耶說者謂大凡邊徼之地其人材皆聞世一出出則爲世所罕覯如西蜀自開闢至於漢始有司馬相如楊雄又越六朝至於唐世有翰林李供奉再越五代至宋始有三蘇父子廣東瓊州開自

激邑而湘鄉又居邑東南其墟地與閩粵界西江扶輿清淑之氣至是而窮故天多設名勝山巖以孕蓄將窮之氣無古今一也然吾則謂人傑而地靈隨之如前所云諸人皆其人本傑也非委其人事坐待其地之靈能使之始傑也吾鄉之子弟皆有清俊之材質兼人之聰明宜躡躡檐簷擇師求友以增益其見聞而富足其學問毋徒僅與一鄉之士比較優劣稍優焉遂沾沾自喜而以爲足也今夫江海之能大其觀者由其源遠納衆流也鄧林之材自拱把而七圍八圍極於百圍十仞以聳於雲霄者其樞根深固而枝幹花葉始異於凡卉也則士之自待者可知矣然吾又以爲其責在各姓之父兄爲之策勵其子弟鼓之舞之使各勉爲奇傑魁梧出類拔萃不以稍優於一鄉爲已足由鄉而進之於國由國而進之天下頌詩讀書尙友古人處則爲鄉黨矜式之士出則爲世倚賴有用之才然後書院之設爲不虛也通書云輪轅飾而人弗庸徒飾也况虛車乎請爲吾鄉之子弟而敬誦之其各姓捐銀若干書院幾進幾楹別有記茲不具

敬承書院在承鄉大陂堡道光二十七年本邑監生胡拔
能兄弟捐出房屋全所併田租二百餘石以爲諸生肄
業膏火之費新增

安遠縣

濂溪書院在縣城老教場明隆慶六年知縣周景建通今

廢舊志

太平書院在南鄉太平堡明隆慶六年知縣周景建今改

爲公館通志

聚五書院在北鄉重石堡雍正三年建鍾文奎鍾炳章俱

有記舊志

片雲書院在西鄉版石堡雍正年間建陳王化記舊志

小學在文廟左今廢舊志

五方義學在西門外古田坊大興寺縣志

濂江書院在城隍廟右道光十六年知縣陳雋倡捐創建

新

國朝鍾文奎聚五書院記聚五書院者何聚吾鄉五堡紳者所衆建爲子弟考德問

業之肆舍也按邑之置四五堡居其一區宇遼闊文士
散多而聚少前人意欲居中建學以聯屬之己豫擬聚

五之名而事不果就至雍正二年命州縣鄉遂俱立
社學以興人才於是吾鄉耆彥乃合家謀議得重石堡

赤珠隘其地原古公界也岡巒聳翠河水浮清山川靈
淑之氣殆有所蓄至於今而始顯與爰丐邑侯閻公申

請各憲咸報可時余司鐸崇義聞而抵掌亟撰序勸輸
諸君子爲之鳩工庀材經始於乙巳秋落成於戊申冬

歷四寒暑糜費不貲計前後箕斂數千有奇亦可見象志之成城矣迨乙卯余自霍邱解組歸道經其地四顧周覽講學有堂矣藏修有室矣諸凡亭池庖福靡不備具徘徊久之因憶觀型必舉其人而崇效必有其因程周張朱固斯世所宗仰而濂溪二程以暨陽明諸先賢於吾穎又皆過化地也爰立以為祀春秋時祭咸正無缺於是五堡俊彥開幃設帳翕然相聚聚五之名殆不虛乎善夫易之萃彖曰萃聚也順以說剛中而應故聚也惟順以說則有聲應氣求之樂惟剛中而應則有嚴憚切磋之益故又曰觀其所聚而天地萬物之情可見今夫平居里巷相慕悅酒食遊戲相徵逐身心放行檢敗以此為聚雖聚固不如其散也若造就有地規條有約大則講道論德小則析疑辨難合志同方如金之陶於冶木之就於繩行見人才輩出處可以磨礪德器仕可以黼黻皇猷矣考宋太祖乾德之五年五星聚奎嗣是濂洛關閩名賢迭起然則斯院也名以聚五星日追踪芳躅亦何必不與前代所建之白鹿鷺湖後先輝映也哉斯舉也各堡俱有首事同相期許而專任慇懃者惟賴子蒼書廖子奉璋黃髮堯子宣文朱子次漢與吾家奠宇姪奉莪數人之力居多厥後勸置田聯集銀

會則有吾族秦御賴子咏蘇以其終其事余今老矣承諸君子命謂余猶日擊應記其巔末辭不獲為畧述梗概如此至於捐贖田產土名秋米多寡俱泐石不贅院豎三進負真面申右複階外一帶豎店房數十間經邑侯戴密裁稅歸書院首事收納仍以羨餘充書院公費此規模之粗定也而尤願後之君子之經畫者其諸造就規儀

陳王化片雲書院記

郭公墟下妙相寺東有書院焉區曰片雲予初見之

輒曰瑞雲紀皇卿雲紀帝祥雲紀聖慶雲紀王書院何名也予舉鄉魁之歲詢其由曰司之南有石屏焉昔羅公會易片雲故吳公今以名書院云予曰不然片雲者一片青雲也聞嘗按其地度其形見夫斗山以東雲峯峙也涼傘以西雲蓋張也蒙山嶂帆湖水環繞雲將遊雲虹落也南接市司雲煙繹絡北聯擢秀雲樹蒼茫其岡之方平而廣者雲屏爛汗也其巖之透迤而緩者雲車容與也其怪石之浮於水冲於霄者雲英淦淦雲氣溶溶也其原田之每每而遠翼翼而明者雲章炳蔚雲錦迷離也人其中以望羣山獻翠眾水浮蒼飛則為雲鴈為雲鵬為雲鶴往來翔舞不可窮也躍則為雲虬為雲駒為雲龍出入變化不可索也立其上以觀村墟錯

縹煙景紛披通則為雲程為雲路為雲衢出之山川無室滯也顯則為雲衣為雲物為雲旂彰之錦繡無闇黜也登堂而教者其有與雲之思乎上體作人雲彰於漢也下存養正雲開於霽也因質而造薄雲其使宿於巖深雲其使出於岫間雲其使覆於野彩雲其使冠於曠也彼肄業於此者其有凌雲之志乎內思豹變雲蒸於地也外念風從雲上於天也循序而進山雲吾知其草莽水雲吾知其魚鱗梢雲吾知其道德大雲吾知其物色也由是龍之致曰飛雲去遠雲合也日之抱曰黃雲扶赤雲捧也早之濟曰密雲布油雲施也時之和曰陽雲起陰雲伏也若夫非煙非霧郁郁紛紛其為瑞雲見於皇也其為卿雲見於帝也其為祥雲見於聖其為慶雲見於王也非書院之所得名也吾故記之以勗夫激昂青雲者

龍南縣

龍城書院在縣城南門內康熙二十八年知縣鄭世逢捐

建通志自為記乾隆二年知縣方求義廢書院正廳舊志十

八年知縣梁其光復建正廳顏曰崇實堂縣志六十年知

縣左方海改額曰龍門書院縣志祀濂溪二程子橫渠張

子朱子胡安定文文山王陽明胡敬齋鄒東臯全上

社學在縣治西南隅卽舊府館今廢縣志

國朝鄭世逢龍城書院記學宮之制其由舊矣記曰家

師成均國學之制也郡邑泮宮鄉學之制也義學之名

昉於宋代蓋自古士出於農所云羣萃州處而不離其

秀也其中門單戶寒家徒壁立而無講習之地俯庸之

資以致廢棄多矣於是為有司者兼教養之責不惜躬

為措置別立學舍備脩延師俾一邑寒畯之士皆得肄

業其中且以其上不廢官錢下不繁民力故名曰義學

實為國學鄉學之先資也蓋天下之治必本於學校學

校興則賢才盛賢才盛則治道隆况義學尤土習風教

根本之地乎余不敏竭選得虔之龍南於康熙二十七

年戊辰仲夏初莅茲地見其徧處嶺麓山勢幽阻林菁

深密風氣撲塞下車之日謁先師文廟即詢及邑中義學皆曰自有明迄今二百餘年從未之建考之邑乘果闕余曰噫嘻豈余謙讓不遑之時耶夫江右理學名區盱江濂溪鵝湖先賢書院甲於天下吾晦翁朱夫子知南康軍復白鹿洞學規捐俸修葺日給諸生肄業此真義學之典型也况今 聖天子重道右文卓冠古今宮牆之內萬世師表 龍章炳然余小臣瞻拜之下肅然警惕敢不仰體之雖簿俸無多然興起教化為邑宰之職適城南廖氏有居場來售遂契買之北有池塘亦續購置僻在城隅去市稍遠其藁掩映林薄蒼翳於學舍為宜於是花村鳩工圍以垣牆中構講堂二楹旁列書舍二十四間庖福漑滌有處雜植楮柏古檜四時名花經始於乙巳之春落成於庚午之秋顏門額曰龍城書院竭蹶措置不費民間一絲一粟敢曰創未曾有誇耀前人以自附於教養兼贍之有司乎亦以鼓吹風雅自矢區區盡職之志云爾所望肄業其中者循聖賢之方由洒埽應對之節進於致知修身之要以漸及於國家天下之廣通達強立臻於大成原非僅青紫之階已也然而巍科鼎甲莫不由此從此功名勲業炳炳麟煥於邑乘庶不負予一日之苦心也至於坐皋比者不

長寧縣

員爰來者漸廣或增學舍兼置膳田以垂永久方圖

踵事增華則觀成之功更倍於創始矣是又余之厚望也夫昔歐陽文忠作吉州學記云某侯之績及學之立而不及待其成惟後之人是賴乃於其末目刻辭於石立諸其廡以俟余今亦然

忠文書院在八付堡朱村射鶴里吉水李邦華幼隨父讀

書於此筮仕後猶時念朱村故舊村人購書院以志不

忘即以其謚名之 舊志

石谿書院即義學康熙四十八年知縣邵錦江議創建於

分司署舊址未竣預為記六十年知縣蔡賓興踵成之

雍正十一年知縣陶士正改立於絃歌門外邑人曾宗

高捐建曾宗欽等捐膳田陶士正有詩乾隆某年知縣
勝為石谿書院縣志

玉屏書院即試院道光三年知縣李景昌請兼作書院自

為敘縣志

社學在黃鄉司城內今廢縣志

連塘書院在崇聖祠左乾隆七年知縣余應祥倡建舊志

湘皋記二十九年知縣黃恂改建於東郊雲臺山復於舊志

其東南隅構魁星閣縣志

吳公書院在學宮明倫堂下康熙三十五年知縣吳邁立

建後為儒學齋署參廳志

社學二一在城西萬曆九年知縣劉世茂重修署縣劉琮

竣工一在下歷城皆立學初建十一年知縣章坐合各

堡社學中行訓教歲久皆廢隆慶六年知縣陳時範奉

額撫李棠檄增寘四所一在橫江堡元規寺旁一在下

歷堡祖教寺旁一在大石堡天花寺旁一在小石堡惠

雲寺旁舊志參廳志

國朝吳湘皋社學記乾隆六年辛酉冬十月桂林陳公

揚世宗憲皇帝諭設各省書院今奉命巡撫江西他務未遑即宜

書院著立朱子白鹿洞學規至意又手著豫章學約十

則教書院諸生并通飭設法振興各處書院社學教育

貧不能遠出就學之士維時南康之白鹿洞贛州之濂

溪南安之道源吉安之白鷺袁州之昌黎撫州之興魯廣信之鍾靈各書院一年之內已興者增新未興者振復悉如豫章書院條規縣社學則知定南縣事余侯念自建縣以來文風未盛於是幸先奉命於學宮東偏得地一區縱橫十丈構講堂四楹於中左右齋舍各四楹前為門亦如之庖湍之所備具外緣以垣與宮牆聯合始基於七年壬戌冬十月越次年癸亥春正月而落成規制樸堅不務華飭用竹木山石夫工尾斃坏釘若干侯自有記其諸費侯捐其半紳士共捐其半繼買田若干畝以資膏火延本邑明經黃廷城主講席及啟館期侯盛服幸詣生童子先行釋菜禮次拜至講雍容揖讓進退俯興皆合節儀既卒事益虔恭不懈門外觀者百千人咸嘖嘖贊嘆為僅見盛事於四月大課合邑生童舍不能容啟明倫堂及兩廡以坐之侯復捐糜粥以食之等差其文章又捐紙筆以獎之非同苟且塞責空博名譽以蒙人耳目者邑庠生黃恒封來學濂溪書院述巔末甚詳且云侯之善政多端唯此為大而可久乞文紀其事按志定南縣建於明隆慶三年己巳定南之有社學又在嘉靖四十五年丙寅冬十月都御史吳公昉建下歷城時即設二所一在下歷一在高砂高砂界廣

東和平縣剝頭其旁皆崇山大壑諸不軌盤據為窟穴白正德三年戊辰訖於隆慶己巳中間雖經巡撫都御史王公摧陷廓清然賊風相煽既久熄而後煽信豐安遠龍南仍時遭出劫之害故吳公有城下歷之請遂設社學復議建縣邑於蓮塘鎮割地議未定吳以遷秩行繼都御史張公對酌前議邑焉六年壬申都御史李公又知縣陳某增置社學一附橫江堡元規寺一附下歷堡祖教寺一附伯洪堡天花寺一附小石堡惠雲寺與高砂共五所教學之令頗稱周遍然自建邑以來人文尚未大彰著何也嘗觀天地開闢歷子丑寅而人始生至庖羲而文字始肇至堯舜夫子始贊其煥乎有文章又歷夏商至成周夫子始贊其郁郁之文歷數十聖君賢相之區畫創制教養生息又歷千萬年之久乃始於一畫次而煥乎次而郁郁文運之開自古蓋若斯之難也以太初之開闢視天下且然以天下之開闢視一邑一邑詎獨不然乎又古人建城邑必相度其陰陽之和會觀其流泉土物之清冽肥美而後版築興焉甚重乎其舉之也隆慶中懲創草竊之害建定南以扼其衝意在保三舊邑而不在新邑也因割江廣兩省四縣之邊地以城之其地氣之剛柔燥溼其居民之氣習風

輦隔數里而迥異絕不同故竟有明之祚盜賊出沒無
 常縱有負穎異出類之材生於其間而奔竄逃遁保完
 室家而恐恐焉無寧日奚暇以文事風流競爽爭馳也
 況乎地又割裂強台其靈淑之氣夙昔所孕蓄者亦渺
 渺淺弱必不能大洩以鍾其人恭逢我朝神聖開天
 續承百年宇宙太和之氣相摩盪蓋無隙而不遍學校
 之教管絃之聲相涵濡蓋無人而不入於是定南有登
 鄉會榜者今又得我陳公經綸偉抱不讓王吳張李諸
 前輩而侯之賢又復大過於當時之羣有司其遭際之
 隆則太平極治之日非君有明來官斯地者值擾攘多
 事之秋陳公巡撫於上以總其成余侯勤治茲邑於下
 以盡其職勞來匡輔翼振德上下疊加合同而化風
 俗仁厚人心正固胥視乎此豈獨慶社學之興爲人文
 彰著地已哉然而得風氣之先則人文當之矣舉用是
 爲鄰邑慶也乃拜手而恭爲之記余侯名應祥號同聲
 登雍正癸丑科進士雲南昆明縣人

卷二十六

贛州府志二十七

輿地志

田賦 附科則 起運 漕糧 屯田 雜稅 戶口

贛州田賦明以前無可考今從張志溯自明始我

朝田賦之制較前明尤備科則視乎其地起運按期

以報漕糧惟贛有之屯政責成五邑而雜稅之與科

則則周乎各屬焉自康熙間立攤丁之法民不擾而

額有定生齒雖繁不因民數爲增益也

贛縣

明田地山塘共六千一百六十三頃三十二畝零 夏稅

鈔六百二十三錠一貫七百七文 秋糧米一萬八千

三百四十五石七斗零 農桑絲四十一觔二兩零

里甲編銀五千八百五十五兩七錢零 均徭編銀三

千七百七十八兩八錢零 驛傳編銀一千六百六十

二兩四錢零 民兵編銀三千七百五十九兩五錢零

張志

國朝官民田地山塘原額六千一百六十三頃三十二畝

零內除本縣公廨學糧一十九石七斗三升零報功祠

等米七石四斗八升零何世明折半免編米二百一十

八石四斗四升零派四差銀一百七十一兩七錢零不

征外順治間題除荒塞田地山塘二千二百六十五頃

九十四畝零乾隆間題准被水冲塌田一十七畝零又

節年報陞田地山塘二千一百三十七頃四十九畝零

現在成熟一則田一千一百六頃九十五畝零 每畝編銀

四分七釐零 其征銀五千二百六十五兩一錢零米二

千二百二十八石二斗七升零 二則田二千五百四

十五頃八十六畝零 每畝編銀三分九釐 零米一升六合零 共征銀一萬

三十四兩一錢零米四千二百四十六石二斗三升零

三則田一千四百八十五頃九十五畝零 每畝編銀 三分四釐

零米一升 其征銀五千六十九兩四錢零米二千一百

四十五石一斗零 一則地六百六十六頃四十五畝

零 每畝編銀三分九釐 零米一升六合零 共征銀二千六百一十五兩四

錢零米一千一百一十一石五斗七升零 二則茶地

五頃二十畝零 每畝編銀四分七釐 零米二升零 共征銀二十四兩七

錢零米一十石四斗八升零 一則官山二十一畝零

每畝編銀 七毫零 共征銀一分零 二則民山三頃七十九畝

零 每畝編銀二分九釐 零米一升六合零 共征銀一十一兩零米四石六

斗七升零 一則塘二百二十頃二十六畝零 每畝編銀六分

二釐零米二升六合零 共征銀一千三百八十二兩二錢零米五

百八十五石二斗九升零 帶征丁銀二千五百八十

五兩九錢零 本折匠班腳銀二百一十六兩六錢零

雜辦漁課鈔商稅酒稅正腳銀四十三兩九錢零

兵糧耗費銀三十八兩二錢零 參寶志 縣志

通其額征地丁起存正雜等銀二萬七千二百八十

六兩八錢零額征正副漕米一萬三百三十一石五

斗五升零

起運地丁銀一萬五千一百九十八兩零 遇閏加銀四百二十三兩九錢

零 腳耗銀一百一十兩五錢零 遇閏加銀一錢零 驛站項下裁

歸起運銀二千八百二十二兩九錢零 遇閏加銀八十一兩零 續

裁解道銀五百四十兩 遇閏加銀三十六兩 折色物料正墊腳銀

二十七兩二錢零

漕糧起運四百九十八石九斗八升零抵解寧都漕米十石七斗一升零抵放贛標兵米六千三十七石二斗外裁兵餘剩米三千七百六十三石七斗八升零每石折銀六錢解糧道又乾隆四十九年南九信三衛所減征餘租缺額奉文每石加銀一錢九分零該增兵折抵補餘租銀七百二十六兩零歸入地丁銀內併征分解隨漕各項除荒亡陞補外實征銀一千九十八兩六錢零屯田五百三十四頃七十五畝零應征正折銀四千二百七十八兩零應征加增銀一千六十九兩五錢零成

熟餘田二百十八頃六十畝零應征餘糧銀九百一十一兩七錢零帶征屯丁銀二百四十二兩一錢零共應征正折加增餘糧丁田銀六千五百三錢零

田房契稅無定額常稅銀六十五兩牙稅銀一百二十七兩茶課銀五兩二錢零紙價銀一錢零落
地稅銀六十兩濠租銀四十五兩九錢零新增濠地租銀一兩七錢

人丁婦女原額二萬四千六百八十三丁口康熙五十年編審共二萬九千七十二丁口自後各屆編審新收除抵補開除外滋生九千八百七十四丁口

以上
縣志

粵都縣

開墾地山塘共一千八頃二十六畝零 夏稅鈔一百錠

三貫四百六十八文 秋糧米四千三百一十五百三

斗六升零 農桑絲二十二勛二兩零 里甲編銀一

千二百一十一兩六錢零 均徭編銀一千一百七十

兩三錢零 驛傳編銀一百八兩四錢零 民兵編銀

二千六百三十一兩六錢零 張志

國朝官民田地塘原額一千八頃二十六畝零內除學戶

米三石九升零派四差銀三兩三錢零不征外又節年

開墾田一頃二十五畝零 現在成熟一則田九百二

十四頃二畝零 每畝編銀八分三釐零 共征銀七千七百二十六

兩零 一則地二十二頃一畝零 每畝編銀八分三釐零 共征銀

一百八十四兩零 一則塘六十三頃四十七畝零 每畝

編銀八分三釐零 共征銀五百三十兩六錢零 帶征丁銀八

百九十四兩六錢零 本折匠班正腳等銀二十六兩

零 雜辦商稅課鈔正腳等銀二十二兩六錢零 參實志縣

通共額征地丁起存正雜等銀九千三百八十三兩

九錢零

起運地丁銀七千七百八十二兩九錢零 遇開加銀七十

七兩九錢零

脚耗銀二十八兩六錢零

遇閏加銀五分零

驛站項下裁歸起

運銀一百一十一兩六錢零

遇閏加銀九兩三錢零

折色物料正

墊腳銀一百一兩八錢零

屯田四十五頃四十三畝零應征正折銀三百六十三兩

四錢零應征加增銀九十兩八錢零

成熟餘田一十

二頃七畝零應征餘糧銀五十兩七錢零

成熟屯塘

八十九畝零應征餘糧銀三兩七錢零

帶征屯丁銀

一十二兩九錢零共應征正折加增餘糧丁田銀五百

二十二兩五錢零

出房契稅無定額

當稅銀五兩

牙稅銀一十四兩

牛稅銀二十八兩六錢

落地稅銀七十兩零

地租

銀八兩

濠租銀五錢零

茶課銀二兩四錢

紙價

銀五分零

人丁婦女原額五千一百七十丁口康熙五十年編審共

五千九百六十七丁口自後各屆編審新收除抵補開

除外滋生四百八十八丁口

以上縣志

信豐縣

明田地山塘共四千六百三十頃一十八畝零 夏稅鈔

四十六錠三貫六十文

秋糧米一十九百四十五石

六斗二升零

農桑絲二筋

里甲編銀九百五十三

兩一錢零 均徭編銀一千九十三兩六錢零 驛傳

編銀二百十九兩五錢零 民兵編銀二千二百五十

四兩一錢零 張志

國朝官民田地山塘原額四千六百三十二頃六十九畝

零內除義舟嘉定橋田糧并郭佐等荒埔土糧五石四

斗六升零橋田糧六斗五升零共派四差銀一十六兩

八錢零不征外又節年開墾新墜田地山畝頃八十六

畝零 現在成熟一則田五百七十九頃八十三畝零

每畝編銀二分九毫零 共征銀一千二百一十五兩五錢零 二

則田一千三百五十三頃七十四畝零 每畝編銀一分八釐零 共

征銀二千五百五十四兩一錢零 三則田二千六百

三十一頃四十六畝零 每畝編銀一分二釐零 共征銀三千三百

九十兩五錢零 四則新墜田二十三畝零 每畝編銀一分七釐

零 其征銀四錢零 五則新墜田七頃七十六畝零 每畝

編銀一分 其征銀九兩四錢零 一則地三十二頃三

十二畝零 每畝編銀七分五釐零 共征銀二百四十四兩五錢零

二則新墜地三十一畝零 每畝編銀七分一釐零 共征銀二兩

二錢零 一則官山五頃三十四畝零 每畝編銀七毫零 其征

銀四錢零 一則塘三十頃五十一畝零 每畝編銀六分七釐零

共征銀二百六兩六錢零 二則新墜塘一分零 每畝編銀

六分三釐零 其征銀一分零 帶征丁銀八百六兩一錢零

木折匠班正腳等銀一十七兩三錢零 雜辦商稅

銀二十二兩三錢零 參寶志 縣志

通共額征地丁起存正雜等銀八千四百六十九兩

三錢零

起運地丁並商稅銀七千一百六十九兩二錢零 遇閏加銀八十

四兩一錢零 腳耗銀八兩五錢零 遇閏加銀二分零 驛站項下裁歸

起運銀一百一十一兩六錢零 遇閏加銀九兩三錢零 本色物料

正墊腳銀四十二兩零

屯田二百一十七頃三十九畝零應征正折銀一千八百

一十五兩五錢零又閩省寄莊屯田五十五頃二十一

畝零應征屯糧銀四百九十七兩一錢零又應征餘糧

銀一百八十八兩一錢零 帶征屯丁銀七十八兩四

錢零 其應征正折餘糧丁田銀二千五百五十九兩

一錢零

田房契稅無定額 牙稅銀五十六兩 牛稅銀二十二

兩六錢 當稅銀十五兩 落地稅銀七十二兩 濠

租銀三兩三錢零 地租銀二十八兩三錢零

人丁婦女原額二千五百五十一丁口康熙五十年編審

同前自後各屆編審新收除抵補外滋生一千七百四

丁口 以上縣志

興國縣

明田地山塘共二千九百三十八頃九十二畝零 夏稅

鈔二百八十錠三貫十九文 秋糧米一萬三千一百

四十八石四斗八升零 農桑絲十筋十四兩零 里

甲編銀二千一百九十六兩八錢零 均徭編銀二千

一百七十四兩七錢零 驛傳編銀一千六兩一錢零

民兵編銀三千二百九兩二錢零 張志

國朝官民田地塘原額二千九百三十八頃九十二畝零

內除荒蕪田地塘一千二百一十九頃五十一畝零又

被水沖決田一頃五畝零又節年開墾田地山塘一千

二百一十二頃二十九畝零 現在成熟一則田七百

二十七頃三十一畝零 每畝編銀七分四釐零 共征銀五千四百

九兩三錢零 一則田九百三十頃三十畝零 每畝編銀七分

一釐 其征銀六千六百四十三兩九錢零 三則田一

千六十三頃三十七畝零 每畝編銀六分八釐零 共征銀七千二

百六十四兩九錢零 一則地一百一十一頃二十六

畝零 每畝編銀六分二釐零 共征銀六百九十八兩五錢零 一

則官山三十一頃一十三畝零 每畝編銀七毫零 共征銀二兩

三錢零 一則塘六十八頃三十二畝零 每畝編銀八分一釐零

共征銀五百五十七兩四錢零 帶征丁銀二千一百

八十五兩二錢零 征本折匠班正腳等銀九十八兩

二錢零 征雜辦商稅課正腳等銀一百一兩零 參寶志縣

志

通共額征地丁起存正雜等銀二萬二千九百六十

一兩二錢零

起運地丁銀二萬一千五百六十三兩六錢零 遇閏加銀一百八十

一兩四錢零 腳耗銀一百三十四兩零 遇閏加銀七分零 糧道淺船銀

一十七兩四錢零 驛站項下裁歸起運銀一百一十兩

六錢 遇閏加銀九兩三錢 折色物料正墊腳銀一百一十兩一錢

零

屯田一百七十頃九十五畝零應征正折銀一千三百六

十七兩六錢零應征加征銀三百四十一兩九錢零

成熟餘田一十八頃八十六畝零應征餘糧銀七十八

兩五錢零 帶征屯丁銀四十八兩九錢零 共應征

正折加增餘糧丁田銀一千八百三十六兩九錢零

田房契稅無定額 牙稅銀二十九兩 牛稅銀八兩

當稅銀二十兩 落地稅銀四十八兩四錢 濠稅銀

八兩 官地稅銀一兩五錢 鐵稅銀一百五十四兩

八錢

入丁婦女原額七千五百七十五丁口康熙五十年編審
共八千四百三十五丁口又招徠男婦五千四百丁口
自後各屆編審新收除抵補外滋生二千八百二十九
丁口以上縣志

會昌縣

明田地山塘共一千五百九十五頃八十八畝零 夏糧
鈔三錠二貫九百文 秋糧米八百三十五石三斗六
升零 里甲編銀七百二十兩五錢零 均徭編銀八
百九十六兩四錢零 民兵編銀一千三百三十一兩
六錢零張志

國朝官民田地山塘原額一千五百九十八頃五十一畝
零又節年闢墾田山四頃一十四畝零 現在成熟一
則田一千五百五十四頃八十五畝零 每畝編銀二分三釐零 共
征銀三千六百九十二兩五錢零 一則新墾田二頃
六十四畝零 每畝編銀二分三釐零 共征銀六兩二錢零 一則
地一十二頃一十四畝零 每畝編銀四分一釐零 共征銀五十兩
三錢零 一則官山一頃四十九畝零 每畝編銀七毫零 共征
銀一錢零 一則塘三十一頃五十一畝零 每畝編銀
零 共征銀一百九兩八錢零 帶征丁銀三百九十六
兩四錢零 征本折匠班正腳等銀二兩二錢 征雜

辦學田官地商稅銀二十八兩五錢 參寶志 縣志

通共額征地丁起存正雜等銀四千二百八十六兩零

起運地丁銀三千二十六兩二錢零 遇閏加銀六兩六錢零 腳耗銀

四兩一錢零 遇閏加銀一分零 驛站項下裁歸起運銀一百二

十二兩四錢

屯田二百二十七頃二十八畝零應征正折銀一千九百

三十三兩八錢零應征餘租銀六千二百八兩四錢零

又閩省寄莊屯田九頃七十一畝零應征屯糧銀一百

一兩零餘租銀七十七兩七錢零 帶征屯丁銀

五十四兩三錢零 共應征正折餘租丁田銀八千三

百八十五兩六錢零

田房契稅無定額 牙稅銀六十五兩 牛稅銀二十兩

落地稅銀五十四兩 地租銀一十八兩

人丁婦女原額一千七百七十九丁口康熙五十年編審

共一千八百七十五丁口自後各屆編審除新收抵補

外滋生一千二百四十五丁口 以上縣志

安遠縣

明田地山塘共一千五百四十頃六十二畝零 夏稅鈔

一十五錠五百六十八文 秋糧米四百七十石八斗

二升零 農桑絲一觔六兩零 里甲編銀四百七十

九兩三錢零 均徭編銀六百二十八兩三錢零 民

兵編銀九百三十九兩四錢零

張志

國朝官民田地塘原額一千五百五十頃六十七畝零又

節年開墾田地山五十一頃四十六畝零 現在成熟

一則田一百四十八頃一十三畝零 每畝編銀二分七釐零 共征

銀四百五兩六錢零 二則田四百八十一頃七十一

畝零 每畝編銀二分五釐零 共征銀九百八十九兩二錢零 三

則田八百七十五頃九十七畝零 每畝編銀一分三釐零 共征銀

一千二百二十五兩五錢零 四則新墾田二十五頃

七十七畝零 每畝編銀一分三釐零 共征銀三十四兩六錢零

一則地一十四頃三十三畝零 每畝編銀六分九釐零 共征銀一

百兩二錢零 二則桑地二十二畝零 每畝編銀五分七釐零 共

征銀一兩二錢零 一則官山二十六頃九十五畝零

每畝編銀七毫零 共征銀二兩零 一則塘二十九頃三畝零

每畝編銀二分四釐零 共征銀六十九兩七錢零 帶征丁銀二

百九十八兩九錢零 征雜辦官學田地銀七十兩九

錢零 參實志縣志

通共額征地丁起存正雜等銀三千一百九十八兩

一錢零

起運地丁銀二千一百六十八兩三錢零 遇閏加銀二十一兩三錢零

腳耗銀三兩三錢零 遇閏加銀八釐 驛站項下裁歸起運銀一

百一十七兩 遇閏加銀九兩七錢零 折色物料正墊腳銀八錢零

田房契稅無定額 牙稅銀三十八兩 牛稅銀八兩二

錢零 落地稅銀四十七兩九錢零 地租銀二兩七

錢零 茶課紙價銀一兩五錢零

人丁婦女原額一千五百五十丁口康熙五十年編審共

一千六百四十四丁口自後各屆編審除新收抵補外

滋生三百九十二丁口 以上縣志

龍南縣

明田地山塘共一千六百六十四頃二十三畝零 夏稅

鈔八十二錠二百二十四文 秋糧米三千六百六十

五石九斗零 里甲編銀五百四十二兩四錢零 均

徭編銀五百七十二兩四錢零 民兵編銀一千九百

二十二兩二錢零 張志

國朝官民田地塘原額一千六百六十四頃四十五畝零

又節年開墾田山六頃八畝零 現在成熟一則田一

百六十五頃七十五畝零 每畝編銀五分三釐零 共征銀八百八

十二兩三錢零 二則田三百四十三頃三十畝零 每畝

編銀四分六釐零 共征銀一千五百八十三兩九錢零 三則

田一千九十三頃五十七畝零 每畝編銀三分二釐零 其征銀三

千五百七十兩三錢零 四則新墜田三十九畝零 每畝

編銀三分二釐零 其征銀一兩三錢零 一則地二十五頃二

十八畝零 每畝編銀六釐零 其征銀一十六兩五錢零 二則

地九分 派租鈔一貫八十分 三則新墜地二畝零 每畝編銀六釐零 其

征銀一分零 一則官山五頃一畝零 每畝編銀七毫零 共征

銀三錢零 新墜官山一畝零征銀一釐 一則塘三

十七頃一十六畝零 每畝編銀七釐零 其征銀二十九兩三錢

零 帶征丁銀六百四十三兩二錢零 征雜辦橋稅

銀一錢零 參實志縣志

通其額征地丁起存正雜等銀六千七百二十七兩

六錢零

起運地丁銀五千五百三十三兩三錢零 遇閏加銀一兩一錢零

腳耗銀二十五兩八錢零 遇閏加銀二分零 驛站項下裁歸起

運銀一百一十一兩六錢 遇閏加銀九錢

田契契稅無定額 牙稅銀四十九兩 牛稅銀一兩二

錢零 當稅銀一十五兩 落地稅銀六十六兩

人丁婦女原額三千七十八丁口康熙五十年編審共三

千八十八丁口自後各屆編審除新收抵補外滋生二

百九十四丁口 以上縣志

長寧縣

明田地山塘其六十一頃六十畝零 里甲編銀五百九

十四兩三錢零 均徭編銀六百八兩三錢零 民兵

編銀八百二十四兩九錢零

張志

國朝官民田地塘原額六十二頃四十五畝零內除贍兵

贍學田一十六石五升零派二差銀六十八兩二錢零

不征外又節年開墾田地山塘二十二頃八十二畝零

現在成熟一則田二十四頃六十六畝零 每畝編銀二錢一分

零 共征銀五百三十四兩一錢零 二則田二十一頃

八畝零 每畝編銀二錢零 共征銀四百二十二兩三錢零 三

則田一十二頃三十四畝零 每畝編銀一錢八分零 共征銀二百

二十七兩一錢零 四則田三頃六十六畝零 每畝編銀一錢

七分 共征銀六十四兩五錢零 一則地二頃九畝零

每畝編銀二錢一分零 共征銀四十四兩一錢零 二則桑地一

十四畝零 每畝折銀五分六釐零 共征銀八錢零 一則官山一

十九頃一十三畝零 每畝編銀七毫零 共征銀一兩四錢零

一則塘二頃一十五畝零 每畝編銀二錢七分零 共征銀五十八

兩三錢零 帶征丁銀一百三十五兩八錢零 征雜

辦沒官田租銀九百六十七兩四錢 參寶志縣志

通其額征地丁起存正雜等銀二千四百五十六兩

二錢零

起運地丁銀一千四百九兩六錢零遇開加銀二十脚耗

銀一兩五錢零遇開加銀一分驛站項下裁歸起運銀一百一

十七兩遇開加銀九兩七錢零折色物料正墊脚銀五錢零

田房契稅無定額 牙稅銀二十三兩 牛稅銀六兩

落地稅銀二十四兩 地租銀一十八兩八錢零

人丁婦女原額一千一百一十九丁口康熙五十年編審

共一千一百二十六丁口自後各屆編審除新收抵補

外滋生一千一百二十一丁口以上縣志

定南廳

明田地山塘其七百七十七頃五十畝零 夏稅鈔一十

五錠一貫二百六十一文 秋糧米六百八十六石五

斗八升零 里甲編銀五百五十一兩零 均徭編銀

六百二十二兩二錢零 民兵編銀一千一百九十二兩

零張志

國朝官民田地塘原額七百七十九頃一十五畝零又節

年開墾田山九十頃四十一畝零 現在成熟一則田

一百三十二頃四十三畝零每畝編銀四釐零其征銀六十五

兩二錢零 二則田一百一十二頃四十六畝零每畝編銀

六釐 其征銀六十七兩七錢零 三則田一百四十四

頃五十畝零

每畝編銀五釐零

共征銀七十四兩三錢零

四

則田四百二十頃八十七畝零

每畝編銀二釐零

共征銀九十

一兩六錢零

五則田一頃九十三畝零

每畝編銀二釐零

共

征銀四錢零

一則地四頃七十五畝零

每畝編銀三釐零

共

征銀一兩六錢零

一則官山四十七頃一十四畝零

每畝編銀七毫零

共征銀三兩五錢零

一則塘五頃四十五

畝零

每畝編銀四釐零

共征銀二兩五錢零

帶征了銀三十

二兩四錢零

征雜辦府縣各船商稅鹽稅沒官田租

等銀八百六十六兩三錢零

參實志縣志

通共額征地丁起存正雜銀一千二百六兩一錢零

起運地丁銀二百七兩四錢零

遇閏加銀一兩一錢零

腳耗銀一

錢零驛站項下裁歸起運銀一百一十一兩六錢零

遇閏

加銀九兩三錢

田房契稅無定額

牙稅銀一兩

牛稅銀一十二兩

地租銀二十兩五錢

人丁婦女原額七百四十二丁口康熙五十年編審共七

百七十丁口自後各屆編審除新收抵補外滋生一百

五十六丁口

以上縣志

贛州府志卷二十八

經政志

權稅

贛有關稅昉於明正德六年都御史陳金題設而首建議者則南贛飭兵副使王秩也秩既酌議抽鹽之法又將廣閩商舶貨物估定規則立廠盤掣以助軍餉先是宏治年間都御史金澤請設稅場於南安折梅亭至是又增設於贛商旅裹足不前正德十一年科臣黃重奏稱廣貨自南雄經折梅亭已兩稅矣贛稅不無重複請停止十二年南贛巡撫王守仁據嶺北道楊璋條奏請移

折梅亭之稅歸并贛關於是每季委府倅管理權務季終交代萬曆十年南贛巡撫張渙奏改本府通判專司二十七年稅監潘相至贛欲坐筦關鑰都御史李汝華力爭之四十二年撤去稅監仍歸府倅管理

國朝初沿明舊康熙二年始遣部臣督關五年部差停止嶺北道管理六年贛州知府管理七八年同知管理九年復差滿漢部臣二員十三年專差部臣一員佐以筆帖式二十六年道府遞管二十七年仍差部臣并筆帖式五十六年筆帖式停惟監督一員按年遞差歲一更換雍正元年停差部臣今巡撫委員收稅而專責仍屬

贛南道

明關廠初設於湧金門外龜角尾乃章貢合流處也嗣因

洪水衝壞遂於東西兩橋並設盤掣

東在建春門貢水遶焉西在西津門

外章水遶焉皆設浮橋使民利涉而抽分設廠於此船在東橋者一百隻在西橋者六十隻用纜橫鎖官司其鑰以時先奉督印發稅票下府鹽稅都票於戶房掛號

雜稅都票於上房掛號凡商賈到橋照稅則開單投廠

送府掛號印記同都票發廠查收稅過官鹽商人願投

別縣發賣者另給轉江都票每日收銀若干投櫃數登

循環簿月終彙送至府庫凡有應解應給府詳道覆核

轉詳軍院批允然後支發廠官每季將循環簿送道轉

送軍院倒換歲終造入歲用軍餉冊本內奏繳又凡下
水船隻分守道印發船票下府收稅爲修理紅船等用
過關者各赴委官處照票納銀給票一紙名曰季票如
係下流新船名曰小票每三板船納銀一錢三分小七
板船納銀二錢四分大七板船納銀三錢小號頭船納
銀六錢大號頭船納銀一兩俱於委官處交納給票過
關隨於船頭烙印斧記收票繳道

國朝關廠仍在東西兩橋凡各船泊河干先將貨物開明
赴關部衙門投報稅五兩以下者買小單一張稅至五
兩以上者買大單一張照單估算應抽稅若干覓誌來

日候監督親臨盤掣放行如貨物零星只臨關報稅不
必買單每日給單稅若干按季造冊報部銷算

解額

明稅額每年鹽稅雜稅約共銀三萬兩鹽稅以八分解部
二分留餉雜稅以五分解部五分留餉解部總以二萬
計留餉總以萬餘計此其常也舊例五年一解部如部
有急咨或三四年一解總視收數爲盈縮自都御史謝
杰立月比法隱漏漸少除解部與餉用外尙有餘積河
備地方緩急萬曆二十七年潘監至增收上水稅銀五
千兩下水稅銀一萬兩連原額共四萬五千兩內以三

萬八千五百兩解稅監轉解餘留備餉每年先儘監額
由是軍餉不繼萬曆四十二年減免增稅七千兩而報
解猶三萬有奇尋撤稅監增稅悉蠲

國朝原額三萬五千兩入門稅三百八十二兩五錢三分
零康熙十九年鹽課改行准鹽減稅銀一千兩二十年
復增稅銀三千兩二十五年加增銅價每觔三分五釐
計增額稅銀三千七百四十二兩原額併門稅及兩次
加增其銀四萬二千一百二十四兩五錢三分除減銀
一千兩歸入准課實計額銀四萬一千一百二十四兩
五錢三分後疊經加增今額餉銀四萬六千四百七十
一兩五分零留抵贖鎮八箇月兵餉按年查照藩司移
單支放

支銷

一康熙二十二年癸亥奉

上諭將額銀五千兩辦銅七萬六千九百二十三觔八兩
解寶錢局每觔價銀六分五釐二十四年乙丑奉

上諭將額銀一千九百五十兩辦銅三萬觔解寶錢局每
觔價銀六分五釐又奉部文本關應出戶工二部銅觔
腳價銀五千三百四十六兩五錢二分五釐一併歸報

餉項

一 中左後城守四營應支餉銀二萬二千零三十八兩五分二釐外錢二千二百零三千八百文

一 南安寧都二營應支餉銀六千三百六十四兩外錢六百三十六千四百文

一 興國營應支餉銀三千一百四十六兩外錢三百一十四千六百文

一 文英營應支餉銀二千二百八十六兩外錢二百一十八千六百文

一 永鎮橫岡羊角三營應支餉銀二千零九十一兩外錢二百零九千一百文

每年共支餉項銀四萬六千四百七十一兩五分五釐又錢四千六百四十千一百文其錢向不由關領發所扣錢本仍作九月分兵餉補放

一 每年盈餘奉解戶部幫助翰林院庶吉士銀四十兩內閣費用銀二百兩廣東司接印飯銀五十兩江西司撥餉飯銀四百兩貴州司請印冊檔飯銀一十二兩又季報飯銀七百二十兩考核飯銀三百六十兩戶科季報飯銀四百兩考核飯銀二百二十兩委員解送

臨關零稅項下扣支餘費雜用外存剩銀兩實計若干具報巡撫詳請委員押解赴部由驛站撥夫遠運其解負

水腳銀兩每站每萬兩發銀五錢五分又乾隆元年丙辰戶部行文每年起解盈餘之外添解飯食銀八兩給發解員投繳

乾隆二十九年甲申奉文節省水腳每年雖仍照例扣支定給解員銀一百零九兩一錢其餘彙存至百兩以上附給部庫

稅則

稅則分上下水上水之貨以湖絲緞絹紗羅絲線人參馬尾麝香爲上征稅最重皮褐褐屬之屬次之硃砂水銀白蠟礪砂之屬又次之其餘各貨有以觔計者有以

數計者有以担載及盛器計者而粗重苦惡之物則有以胎計觔計者自九錢一分至五釐三釐而止各有定則照數報征下水之貨大都來自閩廣以犀角阿魏黑角爲上沈速香燕窩牛黃次之翠毛象牙瑋瑁之屬又次之其餘自藥料鉛錫而降計觔按數一如上水自一兩七錢至二分而止視其物之貴賤而輕重分焉

臨關者謂齎貨瑣細不必買單當關投稅卽爲照驗放行所以卹小商而通近賈也定例一兩五錢以上爲小單五兩以上爲大單不及一兩五錢者爲臨關是以臨分爲兩項一係正稅外加增之臨關一係零稅不成單

之臨關貨物無分多寡稅銀不論正臨總屬一例照別
核算

鹽每引五包每包五十觔稅三分四釐零水面每引五
釐七毫雍正七年己酉巡撫張咨准部覆鹽稅既經歸
入淮課無從征收應行刪除今行廣鹽其課亦歸粵省
是以則例內無鹽稅

竹木之類多產上游立有定則清流木三層爲一則稅
七兩草流木五層爲一則稅六兩杉木七層爲一則稅
三兩五錢皮槁木十層爲一則稅三兩五錢俱以橫量
十丈爲率而臨關則清流木草流木二兩杉木皮槁木
一兩其餘方板株木及苗竹筆竹之屬按數額征竹木
向係丈量康熙四十二年癸未因箨厚藏匿滋弊改令
凌做查點根數惟本稅分別減免

贛橋舊例民間負戴行李俱有盤查傾筐倒篋巡撫卽
廷極重禁之

五門進城鄉民攜帶土產物件經巡道王世繩詳明勒
石免乾隆十四年己巳正月復經部議照舊征收

康熙六十一年壬寅監督常壽任內因有挑越偷漏詳
明巡撫王於相隔贛城二十里之儲潭設立巡查口岸
收繳下水照票并登報上水貨物嗣於雍正十三年乙

卯經巡撫常安於章程案內始行奏明

與國縣額征商稅每年一百一兩零雜稅九十兩零向

例取諸商販甲寅寇亂不能取辦議令下水穀船每船

納銀一錢行之二十年間閭以為病康熙三十年士民

呂大夏呈請裁革巡撫宋學允詳檄府勒石永禁嗣後

贛府穀價兩稅裁革之令實權輿於此

嘉慶五年奉

欽定每年報滿征銀數目贛關權稅畱抵虔標兵餉銀

四萬六千四百七十兩五分五釐共盈餘三萬八千兩

隨時咨撥

終卷二十八

贛州府志卷二十九

經政志

鹽課

贛郡自唐以前向食淮鹽

唐僖宗時鄭畋因交廣邑南兵舊取嶺北五道米往餉之

船多敗沒請以嶺南鹽鐵委廣州韋荷歲煮取鹽值四

十萬緡市虔吉米贍安南罷荆洪等漕役軍食遂饒

宋淳化元年以虔州大庾縣置南安軍從楊允恭請也其

本傳云太宗命為廣巡都巡檢使時鹽自嶺入盜販者

眾允恭請建大庾縣為軍輦鹽設官軍以免其患詔從

之慶厯間轉運使李敷至繇請運廣鹽於虔吉二州治平元年以蔡挺提點江西刑獄兼提舉虔州鹽法簡僚吏至滄轉鹽絕私販弊竇歲增賣鹽四十萬元豐三年提舉江西廣東鹽事蹇周輔請運廣鹽巡議推倣湖南之法乞運廣鹽於江西卽遣蹇周輔往江西相度周輔奏言虔州運路險淮鹽至者不能多人若淡食廣東鹽不輒通盜販公行若運廣鹽其費減而鹽更善運路無阻請罷運淮鹽通般廣鹽一千萬觔於江西虔州南安軍復均淮鹽一百一十六萬觔於洪吉筠袁撫臨江建昌興國軍以補舊額詔周輔立法以聞周輔具鹽法總

目錄上遂以周輔遙領提舉江西廣東鹽事俱宋史崇寧

以後蔡京變鹽法惟南安軍行廣鹽虔吉復行淮鹽中

醜政江西虔州地連廣南而建之汀州與虔接虔鹽既

不善汀故不產鹽多盜販廣南鹽以射利每歲秋冬田

事既畢往往十百爲羣持甲兵旗鼓往來虔南汀漳梅

循惠廣八州之地所至汚人婦女掠人穀帛與巡捕吏

鬪格至殺傷吏卒則起爲盜依阻險要捕不能得或赦

其罪招之歲月浸淫滋多而虔州官糶鹽歲纔及百萬

觔朝廷以爲患職方員外郎黃柄請增近歲所增官估

觔爲錢四十以虔州十縣五等戶夏秋稅率百錢令難

鹽二觔隨夏稅錢入償官從之文獻通考

元順帝建炎三年以淮鹽壅積詔江西轉運毋令閩廣私

鹽入吉贖大事記

明天順間戶部郎中陳俊都御史葉盛以贛州去淮寫遠

溪灘險阻鹽商少到軍民食鹽全仰給於廣東題請商

人有願至南贛二府發賣者於南雄府每引納米二斗

折銀二錢充餉成化間贛州僉立鹽行每年征銀四十

兩謂之水面宏治間有兵事加水面至一百二十兩正

德二年兵備道王秩議南贛行廣鹽在贛發賣者例十

引抽助餉嘉靖五年都御史潘希曾復題廣鹽經南雄

太平橋已稅者十引抽一引半未稅者十引抽二引或

折銀入錢

竇忻按明史食貨志云正德二年江西贛州南安吉
安改行廣東鹽則正德以前雖有陳葉之請特通商
販以濟緩急而未嘗盡絕淮運也至武宗時始定令
改行耳又按舊志云閩鹽自汀州過會昌羊角水廣
鹽自黃田江九渡水來者未經折梅亭納米在贛發
賣每十引抽一引以助軍餉則閩鹽亦間行於贛州
不特廣鹽矣

國朝順治間仍食廣鹽康熙十六年巡撫佟國禎請復行

淮鹽定贛郡准引一萬一千七百三十三道每引二百

五十觔共鹽二百九十三萬四千二百五十觔每引納

餉六錢七分二十四年廣撫李某請贛南復食廣鹽以

避灘河之險三十年在京科臣卞三畏奏請照江浙例
廣東設巡鹽御史募立總商行鹽辦餉三十二年廣東
鹽院沙某將贛屬所食廣鹽改運潮鹽時民間食鹽惟
憑潮州鹽運分司小票給發散客卽販向總商買運於
冬縣縣官掛號發賣其課餉完欠考成皆出總商之手
縣官無從過問餉項任其侵蝕以致督銷足額溢額之
縣多被報入御史不加查察一例題參贛屬十二縣降
俸降級之案無虛歲康熙四十年以後尤甚四十五年
十月

上諭以廣東鹺政廢壞課餉日虧頒發弊略七條交廣東

巡撫兼理於是巡撫范時崇條奏議革總商裁潮州鹽
運分司等員各縣歷年枉參之案概請開復從前總商
所虧課餉歸於各縣分年帶銷并令各縣於四十六年
爲始結報殷實土商承充完餉又將從前官吏陋規盡
歸正餉名目餘費四十八年又以潮惠二府引日繁多
酌均於贛屬嗣因潮運由筠門嶺來艱於挑運經廣督
題改廣省改兌由南雄而來最爲商民之便至今仍之

廣鹽一萬五千觔爲一河一千五百觔爲一隻一百
五十觔爲一分每河鹽價一十八兩四錢八分五釐
零土商赴場交兌南贛鹽價經兩廣鹽院沙某額
定每觔一分四釐五毫貴賤永不增減原額鹽引一
萬二千六百道每引行鹽三百二十二觔每引征餉
銀一兩一錢四分一釐零征復稅銀三分七釐零新

更餘費每引征銀二錢四分五釐零

康熙四十八年勻銷興寧平遠程鄉鎮平四縣引二萬五千二百道贛屬新定額引三萬七千八百道贛引原額每道配鹽三百二十二觔粵引每道配鹽二百三十觔五觔將此鹽觔通融勻配每引該配鹽二百六十四觔計引三萬七千八百道共行鹽九百九十七萬九千二百觔又將餉稅餘費通融勻算一例征輸每引征餉銀六錢一分五釐零共征銀二萬三千二百六十四兩八分一釐每引征筭稅銀一分二釐零共征銀四百六十九兩一錢一分七釐零又每引征餘費銀二錢四分五

釐零共征銀九千二百八十兩二錢三釐其寧都瑞金石城鹽引八千一百道今照數除去餉銀四千九百八十五兩一錢六分三釐零筭稅銀一百兩五錢二分零餘費銀一千九百八十八兩六錢一分五釐零乾隆二十三年贛縣信豐安遠龍南定南五廳縣餘鹽改引共八千六百二十九道征餉銀七千五百三十六兩三錢九分零計每引征餉稅餘費共銀八錢七分三釐現在九屬共征餉稅餘費銀三萬三千四百七十五兩四錢八分零

贛縣原額引二千八百八十道康熙四十八年更定引一

萬三千道乾隆二十三年改引二千五百一十七道應
行鹽三百九十七萬七千六百觔共額征餉稅餘費銀
一萬三千五百五十二兩一錢三分零

粵都縣原額引一千五百道康熙四十八年更定引四千
二百道應行鹽一百一十萬八千八百觔共征餉稅餘
費銀三千六百六十八兩一錢五分零

信豐縣原額引八百五十道康熙四十八年更定引二千
五百道乾隆二十三年增改引一千五百二十道應
行鹽一百六萬二千三百九十二觔共征餉稅餘費銀
三千五百一十七兩九錢四分零

康熙四十八年題請
良惠鹽征餉同商引

興國縣原額引一千道康熙四十八年更定引二千三百
道應行鹽六十萬七千二百觔共征餉稅餘費銀二千
八兩七錢五分零

會昌縣原額引六百道康熙四十八年更定引一千二百
道應行鹽三十一萬六千八百觔共征餉稅餘費銀一
千四十八兩四分零

安遠縣原額引五百一十道康熙四十八年更定引一千
道乾隆二十三年增改引一千五百二十八道應行鹽
八十二萬五千七百九十二觔共征餉稅餘費銀二千
七百三十一兩九錢一分零

龍南縣原額引九百道康熙四十八年更定引二千七百
道乾隆二十三年增改引一千五百二十八道共應行
鹽一百一十一萬六千一百八十二觔共征餉稅餘費
銀三千六百九十二兩六錢二分
康熙四十八年題請
食惠鹽征餉同潮引
長寧縣原額引三百七十道康熙四十八年更定引一千
道應行鹽二十六萬四千觔共征餉稅餘費銀八百七
十三兩三錢三分零

定南廳原額引二百四十道康熙四十八年更定引一千
二百道乾隆二十三年增改引一千五百二十八道共
應行鹽七十一萬九千五百九十二觔共征餉稅餘費

銀二千三百八十二兩五錢六分零

賣析按定南鹽課自順治至康熙五十餘年按戶派
餉官民兩累康熙五十七年知縣陸逢龍據邑紳黃
充瑛等呈具詳改准餉歸商納派餉之累遂除

贛州府志卷三十

經政志

驛傳

贛州府額設紅船六十隻內大號紅船九隻每船水手六
名次號紅船四十五隻每船水手四名小號紅船六隻
每船水手三名康熙三十三年奉文調撥在省應差大
號船二隻次號船十六隻小號船二隻水手八十二名
四十八年又奉裁次號船三隻小號船一隻水手十五
名下存大號船七隻次號船二十六隻小號船三隻存
水手一百五十五名乾隆二十四年奉裁船五隻二十

八年奉裁船二十二隻三十年奉裁船四隻現在實存
茅篷船五隻存水手一十九名府前總鋪司一名鋪兵
一名

贛縣原額差馬三十匹馬夫九名乾隆二十四年奉裁馬
五匹夫三名實存馬二十五匹馬夫六名

攸鎮驛原設馬三十匹馬夫八名乾隆二十四年奉裁
馬五匹馬夫二名實存馬二十五匹馬夫六名又乾隆

十四年添設腰站差馬二十四匹馬夫五名二十四年奉
裁馬十匹馬夫二名實存馬十四匹馬夫三名總共存馬

六十匹馬夫十五名 城內原設站夫一百名雍正十

年奉裁二十名實存站夫八十名攸鎮驛原設站夫一

百名雍正四年奉裁二十名現存八十名四路額設三

十一鋪共鋪司兵一百名

總鋪在府前 鄒屋鋪 縣東南二十里 黃龍鋪 縣東南四十里 江口鋪

縣東南六十里 寧州鋪 縣東南八十里 以 磨刀鋪 縣東北八十里 里由江口分路

鹿山鋪 縣東北一百里 石院鋪 縣東北一百二十里 沙石鋪 縣東

南二十里 葉勒鋪 縣南三十里 牛輓鋪 縣南五十里 苦竹鋪 縣南六十里 王

富鋪 縣南七十里 大龍鋪 縣南八十五里 均頭鋪 縣南一百一十里 武泰鋪 縣南一百一十里 以

王母鋪 縣南八十里 由苦竹分路 陳田鋪 縣南一百一十里 武泰鋪 縣南一百一十里 以

上三鋪 黃金鋪 縣南五十里 五總鋪 縣南二十里 以 殊嶺鋪 縣西

北十里 火燔鋪 縣西北 石下鋪 縣西北 長步鋪 縣西北 揚

坑鋪 縣西北 南田鋪 縣西北 楓林鋪 縣西北 古逕鋪 縣西

北八十里 仙石鋪 縣北 新坪鋪 縣北 焦林鋪 縣北

桂源鋪 縣北 桂溪鋪 縣北

零都縣原設驛站人夫四名差馬二匹馬夫一名雍正五年

年裁縣前總鋪設鋪司一名四路共設二十二鋪共鋪

兵四十三名

縣前總鋪即古兵馬司 下耆鋪 縣西北 道仁鋪 縣西

十三里 三門鋪 縣西北 峽口鋪 縣西北 黃金鋪 縣東

北二里 禾溪鋪 縣東北 紫微鋪 縣東北 仙霞觀鋪 縣志作

北八里 銀坑鋪 縣東北 葛垵鋪 縣東北 貓石鋪 縣東北

十里 小庄鋪 縣北 南山鋪 縣東北 印山鋪 縣東北

黃沙鋪 縣東北 通寧都 水逕鋪 石下鋪 縣東

南四里 又干鋪 縣東南 梓山鋪 縣東 洽江鋪

縣東五里 太寧鋪 縣東 以上

信豐縣驛站人夫四名差馬二匹馬夫一名雍正五年裁

東河浮橋夫四名縣前總鋪設鋪司一名四路設十四

鋪共鋪兵二十九名

縣前總鋪 老山鋪 縣北 楠木鋪 縣北

烏灣鋪 縣南 大塘鋪 縣南 羊馬鋪 縣南 企嶺鋪

十里 十里 十里 十里

縣南入下燕鋪縣南一百二十里東坑鋪縣南一百二十里東塘

十里縣北四十里百石鋪縣東三十里新田鋪縣東六十里以上六鋪通龍南

寮鋪縣東南三十里鐵石鋪縣東南六十里內江鋪縣東南九十里以上

二鋪通定南

興國縣驛站人夫四名差馬二匹馬夫一名雍正五年裁

站夫四名雍正十年裁縣前總鋪設鋪司一名四路設

三鋪共鋪兵七名

縣前總鋪 馬岡鋪縣南十五里雲溪鋪縣西南三十里以上三鋪通贛縣

會昌縣驛站人夫四名差馬二匹馬夫一名雍正五年裁

站夫四名雍正十年裁縣前總鋪設鋪司一名四路設

九鋪共鋪兵十九名

縣前總鋪 珠蘭鋪縣西二十五里鸕鷀鋪縣西五十里長田鋪縣西

北七十五里以承鄉鋪縣北四十里孕龍鋪縣北七十里小密鋪

上四鋪通零都來龍崗鋪縣南四十里水南鋪縣南八十里以上二鋪通

福建石螺鋪縣南一百二十里從武平水南分路通長寧

安遠縣驛站人夫四名差馬二匹馬夫一名雍正五年裁

站夫四名雍正十年裁縣前總鋪設鋪司一名四路設

五鋪共鋪兵十名

縣前總鋪 龍頭鋪縣西北三十里板石鋪縣西北六十里新田鋪縣西

北一百一十里以沙含鋪縣東五十里通長寧

龍南縣驛站人夫四名差馬二匹馬夫一名雍正五年裁
站夫四名雍正十年裁縣前總鋪設鋪司一名僻遞三
鋪共鋪兵六名

縣前總鋪 樟木鋪 縣北十五里 曹嶺鋪 縣北二十五里以
上三鋪通信豐

關西鋪 通定南安
遠廣東

長寧縣驛站人夫四名差馬二匹馬夫一名雍正五年裁
站夫四名雍正十年裁縣前總鋪設鋪司一名僻遞二
鋪共鋪兵四名

縣前總鋪 三標保鋪 縣西北三十
里通安遠

定南廳驛站人夫四名差馬二匹馬夫一名雍正五年裁

站夫四名雍正十年裁廳前總鋪設鋪司一名僻遞四

鋪共鋪兵十一名



廳前總鋪 下厯鋪 東北二十
十里 橫岡鋪 東北四十里以
上二鋪通龍南

腦鋪 東北一百二
十里通信豐

通志卷之八

共計名勝五十七處

無名者六名

共計名勝五十七處

無名者六名

共計名勝五十七處

無名者六名

共計名勝五十七處

無名者六名

共計名勝五十七處

